

OPVSCVLVM
RECENS NATVM
DE MORBIS PVERORVM.
cum Appendicibus Magistri
Petri Toleti ex professo
Medici.


Sunt etiam nonnulli additi Libelli
perutiles, haectenus desiderati,
quos sequens pagella
demonstrabit.



LVGDVNI,
APVD GERMANVM ROSE.

Cum priuilegio.

M. D. XXXVIII.



ADNVMERATIO

eorum quæ in hoc opere
continentur.

Odi de odis de prandij & cœnæ ratione.

*Libellus de peste Guidonis antea non uisus,
quem exhibuit Squirenius utriusque linguæ peri-
tissimus.*

*Vniuersalis morbi articularis præcautio &
curatio.*

*Adiecta est in calce huius operis parastasis de
prandij & cœnæ ratione.*

*Habes etiam epistolas prodigiosas cum maxi-
ma fide scriptas, quibus respondet M. P. T.
uelut præfagiens & uaticinans quæ futura quæq;
insperata euenient.*

Domino Carolo

BRACHETO PRV-
dentissimo Iuris consulto, & su-
premae in regio comitatu cu-
riae senatori, Petrus Tol-
letus professione
medicus,

S. D.



OST LVSTRVM
irreuocabile, & subi-
tum, quod non so-
lū tristi medicae pro-
fessionī apud Allo-
brogas Viennenses
impenderam, sed & desidiaē, & cor-
pori ferre, nedum dissimulare ultra
non potui, uir clarissime, quominus
uirulentum, torpens, & languidum
institutū mutarem, lustrareturq; me-
lioribus, studijs, quod est uitae no-

EPISTOLA.

stræ reliquum. Quæ autem sint illa meliora studia, quæ æternam pariunt memoriam nobis mortalibus quibus uita bulla fragilior cōcessa est. Set eò erroris, & stultitiæ peruenerunt multi, ut omnia sua studia ad cumulos congerendos auri, & argenti, quæ teste Plinio perniciē uitæ humanæ afferunt, conferant: & ita ut pernoctes & per diū lucro impalleāt, nunquā finem faciant, semper cumulū cumulo adaugēdo, illius mecoenatis similes, qui integrum triennium somnū oculis non uidit. O quāta uecordia, O extrema sæuitia, O offensatrix, & hallucinatrix uita, O asperrima conditio, in qua nemo propè mortaliū impune uiuit. Set unde hæ tenebræ: unde hæc summa seruitus: maiores eīm sumus, & ad maiora nati, quàm ut huius corporis carnei, & putrescibilis serui simus: neque ex humili loco, con-

co, conditioneq; abiectissima ad claritatē erigimur, si modò diuites euaserimus, quod esset lethale credere. Claritas nostra tantū à Deo, & si dei integritate, quā oportet recepisse per euangeliū Christi, qui est nostra resurrectio, & refectio. Sed quorum hæc, inquires? O uir integer, & generose, illorum pfectò ut hac poenitentia, & detestatione peccata nūc redimam, quæ ab id genus hominibus originem traxere, quorum auaritia tenax in infantibus & recens natis sobolescit, à qua sobole uaria morborum genera inde scaturiunt. Quibus medebimur, meliorē nostræ artis partē sequuti, quæ praxis dicitur, morbosque, quibus nostra ætas læguescit, & foedatur, superabimus. Quandoquidem ualetudo impatibilis odium uitæ facit. Quare infigenda puerili corpori est sanitas,

alioquin imbecillum manet, & in-
 utile corpus, usuq; sæpissime euenit,
 ut animi morbi temperiem corpo-
 ris sequatur, quæ aut à nutrice, non-
 nunquàm muliercula stultissima, aut
 à molli, uel corrupta, uel indulgenti
 educatione, tanquàm innata retine-
 tur: atq; iam ita uoluptate labâtes,
 & obruti his morbis, sint emerfuri.
 Quare ut nihil impediret qn utrâq;
 uitam(qua perficitur cursus noster
 etiam leuissimus) nobis pararemus,
 altera est enim contemplatio, altera
 uerò actio: factum est ut librum, de
 infantium morbis, cuiusdam prisca
 medici, quem sua gloria fraudare no-
 luimus, nostris appêdicibus, & glos-
 sematis auctû publicaremus, & tuo
 nomini, pro tuo in me summo ani-
 mo, dedicarem. Is igitur tanto tem-
 pore delituit, puluere scatens, blat-
 tis, & tineis corrofus, cui palingene-
 sia

fia opus fuit, & secundi natales. Porro huic accedit podagræ, & articularis morbi uniuersalis restitutio, & præcautio, quam uulgo curâ dicunt, illam aliquândo in gratiam tuam ut cunq; depinxeramus, uerius quàm descripseramus. Eam nunc ex doctissimis præceptoribus mutis, cum Latinis, tum Græcis magis uniuersalem, magis synceram, & repurgatâ accipe. Quæ iusto Marte in certamē descēdet, aduersus eos quibus nigra (ut dicitur) est cauda: quibûsque maior est cura contradicendî, quàm aut admonendî, aut probâdi: quos uno uerbo uiligatores, inimicos, profanos, impuros, & uisuiuos appello. Quod autem minus bene, & inconsulte, per tristitiam, & festinationē, propter affectum tuum, quo tunc urgebamur, factum fuit, erit itaq; tuæ celsitudinis hæc nostra qualiaqualia,

EPISTOLA.

relictis detrimentis iam refarcitis, in bonam partem accipere, & omne omisſum feſtinantia, & diligētia imputabis, qualem oportet medicum eſſe, in curandis morbis. Nam canis feſtinans, ut fert parcēmia, cæcos parit catulos. Nec graues morbi, quos peracutos appellamus, moram, aut tarditatē patiuntur, qua ſæuiores fiunt, & uix poſſunt euelli. Hanc ergo prouinciam accepiffe placuit, uir expectatæ uirtutis, & delectæ, quem ego unum ſelegi, qui doctrina, & auctoritate cæteros ſuperaret: & cuius tutelā tanti apud homines eſſe momenti arbitror, ut ſtatim omnes cōtumeliæ opprimantur. Nec hāc explorandi, & tuendi prouinciam aſſumere grauabitur illuſtris, & cōmiſſimus nepos tuus Nicolaus Compagnus, quē ego in oculis fero, cuiuſq; ingenium, memoriā, pronuntiatio- nem, & eloquutionem ſemper admi-

Nicolaus com-
agnus aure-
us ad bona
udia promo-
enda natus,

EPISTOLA.

ror non relicta pietate erga Deū, & homines, quam Græci Eusebiam dicunt: Deum immortalem quàm uelox, quàm felix, quàm ad quiduis sequax ingenium, is tuæ probitatis hæres, & æmulus efficietur, quippe qui nulla uitiorū labecula aspersus, nullo fordium næuo deuenustatus, nullo morum dehonestamento infectus. Vale. E Burgo, nostro secessu si in castro cū militibus sit mentis tranquillitas, & literatorum secessus, scilicet. Iterum uale decus & Senatorum gloria, & me amicū & tui cultorem serua.

Calendis Iulij Anno
ab orbe redem

pto,

M. D. XXXVII.

Ad lectorem.



E EGO UTILITATEM,
& honorem quem in infantium
morbis curādis accepi, inuiderem,
amice Lector, foras misi, ut in lu-
cem progrediatur, & in utilitatem
publicam redundet, quicquid de his morbis scri-
pserat antiquus & expertus quidā medicus, quem
in Ducis Venetorum gratiam ediderat, quemq; ne
gauerant nobis deliri senes, quorum propter æta-
tem, & auctoritatem nominibus parco, & quasi de
luce in tenebras profundas missum, gloriabantur.
Hunc igitur lector quisquis es, cui magis quā no-
bis studemus, accipe, risu seposito, qui nugarum est
comes. Neque glande querna, & syluestri ultra de-
lectemur, magis quā pane frumentario, quem in-
suescamus, cuiq; inest pinguitudo, & alimonia. Co-
gita etiam te aliquando in arenam, id est, artis no-
stræ negotiationem, uelle descendere, post Ga-
leni toties repetitam lectionem, unde rectissima
Methodus, dexterrimaq; curandi ratio oritur:
post

postq; prælectiones Iacobi Syluij uiri incompara-
 bilis, minimeq; erronei interpretis. Dic per gra-
 tiam, quid es reportaturus si in numero habes
 totius corporis habitum, cuiuslibet particulæ sub-
 stantiam, situm, usum, & affinitatem, morborum
 differentias, causas, & eorum accidentia, medica-
 mentorum facultates, colores, temperaturas, &
 differentias, & alia eiusdē generis, quæ ego omit-
 to, ne uidear totam scholam Galenicam narrare,
 & prorsus in morborum curatione cæcutias, qua-
 les in diem oculis etiam proprijs est spectandum,
 qui sapientius habent palatum, quàm felicem offi-
 cinarum calamū, quiq; nihil aliud quæritant, quàm
 arcana artis, ignorantes quæ à suis interpretibus
 acceperint, quæq; Galenus scripserit, arcana artis
 ipsissima esse. O quanta socordia, o pessima cæci-
 tas, o monstruosa & perniciofa hominum conditio,
 uide an hæc non sint arcana artis, elementorum sci-
 licet adnumeratio, & eorundem ordo, proportio
 qualitatū primarum, quæ in compositione mul-
 tas affert mutationes, humorum sedes, & tempe-
 raturæ cerebri, uentriculi, & reliquarum particu-
 larum debita adnumeratio, temporum constitutio-
 nes, cuiuslibet partis functiones, morborum pro-

Iacobus syl-
 uius vir incom-
 parabilis, & di-
 ligens senū me-
 dicorum euer-
 sor, & repurga-
 tor,

Felix tabernæ
 medicamentarij
 calamus.
 Plures medici
 à ratione gale-
 nica ad experi-
 menta minime
 tuta deficiunt.
 Quæ sint arca-
 na artis medicæ

In gallia bonā
partem simpli-
cium desidera-
mus quod si
huc trāserātur
iā à tēperamen-
to proprio &
scripto rece-
dunt.

Multa sunt sim-
plicia alia, à
diēscoride de-
scripta quæ vti-
litatem nō ad-
ferunt.

Reugallicivus
nō fiet sine vi-
tæ periculo.

Cornarius est
medicus Aetij
interpret.

gnostica, quæ hæc omnia, arcana profecto sunt ar-
tis medicæ, relictæ, & neglecta tam morosa, ut sit,
inquisitione herbarum, & radicum, quarum in Gal-
lia bonam partem desideramus, quæ seplagarijs
est destinanda, potius quàm illi rei perpetuo ad-
esse, præstaret officinarum compositionibus præ-
esse, quæ non triennium tantum, aut sexennium,
set quandiu uolunt, durant. Neque uelim omnino
nos ignorare, quæ cognitu sunt facilia, & tenerū
minime remorantur: set non tam solícite ample-
xari, quandoquidem sunt non pauca, quæ utilitatē
non afferunt, ut sunt gramen parnasi, cecurida-
qua, ramneus, ramnus, acorus, quæ desiderari tan-
tum potest, centaurium maius, caryophyllata, phi-
lix, quæ hæcenus sine semine, & caule ignota
fuit, blaptifecula inodora, reugallicum, cuius
usus non fiet citra uitæ dispendium, cuius rei sex-
centos afferemus testes oculatos. Set de his satis
superq; satis dictum sit, quæ non sine stomacho
retulimus. Neque hæc noua quædam dogmata exi-
stimes, quæ rem acu attingunt, etiam sine pulmone
(quod dicitur) interim tamen audies doctum quen-
dam medicum poliglotum, eundemq; interpretem,
cuius hæc sunt uerba. Hæc, inquit, medicantiū mul-
titudo

titudo facit, ut uulgo res leuicula putetur, morborum medicatio, cum tamen ex doctissimis medicorum, maxime Græcorum, à quibus medicina primū ccepta, & perfecta scribi est, scriptis constet, nullam partem medicinæ difficiliorem esse, quàm eam, quæ curatiua appellatur: reliqua enim omnia ob hanc solam recte conficiendam sunt tanquam antegressa: est q̃ ipsa curandi ars, uelut fructus, & finis artis omnis. hæc ille. Quanquā non negem & medicum esse posse, & iure haberi, qui se etiam ad hanc minime exercendam conferat, contentus pulcherrima totius medicinæ contemplatione, & cognitione, medicisq̃ ipsis magis medeatur, quàm ægris. Quod certe multis nō conceditur, alioquin uilesceret, & in totum cessaret praxis, pars medicinæ præcipua. Tristis tamen (quod mihi dolet) inuida, uilis, & non sine contagio, solis tantū episcopis, & principibus, quod olim factum est, relinquitur contemplatio, magis quàm actio, in quorum est numero Magalonensis ille episcopus nostras, uir undecunq̃ doctissimus, cui debebātur hæc tuta otia, quæ mihi magno meo malo fuere negata, cui nihil candido filo textum fuit, quod detexet Deus immortalis, aut ipsa mors, quæ finis indicatur esse

Medicine exercitatio pars præcipua, sed tristis, inuida, uilis, & contagiū adferens.

Olim medici principes. Episcopus magalonensis uir omnibus modis magnus & medicamentorum indagator diligentissimus, qui suis scholis publicis feliciter natus est,

Mors viros fortes non deterret.

Calamus medicorum & velox & tutus esse debet.

Malum est sine crimine reprehendi, intolerabile vero sine iudice. Vita ita debilis ut leuissima quaq; aura fluctuet.

Mortui illi non quiescunt.

Exuere hominem.

Canes maiori amoris vinculo sunt hominibus coniuncti, quam ipsi homines hominibus.

malorum. Neque eos perterret, quorum laus mori non potest, set hos, quorum cum uita omnia extinguuntur. Set ut unde digressus, redeam, sic hoc quod tibi uni scripsimus, ut nihil non haberes ad tuum calamum, quem uelocissimum, & tutum esse oportet, sic igitur accipe, ut etiam bene currenti cursum augeas, quod non fit calcaribus, id est, liuore, conuiuijs, detractiōe, narum strictione, ut fieri solet: set fauore, amore, silentio, laude, & gloria, quæ uires addit. Neque ita peruerse me amo, ut aliorum scripta reprehendere malim, quam innotescere quod errē, aut à quoquā nolim corrigi, & emendari, uerum non sine crimine, sine causa, & iudice, clausis oculis andabaturū more. Quis porrò non sciat uitam, & quicquid est eius uitæ, ita leue, ut uel à leuissima quaq; aura fluctuet? Quare anchoris grauissimis opus esset, ut contra uim tempestatū omniū illæsi, & quieti maneremus, quod mortuis ne hoc quidem est concessum, quādoquidem uisum est sanctissimum illum senem, cuius uirtutis, probitatis, doctrinæ, & monumentorum memoria, nostris mentibus residet, postea uerò quā hominem exuit, ne dicam canes, qui, ut referunt historiæ, & exempla familiaria, arctiori beneuolentiæ uinculo hominibus, quā sibi ipsis homi-

homines, sunt coniuncti. Set lividos quosdam, obli-
 quos, pallidos, exangues, criticos, semper dolētes,
 & suspensa nare mordaces, quorum certe plumbei
 sunt gladij. Quid enim infelicius, quā alienis bo-
 nis, proprijsq; malis simul affligi? Quare lector be-
 neuole. & studiose, si in bonam partem acceperis,
 & in tutelam, & defensionem, non dubitabimus
 pedem cum barbaro medicis, assentatoribus, & ma-
 larum artium consultoribus, conferre, labores o-
 mneis perferre, algores, æstusq; despicere, & flu-
 mina etiam gelu concreta calcare, imò uero diem
 (quod dicitur) datyli uidebor recepisse. Ergo cum
 morbis pugnaturus, quippe bellica est negociatio,
 te proba labore, potius quā mollitudine, progno-
 sticis, non supersticiosiis, exercitatione, collectio-
 ne, timore, & audacia, inter quæ erit consultatio,
 quam habeat præcipuam medicus. Et sic finē mihi
 constituo, & ad rem uenio. bene uale amice le-
 ctor, & sic faue, sic nostra lege, ut quā magis le-
 gas, quā magis placeant. Et si quid à me fieri po-
 test quod sit tibi commodum futurū tua est optio.
 Quod fiet aspirante numine, siquidem non ingra-
 tos hos quantulosunque primitios labores intel-
 lexerimus. Vale.

Morborum cu-
 ratio, bellica
 est negociatio,

Cōsultatio præ-
 cipua sit medi-
 co.

OCTOSTICHON

E I V S D E M.

*Sex ego cum tenebris perducens lustra profundis,
Arridet speculo nec mea forma leuiq;
Sollicitor, crebris nec cesso membra mouere
Gressibus, & lachrymis, lumina nigra rigo.
Efficit hoc ægypto, quæ semper cogit amare
Indomita, hac angor; semper ineptus amor.
Ite aliò ignes, ite hinc, nulla occasio lucri est,
Fida mihi custos addita pauperies.*

C L A V D I V S M A L E T V S

*Ludimagister Burgenfis apud Segufianos
Lectori, Decastichon.*

*Haftenus infantes multi periere dolore
Ignoto, haud aderat qui dare posset opem.
Obstetricis adhuc matris, simul atq; nutricis
Non medicus quæ sint scripserat officia.
Nec mirum, res dura nimis, uix cognita doctis,
Ista sed à fluuio scripta Bagaldus habet.
Hæc ornat scholijs Petrus Tolletus optimis,
Doctius his, nemo scribere crede potest.
Hoc eme quicumq; es lector peramande uolumen,
Infantum si uis corpora sana fore.*

*Desine mirari Lector, cur modum loquendi
auctoris non mutauerimus, quod a nobis
consulto factum est, ne suo tempore auctor
non uixisse uideretur: uariassemus profecto
si suæ linguæ interpres non fuisset.*

Textus auctoris.

Ad illustrissimum principem, dominum Nicolaum Tronum, dignissimum Ducem Venetiarum, dominum suum præcipuum, Libellus de ægrotudinibus infantium per magistrum Paulum Bagellardum à flumine editus, incipit feliciter.



QUANTUM DOMI
tuæ, illustrissime princeps,
nec Liuij, nec Ciceronis lin
gua, aut eloquentia expri
mere, nec quiuis alius felici
stylo comprehendere posset.

Nam cum puto me, in clarum uirum olim euasisse,
duntaxat beneficijs illius præclari genitoris tui,
patricij honestissimi, qui me innata sibi humanita
te, ad medicinalem sedem euexit, in qua octo
& uiginti solares circulos honeste militauī, in
gratitudinis notam me facile subitum intelli
gebam, nisi pro uiribus eniterer, aliquid saltem in

tanta tuæ felicitatis amplitudine. Cæterum cum
 non auri, neque argenti copia mihi suppetat, quod
 meæ facultatis est munusculum, in minimam par-
 tem remunerationis paternorum erga me merito-
 rum, tuæ serenitati dedicaui libellum, uidelicet de
 ægritudinibus infantium, nuper à me compillatum
 ut suavis quidem fructus ex beneficio lucubratio-
 num mearum percipiatur. Oro itaque, atque
 obsecro serenitatem tuam, ut non rem,
 set mittentis uoluntatem conside-
 rans, læta fronte, atque
 clara facie, destina-
 tum nomini tuo
 opusculum
 suscipias.
 Vale.

3

PRINCIPIVM

LIBRI.



LIBELLVS DE AE-
gritudinibus infantium, bi-
partitus est. In prima parte
ponuntur modi figuradi in-
fantem, fasciandi, aut cum
institis, aut fascia, & bal-
neandi, & modum cibandi, & modum lactatio-
nis, maxime primi mensis, & electio nutricis, &
modus corrigendi lac ipsius nutricis, aut matris,
& breuiter, modus gubernandi infantem, in sex
rebus non naturalibus, in primo mense. Secunda
uerò pars, continet ægritudines particulares in-
fantium, incipiendo à capite, & sunt uiginti ca-
pitula.

PRIMA PARS,

De regimine infantium in primo mense.



VM INFANS, PRAEcepto Dei, uulnam egreditur, tunc obstetrix manu leuata & suauiter, habens pannum lineum, non asperum, set potius lenem, & antiquum debet inuoluere, & gremio suo imponere: & aduertere an infans uiuus sit, an non, an maculatus, id est an niger, uel albus, seu liuidi coloris: an respiret, uel non. Quod si ipsum calidum, non nigrum reperiatur, debet inflare in os eius, ipso scilicet non habente respirationem, aut in anum eius: quod si contingit anum esse obturatum, sicut aliquando contingit, pellicula quadam, debet ipsum scindere nouaculo, aut auro ignito, subtilissimo, aut aliquo instrumēto, proportionali. Quod si infans uiuus fuerit, coloris liuidi, tunc debet scindere umbilicum, seu uenam umbilicalem, dimittendo illam longitudinis quatuor digitorū, ligando ipsam filo retorto,

aut lana retorta, aut serico, leui tamen ligatione, ne dolorem patiatur. Et sic stare sinas usque ad casum, seu consolidationem umbilici. Quod si contingat umbilicum non consolidari, tunc debet imponere puluerem myrrhæ, aut aloes, aut quod melius est, puluerem myrtilorum, deinde facta ligatione umbilici, obstetrix debet imponere infantem in peluim, seu mostello, aut aliquo uase proportionali repleto aqua dulci, suauis caliditate calefacta, non mordaci, nec frigida, aut salita, secundum morem Græcorum. Et debet intromittere infantem in tali aqua, seu balneo, caput manu sinistra eleuatum, manu uerò dextra debet formare caput, orbitates oculorum, mundare nares, os aperire, mandibulas fricare, brachia, & manus & omnia formare: deinde panno lineo calefacto suauis calefactiõe, ipsum inuoluere, & corpus infantis sugare. Post hæc habito panno lineo subtili, debet imponere capiti infantis ad modum capitei, deinde habere pannum lineum, & mollem & infante situato super crura obstetricis, capite situato circa pedes obstetricis, pedibus autem infantis situatis supra corpus obstetricis, debet obstetrix ipso lauato panno lineo inuoluere, inuoluendo pedes eius, prius brachijs su-

pra eleuatis, debet inuoluere pectus eius, & corpus infantis stringere cum fascia, tribus, aut quatuor ligationibus circumcirca, deinde habeat aliud linteamen, & pannicellū, & obstetrix trahat manus infantis per directum, uersus genua, & coxas, figurādo eas æqualiter, ut infans nullam gibbositatem recipiat, & tunc ligare, & inuoluere cum eadem fascia, adiutoria, & brachia infantis, & manus, quæ omnia recte figurabuntur. Deinde debet inuoluere infantem, super pectus infantis eius, dorso eleuato uersus cælum, & accipere in manu sua pedes infantis, & facere cum manu sua ut calcanei infantis tanquam nates infantis ad hoc ut genua ipsius debite situentur: exinde debet dirigere crura infantis, & cum alia fascia, & pannicellis debet ligare coxas, & inuoluere, deinde infantem totum accipere, & inuoluere panno laneo, aut ad modum nostrum, in capeta suffulta pellibus ouinis, & hoc in hyeme: æstate uerò in panno lineo simplici.

Deinde obstetrix ponat ipsum super strato cameræ temperati aëris, non luminosi, imò magis ad obscuritatem tendentis, ne ex nimio lumine infans cæcus efficiatur, aut strabosus, aut tortuosus

sus. Postea uerò, cooperiat ipsum leui coopertura,
circūuoluendo lintheamen circa caput eius, non tā-
gendo caput infantis, ne suffocatio tandem sequa-
tur, & sic permittat ipsum dormire. Facta autē eui
gilatione, tunc mater, aut astantes mulieres, ba-
beant parum sacchari, aut pomi cocti, perfecta co
ctione saccharo mixti, ori infantis imponat, hoc
est enim perfectissimum, & bene laudabile nutri-
mentum, & medicamen laudabile: incitat enim in-
fantem ad expellendum per uiam uentris, deinde
habeat nutricem ætatis uiginti quinque annorum,
usque ad triginta quinque, quæ sit sanguineæ com-
plexionis, aut ab ea parum recedat, mediocris etiā
carnositatis, non sit crapulosa, set bonorum mo-
rum, non utēs coitu: aut si infans pauperculus est,
nutriatur lacte matris, quæ tamen debet sibi caue-
re ab his quæ lac conturbare, seu inficere, & al-
terare possunt, sicut acrida omnia, legumina, carnes
crassæ, aut carnes salitæ, pisces saliti, casei saliti,
& antiqui magis quàm recentes, iram, & coitum,
exercitium superfluum, balneum, & crapulam,
& tunc talis nutrix debet lactare infantem leui
lactatione, ne nimia lactatione, coagulationem

Quot anno-
 rû debet esse
 nutrix,

lactis in stomacho incurrat. Et tunc completa lactatione, infantem in cunabula mittat, ipsum cooperiendo coopertorio non tangente os, mouere, & ducere cunabulum hincinde, leui motione, somnumq; suauem faciat, uoce leni cantet, ut spiritus infantis congaudentes suo simili alacres fiant, nec sit in camera strepitus, aut uox horribilis, aut aliud, quod infantem terrere possit. Deinde obstetrix ipsum balneet, secundum consuetudinem nunc habitam, duabus aut tribus unctionibus, quamuis tamen, secundum sententiam antiquorum, debet balneari usque ad mensem. Set quia usque ad mensem, uarij accidunt morbi, sicut stipticitas uentris, clamores nocturni, & diurni, ideo, stante stipticitate, debet nutrix accipere stercus muris, & infundere ipsum in oleo communi comestibili, & ano infantis imponat suauiter, & si dolores patiatur, ilia, & pectinem infantis, oleo anetino inungat, quod si contingat infantem epilepsiam, tortuositatem, & analeptiam pati, applicentur quae dicturi sumus, secunda parte sequenti.

Appen

Appendix in priorem tractatum.

ET si duæ sunt primæ, & maximæ partes, ipsius
 unius artis quæ circa humanū corpus uersatur,
 altera quæ sanitatē tuetur, altera quæ morbis mede-
 tur: par tamen est, nos eā cōsiderare, nō ordine primo,
 quando sanitas tempore, & dignitate morbum præce-
 dit, & illi præstat, eam inquam quæ optime ægretu-
 dines curare docet, ne ab autore discedamus, quem ab
 experientia (quæ hic meliorē locū sortitur) augemus.
 sanitatē dixi tēpore morbū præcedere, quā in tota si-
 gnificatione accipies. nempe, multifariā dicitur, saltē
 ab aliquibus bifariā: nam quædā est exquisita, optima
 & perfectā, quæ impatibile reddit corpus: altera uerò
 delinquens, non adeo tamē, ut egrotare propterea, di-
 catur animal. Et hæc non paucos habet gradus, tantū
 ratione maioris, aut minoris differentes non parum.
 Quare quomodo quis aut optimam, & inculpatam sa-
 nitatem conseruet, aut quenā sit optima corporis stru-
 ctura, & quæ sint eius signa, quæ rationem scilicet sa-
 nitatis, aut ægretudinis, aut neutralitatis assumunt, ad
 præsens ad memoriam non reuocemus, ne uideamur
 iam actum agere. Quandoquidē prænouisse oportet,
 & corporis cōstitutionem, eiusq; partiū usus, & opti-
 mam compositionem, habitum, & structurā, quæ qua-
 litatibus tēperatissimā, & partium compositione, ad
 proprios actus exquisitissime congrua, ad singula
 quæq; apte functioni parata, seruato numero, magni-
 tudine, & commodo inter se earundem partium ordi-

Duæ sunt pri-
 mæ partes artis
 medicæ,

Sanitas bifariā
 cōsideratur, nā
 quædā est per-
 fectā quædā ve-
 ro delinquens:
 & hac ægrotā-
 re non dicitur
 homo,

Omnia quæ fa-
 ciunt ad contē-
 plationē & spe-
 culationē (græ-
 cè θεωρία di-
 citur) prænouis-
 se oportet ante
 quā ad præxi-
 deuēiamus,

ne, set ad rem accedentes, causas quæ communes esse possunt infantium morbis, relictæ ea, quæ corrupti est seminis, & materiæ, à malo scilicet artifice, à qua morbi hereditarij fiunt, adferamus, quæ omnes ad palium (quod dicitur) nutricis referuntur. Pleræq; nutricum cibus non exquisitis utentes, lac deprauatum generant. Inde eos infantes, qui optimam forte structuram sortiti erant, diuersi morbi adoriuntur. Et anteq̃ ad eos morbos ueniamus, tractationem infantis, seu eius susceptionem, in primis diebus, aut regimen (ut habet auctoris nostri uocabulum) docebimus. Quod hic negligendum erat, ubi de morbis infantium tantum agebatur. Infantem igitur sic recipiamus, ut diu incolumē seruemus. quæ erit, aut nutricis bonorum morum, aut matris cura præcipua, quam hanc integram, per totum lactationis tempus, quod erit aut duorū annorū, aut sesquianni, secundum quod indicabunt infantum uires, quæ frequenter primo anno solidiorem requirunt cibum: & tunc sensim ab uberibus desuescat. Integram matrem, & totam altricem filij sui optarem, ne aliquando non nutrices modo, set tygres hyrcanas, uel arabicas habuisse uideatur. Quod dicit uirgiliana Dido in Aeneam:

— Hyrcanæq; admorunt ubera tygres.

Quamobrem non frustra natura omnium occultarum rerum artifex, liquorē illum, & sanguinem, qui prius in utero fuit, ad ubera mittit, aduentante iam partus tempore, qui calore multo, & elaboratione non unica exalruit, ut ad rudimenta lucis & uitæ fouenda, notumq;

Tempus lactationis prolixū, duorū est annorum.

Mater tota sit integra quæ uideat, ut scilicet sit sui nati altrix.

notumq; & familiarem uictum offerat. Neq; uideo er-
rori excusationis locum, arefacere scilicet fontē illum
sanctissimum, educatorem corporis generis humani.
Quod cum non nouisses, non uideres, non uagiret, neq;
sine pōdere, & sabutra in utero, tuo sanguine alebas:
Nunc uerò uiuentem, tibi iam similem, iam filium, iam
hominem, tuum officium implorantem, negas, perdis,
& extinguīs, quod gratis tibi offert natura. Quare, si
uicio nutricum (quod usu euenit) infantes etiamnum
infinitis propè morbis corripiantur: non accuses
Diuos, qui in cœlis nō nocent, non expellas spiritus ca-
dauorum, quæ in cœmeterijs quiescunt, quibusq; per
promissionem resurrectio debetur. Nā non redit spiri-
tus, ut occidat, quod si eiulatus, incorporeæ uoces, &
nocturna murmura audiantur, cogita malos esse spiri-
tus aereos, quibus aut uincimur, aut probamur, aut
manū esse domini, cuius consilia alta sunt, & uere ar-
cana. Set hæc theologis sancienda relinquimus, quæ
ab ipsis sunt petenda. Te igitur matrem, per totam
mollem nutritionē, & lactationem diligit, ut per-
petuo te matrem cognoscat filius tuus, qui in alienum
partum sæpissime degenerat. Primum & secundum
dies à partu excipio, quibus abundat spongiosa quæ-
dam densitas lactis, quæ est à partu prima, quam co-
lostrum uocant, Græci uerò protogola. Quod si par-
uitate mammarum, quod uidimus, & ita, ut sine mam-
mis, etiam ab ipso statim partu, esse uideatur mater,
aut defectu papillæ & capituli mammae, aut exulcera-
tiōe (cui sunt obnoxie mulieres Allobroges Viēnēses)

Peccatū in deū
& homines are-
facere mamas,
ut ide negetur
puero tenello
alimentū quod
est lac mulie-
bre potius q̃
caprinū quod
à multis scimus
esse tentatum.
Diui minime ac-
cusandi si mor-
bos patiamur.

Mali spiritus
aerei, & laruati
qui sæpe nos
terrificant.

à theologis sp̃i-
rituum mansio-
nes sunt petēdg

Mulier primi
diebus infantis
non lactet.

Mater defect
papillæ non u-
trit.
Mulieres All-
brogū quibus
morbis obnox-
iæ.

lactare non possit mater, opus est nutrice, ne perdas
 Electio nutri- foetum tuum. Quæ colore sit fusca, non pinguis, statu-
 cis, ræ congruæ, & conuenientis, non mammosa, qualis nō
 fuit quæ adolescentiam meam perdidit, mentem meam
 Mulier fusca non mammosa adolescentiam meā perdidit, turbauit, rationem superauit, uincētibus nigricātibus,
 ac splendidis in ea oculis, ob concinnitatem, & bene
 temperatam substantiam: quæq; conditionis extremæ,
 & seruilis non sit, aut improba, aut informis, aut im-
 pudica, aut tumultenta, quæ non sine pernicioso con-
 tagio nutrit. Post igitur lactationem, & nutricis de-
 pictionem, quæ qualitatem lactis demonstrat signis
 quibusdam salubribus, quæ ex toto corporis habitu
 colliguntur. Totius autem corporis habitus ex illis

Partes quæ pri- partibus maxime dicitur, quæ primæ oculis subiiciun-
 mæ oculis obij- tur. Nam quæ intra corpus sunt, non facile neq; omnia
 ciuntur totius cognosci possunt. Superest igitur ut recens natum,
 temperamentū demonstrat: quæ quia adhuc tenellus est, sic recipiamus, ut & offensam
 verò interne minime inferamus. Si uerò partes figura, numero, aut
 sunt nō facile, situ delinquūt, his formatione, ablatione, & alligatio-
 ne succurritur, quibus ad naturalem habitum tradu-
 cuntur, primis scilicet diebus, potius q̃ aucto iam in-
 fante, qui ob duritiam emendari non potest: quemq;
 citius frangas, quàm corrigas. Relinquo quæ magis su-
 perstitiosa sunt, quàm uera, de umbilici scilicet longi-
 tudine, qui linguae q̃titatē præscribit, & ita (ut dicūt)
 ut quantus est, tanta est linguae musculi longitudo, aut
 breuitas. Præterea sunt qui dicant præsagia capi futu-
 ri partus ab umbilico primi infantis: qui si in parte,
 qua corpori proximus est, rugas non habeat, mulieri
 deinceps

Lege multa de
 umbilico su-
 perstitiosa,

deinceps sterilitatem portēdit, contra uerò si rugosa, & lineis quibusdam abundet, tot partus mulieri promittit, quot sunt numero nodi, seu rugæ. Set hæc Aegyptijs & Arabibus sunt relinquēda, magis quàm Christianis, & artificibus, qui res secundum naturam, & contra naturam, & non naturales considerant, potius quàm quæ ab euentu fiunt, & quorum causa occulta est. Quod si omnium morborum causa, aut occulta, aut necessaria esset, nulli possent à medico morbi curari, testante hoc principe nostro Hippocrate, cuius hæc sunt uerba: Cæterum de occultissimis, & difficillimis opinione, potius, quàm arte iudicatur, in his quæ experientia plurimum imperitiam præstat. Si cui etiā morborum causa perspecta fuerit, hic poterit quæ conducere ualeant, corpori adinuere, quippe qui ex contrarijs ægretudines fieri non ignorat. Nam hæc medicina in primis naturalis est, quiq; hoc optime facit optimus est medicus: qui autem ab hoc plurimum abscēdit plurimū à parte discescit. hæc Hippocrates, qui etiam in libro de natura humana, idem ferme dicat. Morbos, inquit, qui sensim oriuntur, & quorum cause cognitu sunt faciles, tutissimos appellare licet. Quare præsentissima curatio si quàmprimum morbi cause occurratur: qua sublata morbus absq; negotio discedit. hætenus diuinus ille senex, in præstigiōsa potius animalia, quàm ueros homines, quæ confusio, ignorantia, & dispersio perdat, & in tenebras cum mola asinaria mittat, quibusq; abundat Italia docta: set his se purgat, ut tandem Gallias inficiat. Set ad rem

Causa morborum omnium nec occulta, nec necessaria.

ægretudines ex contrarijs sunt superantibus,

Præstigiōsa animalia potiusq; veri homines.

Superstitiosis & mōstris quæ formā humanā induunt abundat Italia.

reuertamur. Postquam umbilicus resectus, atq; obli-
 gatus est, totum quoq; corpus infantis perungi oleo
 glandium, aut mastichino, aut myrtino nō erit inutile
 ut cutis confirmetur, contra ea, quæ foris adhuc tene-
 ram offendere possent. Ab unctione uerò, aqua tepi-
 da lauari, omisso cerebro, corpus infantis conueniet
 naresq; digito resectis unguibus aperiri, & purga-
 ri. Necnon anus & podex à nutrice digito oleo inse-
 cto aperiri debet, instar glandis, quo citius ad ege-
 rendum prouocetur. Præterea cum infans inuoluitur,
 quod frequentissime fiet, propter sordes quibus abun-
 dat prima ætas humida, danda est opera ut quàm mol-
 lissime tractetur unumquodq; membrum, recteq; &
 suo loco illigetur inuolucris suis, & tunc nihil impe-
 diet, quim rectis membris, & corpore recto crescat,
 non secus atq; in seminarijs arborum, & plantis debi-
 libus sit: & ut educuntur, ita adulta, eandem formam
 tenent. Quod si hæc obseruata fuerint, illæsus, & in-
 teger uiuet infans. Neq; inficiaris oportet, desidi-
 am, & negligetiam plurimum obesse, sicubi sit omissa: qua-
 re ut semel finiam, hæc sit huius corrolarij summa, ut
 ne ab initio lacte infantem obruamus, uitemus. Nam
 præstat sæpe, ac modice lactare, quàm non modice se-
 mel, ac iterum sugentem opplere. Cæterum date ope-
 ram, ne lac nutricis in totum (quod interdum euenit)
 decrescat, quod si à cōceptione inueniatur error, mita-
 tatur nutrix foras, propter lactis uitium. Si uerò aut à
 calore, frigore, & obstructione, utere consilio medi-
 corum præsentium, unum præcipue admonentes, ut
 lactucis

Prima ætas re-
 cremētis abun-
 dat.

Analogia arbo-
 rū debiliū.

Nutrix quæ
 concepit nō nu-
 triat si uelis in-
 fantem non do-
 lere.

Quibus lactis
 abundantia pa-
 retur.

lactucis quàm frequentissime poterit, aut in acetarijs ex minimo aceto cum melle, more hispanico, aut in iusculis utatur nutrix, quo lacte abundet, & sic sufficiet nutrix humorem infanti, donec ab lactandus sit puer. Et hæc de primis mensibus infantis, quæ retulimus, ut nihil huic loco deesset, quod ad utilitatem, & sanitatem publicam faceret.

CAPVT PRIMVM

authoris sequitur, quod est de
Saphati, fauositate &
eius cura.



Egritudines quæ accidunt pueris, & infantibus, quâuis sint uariæ secundum complexionem eorum, Tamen secūdū quod dominus illuminabit, declarabimus, ægri-
tudines eorū usq; ad tēpus rectæ eloquentiōis, quod est septē annorū, inchoādo à capite, tāquā à sede animæ rationalis, usque ad pedes, & nō nisi ea quæ collegimus ab autoribus nostris dicemus, hæc quæ hincinde uidimus & experti sumus. Accidit igitur in primæua ætate dispositio, quæ saphati appellatur, aut fauositas, aut uulgari nostro, malum

Recta & distincta eloquentia septimo anno ostenditur.

puerorum. Quæ ægretudo non causatur, nisi ex
 Cause morbi
 istius, corruptione lactis, aut superabundantia eius, aut
 ex dispositione contracta à ventre matris, seu
 natiuitate. & quamuis secundum sententiā Rasis,
 in tractatu seu libello de ægretudinibus puerorū,
 sit aliqualis differentia inter saphati, & fauosi-
 tatem, quia in saphati nulla est squama, sed sola
 Differentiæ ho-
 rū, duorū mor-
 borum. excoriatio, in fauositate uerò sunt pustulæ, à qui-
 bus emanat sanguis mixtus cum sanie, aut aquosita-
 te, & apparent quasi squamæ desuper. Et tamen
 secundum eiusdem sententiam, fauositas est species
 saphati, & non differunt, nisi secundum maius &
 minus, & ex eo, quia non accidunt nisi ex corruptio-
 ne sanguinis, aut lactis, aut sanguinis permixti cum
 phlegmate salso, ut dictum est, quæ dispositio, se-
 cundum sententiam autorum, nullatenus curanda
 est, nisi cura naturali, aut ipsa ducente infantem ad
 extraneam aliquam ægretudinem, imò tales sapha-
 ti, secundum sententiā Gal. Auice. Serapi. Allia-
 batis, & ferè omnium autorum medicinæ excusat
 infantiē, seu præseruat à uarijs, & diuersis ægretu-
 dinibus, sicut epilepsia, matre puerorum, spasmo,
 tinea, & tiria, & melācholicis passionibus, reddit
 infantem

infantem hilarem atq; iocūdum. Set quia hodiernis temporibus oportet medicū non secundū canones operari, sed aliquādo, non tamen in totū contra canones, & ideo oportet medicū uolentē addiscere curam huius dispositionis, nullatenus restringere, sed magis applicare medicamina trahentia leui attractione, aut suauī, lauādo caput lotionē leui, facie eleuata uersus cælum, cū decoctione ordeī excorticati, & maluæ. Deinde accipere caules torrefactos leui torrefactione super cineres, & ungere butyro loto, & capiti infantis applicare: quod si contingat huiusmodi saphati restringi, tunc debet recipere folia hederæ, & suere ad modū bireti, & torrefacere, & ungere, ut dictum est de caulibus. Set defœdatio faciei, aliquādo odiosa est matri, & partibus, tūc ad remouendū eā absq; periculo, debet mater, aut nutrix habere caput lactis, & ungere faciem infantis, continue trahendo manū uersus uerticem capitis. Quod si infantem instantiam uigiliarum pati contingat, & continue caput moueat hinc inde, ex eo quia manus eius sunt fascia ligatæ, unde non pōtest manu scalpere, tunc apprehendimus hoc non prouenire ex alio, nisi ex maxi-

ma materiei acuitate, aut uenenositate. Et tunc nutritrix accipiat atriplices, & torrefaciat eas leuiter super cineres, & capiti infantis apponat: attrahit enim ad se uenenositatem humoris, & acuitatem, teste Rase, tractatu præallegato. Qui inquit, quod quotiescunque contingit infantem clamare, & continue moueri, debemus administrare folia atriplicis, & ego expertus sum, quòd si contingat infantem esse adultum, supra scilicet unum annum, tunc competit huiusmodi unguentũ, prius tamen purgata nutrice, & ipsa obseruante debitum regimen.

Rx. cerusæ, litargirij añ. 3. ʒ. lixiuij de cineribus uitis. 3. iij. olei rosati. 3. j. ceræ. ʒ. j. liquefiat cera cum oleo rosato, & terantur cæteræ medicinæ, & conficiantur omnia cum duobus uitellis ouorum assatorum.

Almel, grana sunt uuarum passerũ.

Aliud ad idem. Rx. Gallarum 3. iij. granorum almel 3. ij. baurach aur. unum, sulphuris citrini aur. ij. arcenici rubei, aristologiæ amborum 3. ʒ. salis almoniaci, frusti testudinis ueteris furni, amygdalarum amararum excorticatarum, æris usti, uenarum citrinarum, merdasengi, radicũ caparorum, foliorum fici siccorum, radicum arundinis sic

nis sicca, Zimar, aluminis iameni, sief memita, olivam omnium añ. aur. j. teratur medicina, & cribe lentur, & conficiantur cum aceto uini, donec in unguentum reducantur, & ponantur ad solem, donec permisceatur: deinde caput pueri ungatur: hoc enim unguetum est utile, non solum ad saphati, set etiam ad omnia ulcera capitis, ad tineam, allopi-
ciam, & ad lendes, pediculos, & ad scabiem, & ad similes etiã ægri-
tudines antiquas. De expertis ad huiusmodi ægri-
tudines, est stercus gallinæ
ustum, uel aridum permixtum cum melle, expertum
est mirabiliter, iuuare radices altheæ decoctas cū
urina pueri, & caput ungere.

Fimus galli-
naceus,

Appendix primi capituli se- cundi tractatus.

ET ut ad curationem morborū deueniamus, quod
est iam propositum, qui propè sunt infiniti, qui-
bus & iuuenes, senesq; solent implicari, rem pro-
fectò
tristem, & suspiciosam, & negotiosam, quæ laborem
artificibus, utilitatē ijs qui utuntur impertiat, quæq;
imperitis sit auxilio, peritis, dum exercetur, dolores,
anxietatesq; retribuat. Et ea ipsa & unica ἰατρικὴ
est, quod si impatibile, atq; inalterabile esset corpus,

Morbi pro-
pe sunt infi-
niti,

semper optima constitutio perduraret, neq; artis præsidio, aut artificibus indigeremus. Cū uerò alteratur, corrumpitur & uertitur, neq; eundem seruat prioris status tenorem. Idcirco auxilium desyderat. Quare quot modis alteretur corpus, dicamus. Alteratur quidem à nonnullis necessario, ab incertis uerò nō necessario: quæ necessario lædunt, hæc sunt, quæ nulla scilicet ratione euitari possunt: & sunt sex numero, quæ non naturales dicuntur: quæ corpus humanū (si recte adhibentur) incolume conseruant. Si uerò haud recte corpori accommodentur, tunc idem destruunt. Non necessario ea sunt quæ ab euentu, & præter spem obueniunt, ut obuiare feris exitialibus, ensibus, ruina ædificiorū, incēdio nocturno, subuersioni, & reliquis, quorū certus non est numerus. Vtrunque tamen considerantes, huic primo morbo, quē principio præponit autor, curationes adferamus, primò inquirentes quæ sit ægritudo, quæ saphati ab autore dicitur, quæ habeat accidētia, & quæ sit eius causa, quæ præcipue est intentio & communissima, quam medicus ob oculos habeat, ut unāquāq; causam efficientē morbū rescindamus, quod fiet, ubi contrariū dispositioni auferēdæ exhibebitur. Nā calido affectui causa frigida cōtraria existit, frigido uerò calida, eadēq; in cæteris seruata proportiōe. Etenim immoderatū moderato contrariū est, alterū siquidem secundū naturā, alterū uerò præter naturā.

Autor iste etiā si per omnia Rhasam sit sequutus, fauū tamen, & assaphati siue saphati, & simul faciei, & capitis ulcera cōfundat, Græcis κρηῖον dicitur, fa-

Causam morbi ob oculos medicus habeat.

uus similitudine quadam, saphati uerò Arabicum est, quod est Latine faciei pustullæ, & ulcera. Set Rhases appellat assaphati, quod est pustullarū rubor, quæ in facie adparent, & sunt acores, & acuitates, asperitatesq; cuiusdā humoris cholerici, sic cutem scedantis, à quibus tenuis sanies, & moderatē uiscida erūpit, humiditasq; ad mellis speciē stillatur. Rhases uult hunc morbū à multitudine sanguinis fieri unā cū humiditate uiscida cutis qua abūdat infans. Quare sic curato, incipiēdo à nutrice, propter alimentū quod sumit ab ea. Nutriatur nutrix uino claro, debili & ligophoro, aut bene diluto: cibis nō nimium calidis, neq; acribus, ut sunt synapij, caules, aromata, carnes salitæ, & reliqua eiusdē generis. Vlcerā infantis sic curētur, abra-
tur caput, & exim lauetur cū lotionē astringente, potius quā cū psilotro, & depilatorio unguēto, nisi iā ulcuscula impedirēt, & demū folia atriplicis appone, quod si hæc nō sint satis, accipe decoctū mētastrī, satūreie, maioranæ, & rosarū rubentiū, & corticis malorum punicorum, hoc etiā unguento utere. ℞. litargij, cerusæ præparatæ añ. 3. ij. balaustij, acasiæ añ. 3. j. misce & cū oleo rosato, & modico aceti recipito, mane & sero liniatur caput, præcedēte primò ablutione capitis. Adde si uelis thuris. 3. iij. Itē aloen tritissimā, cum arida plantagine mixtam inspergito, balaustium etiam tritū siccū appone, aut aqua excipiens utitor. Et hæc sufficiant, hoc unū præcipuum nō negligētes, quod ego pro miraculo & inaudito adfero, cuius ego estis sum oculatus, infantes scilicet cuiusdā mulieris,

Curatio incipiēda à nutrice.

Mulier nun-
quam men-
struosa quæ
peperit, à
me visa.

quæ neq; in partu, neq; sana, uisa est unquã fluxiones
illas cõmunes, & purgationes (quæ mēstrua dicuntur)
pati, hoc morbo sepiſſime corripi.

De Epilepsia, CAPVT II.



Epilepsia est ægritudo prohibens
membra animata ab p̄uiperatione
sensus, & motus non integre, pro
pter opilationem contingentem in
uentriculis cerebri, & spirituum cursibus sensiti-
uorum, & motiuorum. Fit autem talis ægritudo,
merito alicuius timoris, siue strepitus, uel huiusmo-
di. Accidit autem talis ægritudo infantibus, in pri-
mæua ætate, aut post natiuitatem, aut in natiuita-
te, quod si accidat à natiuitate, non curatur, aut
uix, nisi ex permutatione ætatis, aut regionis, aut
temporum anni. Testatur hoc Hippocrates, in se-
cunda Aphorismorū particula. Testatur hoc Aui-
cen. prima tertij cap. de epilepsia, & ferè omnes
autores. qui si non curentur ex tali permutatione,
cum illo commoriuntur. Si autem est post natiuita-
tem, & sit infans lactens, cibum non sumens, tunc
oportet nutricem habere regimen in sex rebus non
natu

naturalibus, uidelicet habere aërem remotum ab omni mala impressione, cauere ab omnibus cibis multiplicantibus materiam phlegmaticā, sicut sunt pisces quicunque, sicut lac, & omne quod conficitur cum pasta, carnes grossæ, uinum nigrum, legumina, allia, cepæ scaloniæ, & omnia olera, exceptis buglossa, acetosa, borragine, fructus crudi etiam uitentur, acetum, & omnes res uaporosæ, sed sumat carnes uitulorum, aut hœdorum, aut castrorum, perdicum, phasianorum, utatur ouis sorbilibus. Considereturq; lac ipsarum, utrū sit aquosum, aut uiscosum: quod apprehenditur accipiendo unam guttam, aut duas lactis, & ponere, aut mulgere super unguem, aut ferrum tersum, & politum, seu marmor, aut uitrum, & comprehenditur utrum lac retineatur illic tempore longo, uel non, quòd si flectendo, aut plicando aliquod istorum, lac retineatur, nec remouetur, comprehendimus lac esse grossum, & uiscosum: quòd si parum flectendo descendat, nec retineatur secundum partem, tunc apprehendimus ex illo, lac esse maximæ aquositatis. Et oportet rectificare lac nutricis, stant e lacte grosso, cum reducentibus, & rectifi-

Probatio
lactis.

cantibus lac ipsum ad mediocritatem reducendo. Quæ omnia inferius dicentur. Sed quia talis ægritudo multum infestat infan-tem, & patrem, & matrem terret, omnesq; astantes. Et cum infans nihil possit sumere per uiam oris, quod si sumat, parum est, ideo ponentur, quæ experta sunt in cura epilepsiae. Sententia autem plurium autorum est, quod smaragdus suspensus collo remouet epilepsiã. Sententia omnium autorum est quod pæonia quomodocunque collo suspēsa, siue semen, siue radix eius tollit epilepsiam: & hoc uerum, & probatum est. Pariformiter asserunt aliqui autores, quod si quis combureret suam spinosum, seu ericium, & ali-

De ericio nota,

quid pulueris ad bibendum dederit, subito tollit epilepsiam. Testantur aliqui fide digni quod lignū crucis, quod lignum nascitur super quercu, ex quo fit uiscus, suspenso collo tollit epilepsiam, & omnem uertiginem. De rebus autem maxime expertis, est theriaca magna, seu andromachi, permixta cum lacte mulieris, cum pauco saccharo rosato. Antiqui tamen infantes cauere debent ab omni terrore, & strepitu, qui habeat inducere talem morbum.

Appendix secundi capitis.

TRes sunt morbi qui non nihil inter se commune habent, epilepsia, spasmus, & mater puerorum. Qui ratione tantum maioris, aut minoris differunt. Sed quia à doctore tribus capitibus, uelut tria essent distincta, describuntur, ideo suo loco omnia dicantur. Venientes primò ad epilepsiam, quæ bifariam consideratur à medico, aut enim cum ea nascitur puer, ab intemperie non parua cerebri, aut locellorum, aut à semine uiciato, quare inter hæreditarios morbos collocetur, quod nos uidimus ab eadem matre omnes ferme masculos illo morbo periisse, perinde ac fit à tabe aut phthisi, qua perierunt omnes utriusq; sexus illius opulentissimæ familiæ quæ est monspessuli, & est familia fortiana, quæ ortus traxit ab Hispania citeriore. aut post partum, & ex accidentibus causis accidit, quæ destruuntur, aut loci mutatione, ætate, tempore, aut medicamentis. Medicamēta uerò hæc sunt: relicta nutrice, cuius lac satis per autorem corrigitur, quare proderit coagulum leporis cum mellicrato infanti dare, & eo die lac nō recipiat, sed solus hydromellis usus seruetur, quod uices lactis geret, addendo ꝑ. s. uisci quercini subtiliter puluerisati, quodq; appensum collo etiam prodest mense martio, decrescente luna decerptum, quod Druidæ Gallorum sapiētes syluiniagi, illo mense colligebant cum ceremonijs, & ueneratione. Rutha etiam, aut assa foetida naribus apposita prodest, quam inungas oleo costino. nutrices uictu ca-

Epilepsia
morbus hære-
ditarius.

Nota,

De visco
querno,

lidiori regantur, ut lac calidius, subtiliusq; efficiatur: infantium quoq; capita operiantur pulvisculis naturæ feruidioris, qualia sunt cyperus, capillus ueneris. Conueniet etiam cerebrum assidue inungi calidis, oleo scilicet anethino, irimo, & amaracino, neq; caput unquam lauandum est, uel aqua tepida, uel frigida. Sed si necesse fuerit sordes abstergere, id facito aphronitro, id est, spuma nitri, & melle, & postea aqua calida leuiter abluis, cauendo ne totum caput immergatur, ma defiatq;. Dato etiam mel despumatum, propter stomachum, à quo multa patitur cerebrum, collo etiam suspendito pæoniæ radicē uiridem, ut stomachum attingat. Cæterum si cum epilepsia infans nascatur, omni ope est nitendum ut sic alatur infans, sic sustentetur, ut cibus sit & ætati, & morbo conueniens, quod fiet partim per nutricē, & adueniēte secūda ætate, aut tertio, uiuet sanus, quod Deus optimus faciat. Et hæc de epilepsia morbo sanè difficili.

Ab stomacho multa cerebrū patitur.

Ætas varia epilepsiā curat.

De

De Spasmo puerorum,

CAPVT III.



Accidit pueris spasmos de repletione, & inanitione, de repletione aut maxime carnosus, de inanitione autē infantibus, aut propter febres exci-
tantes, aut propter continuos clamores, unde con-
tingit aliquādo infantes tetanari, ut flecti non pos-
sint, nec ad partē anteriore, nec posteriorem, quæ
passio secundū aliquos appellatur alcuhes, uel alcu-
ses. Si igitur patiuntur spasmū de repletione, custo-
dienda est nutrix, ne eius lac ad humiditatē multam
declinet, id est, ne lac sit aquosum, sed nutriatur ma-
gis cibus habentibus ingrossare lac, & abstinendus
est infans à multa lactatione, et à multo somno, in-
ungenda sunt quoque membra ipsius ex oleo irino,
id est, liliorū alborum, aut de oleo alkiri. Si autem
contingit infantem esse exsiccatum, nutrienda
est nutrix cibus humectantibus, tam à substan-
tia, quàm à qualitate, sicut sunt carnes lauda-
biles, cum rebus frigidis, & humidis decoctæ,
& maxime si spasmus talis sit post febres lon-
gas. Et inungendæ sunt iuncturæ cum oleo uio-

lato, & pauco ceræ. Nonnulli autem intromittunt infantes in balneum, ex decocto capitum porcorum iuuenum, aut castrorum, aut hedorum, faciunt decoctionem istarum carniū, usq; ad relaxationem ipsarum, & intromittunt infantem in tale balneum: deinde faciunt unctionem ex oleis iam dictis. hoc tamen experientia scio, quòd quàmplures infantes uiderim tetanatos, ut non possint flecti ad partem domesticam, neq; syluestrem, qui cum sola unctione facta spondylibus colli, ex oleo liliorum alborum, aut humida hissopo releuati sunt, & curati fauente domino à tali contractione. De rebus autem maxime expertis, maxime & stante spasmo humido, ex theriaca magna seu andromachi.

Appendix

Appendix in Tertium Caput.

DE eo morbo nunc agitur, qui proprie morbus est cerebri, hoc est sedem habet in eo, & dicitur *Σπασμός*, Latinis uero conuulsio est: & fit, ubi sine electione musculi & nerui trahuntur, ueniuntq; in eam dispositionem, quam etiam in motibus factis secundum adpetitum, & uoluntatem, ratione motus musculorum, qui est uoluntarius assumpserunt: eius species sunt tres, *τέτανος* tendens rectam & im- Species va-
rie spasmī, mobilem ceruicem, *ἐμπροσθότονος* ubi mentum pectori appropinquatur, & contrahitur sic, ut non possit auferri, *οπισθότονος* adnectēs caput scapulis quo minus nō amoueri possit. Præterea ex autoritate Hippocratis, aliquando ex plenitudine aliquando ex inanitione fit, quod primò erat dicendum, neglectis cæteris partitionibus inutilibus, de spasmō scilicet puero- rum, & senum, deq; eo qui antecedit febrem, & eo qui subsequitur, alij quintam addunt partitionem, quæ est eadem cum secunda: Nam spasmus qui accedit post longas potiones, & uiolenta pharmaca, inanitionem indicant: contra uerò repletionem, sed his iam iactis quæ gratia artis dicta sunt, infantū spasmō curando nos accingamus, uniuersale documentum accipientes, infantes scilicet tetano sæpius corripī, sed eo diligentia medici sæpius curantur. Quòd si ab inanitione, & exsiccatione (quæ recipitur à longa febre) quæ uia est ad ceticam, nam teste Galeno, longa ægritudo in æqualem intemperiem mutatur. Et tunc

Nulla regula
gñalis que
exceptionē
non habeat,

Theriaca in
fantī nō ex-
hibenda,

oleum, & operam in pluribus medicum perdere affir-
mamus. dico in pluribus, quando non sit dare regulam
quantumvis generalem, quæ exceptiones non habeat,
præterquam ista: maioribus nostris pares esse nō pos-
sumus. Sic igitur curato, ad nauseam, aut propter la-
ctis corruptionē, aut abundantia quæ ægritudinis cau-
sa est, infantē duc, & cū aqua buglosi dissolue pulue-
rē diamoschi, & diapliris, aut aromatici rosati & ꝑ.
& dato infanti. Nutrix theriaca utatur, neq; con-
sulo quòd eam infanti exhibeas, propter nocumentū,
& theriaces vires, quas imbecillus, nedum sanus ferre
potest, & lege Aetiū Galeni integrū paraphrastē, suis
digressionibus & disputationibus relictis, qui maiori
luce, & potioribus uerbis, omnia ex Galeno transcri-
psit, de usu etiā theriaces, probatione, compositione,
& electione. Perungatur etiam infans aut oleo irino,
aut lilij, aut alkiri, id est, uulgo keri, & est uiolæ spe-
cies, quæ est lutea, Latini uiolam romanam dicunt, no-
ctu plus redolentem, quàm diu, prodest etiam deco-
ctum uerbaci, uulgo tapsi barbati. Postea uerò addere
oleum rosatum, & amygdalinum. Sed ad infantium
uigilias accedamus.

De

De instantia uigiliarum,

CAPVT IIII.



Accidunt etiam pueris instantiæ uigiliarum, propter quas accidunt pueris insomneitates & clamores perturbantes, & nutrices, & omnes domesticos, cui accidenti & si uaria nominentur ab autoribus, semper à leuioribus inchoanda est curatio: cum omnia prouocantia somnum, narcotica sint, & quodammodo stupefacientia. A leuioribus ergo fiat unctio fronti, & naribus, ex oleo uiolato: Secundo ex uiolato oleo, & anethino permixto cum lacte mulieris ipsum lactatis, & modico ceræ: Tertio adde unctioni supradictæ parū opij, aut succi iusquiami, aut mandragoræ: Quarto facere unctionē ex unguento populeo, leui tamen unctione, & in parua quantitate. Et quāuis secundū sententiā autorum nostrorū, debeamus magis procedere per extrinsecus applicata, tamen contingit aliquando intrinsecis aliquid administrare, ut infans cibum sumat, accipiat panatellam, cum emulsione seminis papaueris albi, quamuis etiam Rasis papauer

nigrum, quod minime laudo uel eius euulsionē administret. uulgares autem nostri administrant infantibus parum medicamenti illius, quod dicitur requies, descriptione Nicolai. Quæ si sit laudata ab eo, non tamē nisi urgēte necessitate est ministrāda.

Appendix in uigiliam puerorum.

Stomachus
velut terra
plantis no-
bis datus.

EXtra ægritudinem uigilantes nimium infantes, aut à fame ex stomachi inanitione, quem natura, uelut terrā plantis, creauit, & dicitur promptuariū, deditq; indigentiae sensum, cuius impetu, animalia ad cibum, ad potum concitata sunt, & uocatur eiusmodi expletionis, desyderium, adpetitus. Quare cibus angoris est remedium, ab eo ergo angore fit uigilans infans, ab excrementis etiam, & lotio exurente, quare linteis mundis opus est, & exquisita munditia, ut si ab ægritudine, aut scabie, aut dolore quodam interno non dormiat, ægritudinem, cuius est accidens uigilia, aut cui accidit uigilia, sua methodo curato, non omittens insomnia, quibus infantes noctu affliguntur. Quare statim à cibo infantem cubitum ne reponas, ali quantulumq; mellis depurati præbe lingendum, quo facilius concoquat, iubetoq; ut meliori lacte nutriat mulier, à qua etiam fit uigilia infantis. cætera lege.

Caput

De ægritudinibus oculorum
infantium,

CAPVT V.



Accidunt infantibus ægritudines oculorū uariæ & diuersæ, uidelicet ophthalmia, tumefactio oculorum, strabositas, quæ duæ ægritudines primæ maxime accidunt oculis, propter frigiditatem, aut propter corruptionem lactis. Strabositas autē, aut contrahitur à principijs natiuitatis, aut propter malum regimē situationis infantis, in aspectu luminis, aut modo iacendi. Si igitur accidat tumefactio oculorum, & sit rubor in facie, & fronte color rubeus, tunc hoc medicamen confert. **Rx.** succi menthæ, foliorū rosarum añ. 3. j. croci, myrrhæ añ. 3. j. ꝑ. puluerisentur, & conficiantur cum lacte mulieris, & subponatur oculis extrinsecus, & fronti, quotidie renouando donec aperiantur oculi. Si autem in oculis non fuerit rubedo, nec calor in facie aut in fronte, **Rx.** myrrham, crocum, aloem, & folia rosarum, & confice cum bono uino, expertum maxime ad hoc, mittere in nares infantium parum ambre, distemperatum

cum lacte mulieris. Si autem infantibus pruritus, aut scabies cum sola emulsione lactis nutricis, summa est cura. Si autem patiantur strabositatem, seu oculorū tortuositatem, maxime situandi sunt super latera opposita, ut exempli gratia, si oculi sunt eleuati, & contorti uersus angulū, seu lachrymale sinistrum, situandi sunt, ut iaceant super latus dextrum, & lumē situandum est in latere dextro, ut ex intuitu illius luminis dirigātur oculi. Opposito autem modo, Si oculi sint contorti uersus lachrymale dextrum, uel uersus partem dextram, tunc opposito modo situandus est puer, & lumen eius. Si autē oculi sint strabi, opposito modo, quia unus ad dextram, alter ad sinistram, tunc situandus est infans corpore resupino, & accipere speculum calibeatum sphaericæ figuræ, aut picturas pulcherri-
mas, aut aliquod delectabile inspiciat infans, ut ex conuenienti intuitu, & delectatione figuras, aut species repræsentatas intueatur, unde oculi dirigū-
tur, ex rectitudine oculi intuitus. Et sic propter continuā considerationē firmantur oculi, in dispo-
sitione, seu situ suo naturali.

utrum potest de gignere

multa requiritur ad idem

3012, 3013, 3014, 3015
3016, 3017, 3018, 3019
3020, 3021, 3022, 3023

3024, 3025, 3026, 3027
3028, 3029, 3030, 3031
3032, 3033, 3034, 3035

Appen

Appendix in caput quintum de Oculis.

Nunc se offert oculorum morbus, quem non methodice, nec artificiose curamus, nisi caput curemus: at caput non curatur, nisi corpus cures: est in argumento igitur, nos primo debere corpus curare. Set in infante, & tenello uix quæ sunt artis obseruamus, cuius uires sunt imbecillæ, nec uim pharmaci ferre potest sine noxâ, sed ubi interna ueniunt purganda, aut alteranda, hoc facito in corpore nutricis, à qua totum requiritur nutrimentum. Neq; ignoramus duas causas communes uniuersalium morborum, aërem, & uictum, quare aëre nunc relicto accipiamus uictum infantium, qui est lac, quo aut uiuit sanus, aut æger. Quare habeto corpus nutricis ob oculos, à qua iudicatione accipe. sed ad oculos lesos bona pace, & uenia quadam redeamus, quos sic curato. Accipe lycion aut Indicum, aut Patariu ab urbe Patara Lyciæ, ubi Apollo resposâ dabat, uerum Indicum præstat, quod desyderamus. Quare seplagiarijs consulerem, quod fieret ex Rhamno potius, quam ex caprifolio, aut buxa spina, quæ est Indica quâ caremus: nam antiqui ex radicibus Rhamni plerunq; præparabant, deficiente Lycio Indico. Lycion ergo plurimo lacte dilutum in stillato, tenerisq; linteis obliga, exin oculos ipsos aqua ex decocto chamomillæ, basiliconis, & rosarum rubentium ablue. Ad albugines uerò oculorum (quas leucomata uocant) quæq; ab eiulatu, aut humore fri-

Oculos non curabis, nisi caput cures: nec caput, nisi si corpus curetur,

Dux causæ uniuersales omniū morborū contra Hippocratē libro de flatibus, si eius libri sit author.

Lactē, hære ditate relicto, aut uiuit sanus, aut æger infans. De lycio lege quid sentiat,

Chamæme, non latinè dicitur,

gido cerebri, aut ab aëre humido & frigido sunt, solani igitur nigri succum illinito, aut anagallidos siccū defecatum inijsito. Hæc sunt quæ de oculis potuimus adferre, quantum uerò ad oculos strabos attinet, nihil ne eadem cum autore referamus, & ne iam actum agamus.

De ægritudinibus aurium internis,

CAPVT VI.



Accidunt pueris pustullæ nonnullæ intra aures, emittentes saniem, & aquositate, quibus inest pruritus maximus, quo infestatur pueri. Et nutrix propter clamores ex dolore, & si multa dicantur ab autoribus, pauca tamē experta enarrabimus. Primū est, accipe cotū antiquū, id est, nuper carminatū, & impone in aures in modū tentæ, & mūdifica saniem ab ulcere egredientē, & iterato tentam aliam mundam immittas. Secundum est ut intromittas tētam inunctam oleo communi, aut aqua mellis. & si contingat infantem liberari, replicetur tentā, usque ad perfectam sanationem. Quod si sanies adhuc emanauerit tunc tentā iam dictā

dicta inūcta aqua mellis, & puluere ireos, aut myrrhæ, aut aloes intromittantur usq; ad sanationem completam. Aliud ad idem similiter ualet, accipe alumen, & dissolue in uino, & intinge lycion, & intromittas. Accipe etiā nitrū, & tere cū aqua, & aceto, & intromitte. Quod si contingit infantem istis non liberari, tunc scias fistulam esse factam intrinsecus, & infantem non liberari, nisi ex ætatum permutatione.

Appendix.

AVris sensorium auditus est, quæ morbis etiā in infantibus sit obnoxia, aut enim surditatem patitur, aut ulcera, aut dolores, aut sonum, & tinitum. A quibus omnibus medicus infantem liberabit, qui uolente hoc Aesculapio, omni morbo unum, & alterum debet habere pharmacum, ut medeatur in laudē, atq; admirationem artis diuinæ, de inflammatione aurium, & earum humiditate, accipe album oui, cū lacte mulieris, & instillato, aut lumbricos terræ cum oleo rosaceo. Si uerò fuerit humiditas fluens, utere tutò, & quam frequentissime aqua mellis. Rursum si dolor aurium ex flatu, ac uentositate, & tumore proueniat, origanum cum lauri folijs, saluia, & anetho per decoctum, cuius uapor per canalem iniiciatur: aut myrrhā cum oleo oliuo coctum, in aures lepide instillato. hæc tenus de auribus.

Medicus munus sit re-medij.

Ars medica ars diuina.

De apostematibus auriū externis,

CAPVT VI.



Accidunt pueris pustulæ post aures diuersorum colorum, uidelicet albæ, citrinæ, nigræ, & rubæ. Nigræ autem mortales quodāmodo sunt, quāuis remedia sint eis tribuenda: citrinæ aut sunt minoris maliciæ: albæ uerò salubres unā cum rubeis quæ nullatenus possunt curari, ubi infans per os nihil sumat. Set magis regimen adhibendū est nutrici. Hoc Rasis in tractatu suo de infantium morbis testatur. Isaac de ægritudinibus puerorum idem testatur. Et princeps Auicenna tertia primi, de regimine infantium. Remedia eorum adhibenda sunt extrinsecus, & stantibus pustulis citrinis, sic medeamur, nutriatur nutrix oleribus frigidis, sicut sunt endiuiā, scariola, lactuca, & cucurbita secundum Auicennam. Set si sint albi coloris pustulæ, tunc nutriatur fœniculo, origano, id est, horū oleum decoctione, cū carne castrati, aut uituli, aut pullorum. Si pustulæ uerò sint nigræ, quāuis mortiferæ, ut testatur autores, adhibendū esset magis regimen iuuenum, quā infantū, nutrienda est nutrix

trix cibus factis cum decocto buglossæ, lupulorum
 & carnibus iam dictis: medicandaq; est, medicinis
 corrigētibus prauam qualitātē, sanguinē adurentē.
 Et sunt syrapi de epithimo, de fumoterræ, de ace-
 tosite citri, cum aquis conuenientibus, puta aqua
 buglossæ, lupulorū, & capillorum. Deinde eua-
 cuāda est cum appropriatis, sicut est electuariū de
 epithimo, diasenæ solutiū, & non solutiū, pilu-
 læ de fumoterræ, & Indæ. Et quāuis secūdū sentē-
 tiam Rasis, tractatu suprascripto, competāt hieræ
 magnæ, tamen abhorribiles sunt tēporibus hodie-
 nis, ideo illas relinquā. Quòd si contingat pustu-
 las illas eminētiam facere magnam, sicut contingit
 aliquando apostemata magna retro aures oriri, aut
 intra aures, tunc fiat unctio cum oleo liliorum, aut
 cum oleo camomillæ, & adipe gallinæ, & anatis
 recentis, aut parū butyri, & cum unctioe quæ ap-
 pellatur anodina, id est, confortatiua. quòd si con-
 tingat ab his apostema non dissolui, accipe empla-
 strum factum ex decocto radicū maluanici, cum
 axungia porcina recente, & maturetur, tunc phle-
 botomo, aut ruptorio aperiatur: deinde chirurgi-
 cus se exerceat in consolidando, & mundificando.

Appendix.

Flunt præterea abscessus retro aures, aut circiter, quare aliam habent indicationem, quam non habent interna. Internis igitur utcunque pro modo rei curatis, externa curemus oportet, quæ sic curato. Si apostema sit frigidum, quippe tumores præter naturam à primis (ut bene docuit Galenus) qualitatibus, & compositis fiunt abscessus, Græce ἀποσώσεις dicuntur. Et scito omnem inflammationem quatuor habere notas, ruborem, tumorem, calorē, & dolorem. Set ad fluxus pituitosi humoris (qui Græcis διόληματα sunt) quos sic curato. R̄. olei camomillæ, de lilio, & benedicti, id est, philosophorum uulgo, añ. ℥. ꝑ. sanguinis porci antiqui, ℥. ij. stercoris caprini prius in uino cocti. ℥. ij. misce & calidum appone: ad idem, ster cus ouile cum uino coctum melle addito, ualet etiam in resolutione adeps anseris, & gallinæ, adeps etiam uaccinus, non salitus, cum oleo de lilio, & melle, quod si ad perfectam maturationem tendas, utere his, farina lini, aut orobi, cum senetione. Quod si calida fuerint, utere temperatis, qualia sunt uitellus oui, butyrum, radix althææ cocta, & elixa, axungia porci, & carica, oleum oliuarum. Et his omnibus curantur fluxiones, & collectiones aurium. Quare ad oris ulcera me conféro.

Quæ tempe
rata sunt, id
est, parū ex
cremētoſa.

De pu



Accidunt & pueris pustullæ ori interno, & alcola linguæ & palato diuersorum colorū, quia quædam cinericiæ, quædam albæ, aliæ rubeæ, aliæ citrinæ, & aliæ nigre, quarum quædam sunt salubres, sicut omnes, exceptis nigris, quæ aliquantulum participant naturam cancri, ideo curam nigrarum relinquemus, quia hoc magis pertinet ad chirurgicum, quàm physicum. Si autem sunt citrinæ, aut rubeæ cum percepta calefactione digito intermisso, tunc nutrienda est nutrix, & alēda frigidis oleis, sicut endiuia, portulaca, scariola, cichorea lactuca, & huiusmodi, ut lac eius sit causa extinctionis calefactionis, & acuitatis cholæræ, & sanguinis. Si autem pustullæ albæ fuerint, nutrienda magis est habentibus uim alterare sanguinem, & lac, sicut fit decoctione calamēti, borraginis, fœniculi, & similium habentiū uim remouere maliciam sanguinis. Palatum autē pueri, ubi pustullæ erunt citrinæ seu rubeæ ungendum est cum aqua decoctionis balaustiarum, corticum granatorum, cupularū glan-

dium, aut cum succo portulacæ, aut plantaginis, scariolæ, semperuinæ, aut succo solatri. Sed de rebus maxime expertis ut testatur Rases, Auicenna, & Isaac in locis proprijs, est diamorum, aut succus mori & rob nucum, & hoc expertus sum non solū in alcola, aut pustulis, in corrosione gingivarum, & linguæ infantium.

Appendix.

Alcola Arabica est dictio, & Latine interpretatur pustula, seu oris uesicæ, & præcipue infantium, & sunt uesicæ linguæ, quas etiam curare conueniet. Sed quia uariæ & multicolores adparent, à uarijs humoribus, ideo non una erit curandi ratio, quippe quæ nigre sunt, deteriores & mortiferæ. Neq; est tantū opus medico, sed & chirurgo, qui habeat aut urere, uel incudere, aut soluta iungere, aut superflua resecare, quod ultimū emplastris, & linimentis, aut ferro, in apertione abscessuū fit. Salubriores igitur, & quæ insperatæ non sunt, neq; deploratæ, quandoquidem medicum boni nominis decet, ægritudines deploratas euitare. Sic curato igitur, nunquā hic neglecta nutrice, cuius cibus corrigatur, & quantitate, & qualitate, pro modo ulcerum. Quare uiolas cōtritas accipe, aut solas, aut simul cum rosis, & pustulis adpone, aut etiā rop, id est, succus ex moris immaturis inspissatis ad ignē, aut nucum, & dicitur ab officinis dianucum, & linguam

linguam inunge. Amylon etiam, ubi pustulæ humide nimium fuerint, cum cortice thuris, & gallæ, & totum aqua rosarum macerato, & lingue infantis imposito. Succus etiam granatorum, aut cothoneorum, & malorum, seu pomorum maceanorum, quæ dulcia non sunt, ualent pro ablutione oris, addito saccharo candido. & hæc de uicijs oris, & lingue.

De dolore gingiuarum infantium, CAPVT IX.



Accidūt pueris tempore emissionis dentium, dolores gingiuarum intensi, & quo maiores erunt dolores, eo dentes erūt firmiores. Si autem accidit tempus emissionis in uere, uelociter oriuntur, propter caliditatem superuenientem aeris: Si autem in æstate, tardius oriuntur, propter frigiditatem autumnii proximi: in hyeme autem adhuc tardius, propter temporis frigiditatem: in autumnio uerò, si accidat, deterius fit, propter eius siccitatem, & frigiditatem. Succurrendum est autem tumoribus apparentibus gingiuarum, fricatione manuum: qua tunc bauositates,

Vere dentes
uolociter
oriuntur,

Et humores emittunt. Et cum lactent, stringunt papillas māmillarū: Et cum intromittitur digitus, stringunt forti stricture. Succurrendum est igitur eis, Et accipe candelam ceream uirgineam, nouiter factam, Et præbe infanti ut mastice eam, quia propter teneritatem eius, Et ceræ unctuositatem, causatur aliqua dilatatio gingiuarū: fac etiā unctio nem ex oleo lini, aut muscilaginis eiusdē, aut ex semine althææ, aut stante multa caliditate gingiuarū, ex muscilagine seminis cytoneorum. A proprietate autem laudatur pinguedo anatis, butyrū recēs non salitum: uerū ultima laudatione laudatur cerebrū leporis, Et lac canis lactantis. Vltimū autem remediū est, gingiuas leui scalpellatione scalpere. Nonnulli autem autores recipiūt, ut toto tempore, quo durat dolor gingiuarum, fiat decoctio camomillæ, qua fiat lotio capitibus, Et si dolor augmentatus fuerit, accipiat butyrum uaccinum, uel medullam cruris eius, Et ponatur super gingiuas, Et cum apparuerint capita dentium, ponatur super caput pueri, Et collum lana mūda, Et sic permittatur, quoniam hæc est cura solennis, Et probata.

Appen

Appendix.

Hic de dolore gingiuarum agitur, quando scilicet infans dentire incipit, quod circa sextum mensem frequenter fit: & suboriuntur tunc inflammationes, non tantum gingiuarū, & amygdalarum, sed & ceruicis, à dolore pungente, & stimulante, ueluti à paxillo quodā gingiuas separāte, molli igitur lana, & pura ceruicē, & maxillas, totius colli ambitū, & occipitiū oleo dulci, & calido fouere oportet, inq; audiēdi meatus calidum oleum instillare confert: mel etiam moderate decoctum, illiniendæ gingiue suapte natura prodest, aut cum terebinthina: ab alto etiā infundito aquā capiti calidā ex decocto camomille, & anethi, & ita dentium eductio comparabitur expedita. Cauēq; ne quid durum, & solidum mādendum præbeas, & nutrici aquæ potus imperetur, cibūq; qui minime mordax sit, & sorbitiones exhibeantur, aut ex tritico fracto, aut ordeo, cū luteo oui, & lacte caprimo. Omitto, quæ magis sunt superstitiosa, quā quæ ut quadam naturali infantum dentibus remedio sunt, cuius generis sunt, syluestris cucurbitæ radix, id est coloquintidos, aut rubi radix, ex auro, & argēto appēsa, uirēs etiā iaspis, quæ ego omnino nō reiicio, ppter Gal. autoritatē, & est utilis appēsus, pro amuleto, cuius rei Aetius multū ex perimētū fecit: est aut amuletū, antidotus potētissima, & ualētissimū remediū, aduersus inuidum & uenefica hætenus etiā ex antiq; hæc adducta, quæ citra liuorē legātur, & hæc de doloribus, & humoribus gingiuarū.

Frequenter
sexto mense
incipiūt den-
tire,

Ratio victus
nutricis,

Virēs Iaspis
appensus,

De amuleto
vide ætium.
Descriptio
amuleti,

De scissuris labiorum,

CAPVT X.



Accidunt & pueris scissuræ labiorum, quæ causantur in eis, aut propter acuitatem lactis, aut propter duritiem mamillarum, aut lactis corruptionem, quod si fiat ab acuitate lactis, tunc regenda est nutrix frigidis oleribus iam nominatis. Quod si à corruptione lactis, rectificandum est lac, ut prius dictum est. Si uero à duritie mamillarum, mollificandæ sunt extremitates mamillarum mulierum. Labia igitur infantium liniantur ex aqua rosacea permixta cū oleo, aut pinguedine gallinæ, & accipe lanam bene carminatā, & pone cum succo plantaginis, seu lanciolæ cū butyro, aut axungia gallinæ, & labijs unctionem fac. De rebus autem maxime expertis est accipere aquam rosarum, & farinā amidi, & unctionem fac. de rebus autē expertis, non solum ad scissuras labiorum, sed extremitatum mamillarum, & manuum, & pedum, uirgæ, ani, & matricis, Bz. ceræ citrinæ, adipis anatis, hyssopi humidæ, olei rosati ana partem unam: draganti

gaganti, anuli, muscilaginis cytoniorum ana partem ꝑ. gallarum, cineris pilorum caudæ equi, sulphuris, plumbi usti ana partem unam & ꝑ. terantur terenda, & misceantur, fiat unguentum pro labijs, superspergatur pulvis sequens. R. mastiches, gallarum, cineris caudæ equi, plumbi usti, corticū granatorū, cerusæ, dragaganti, corticū thuris, ana partes æquales, infundatur omnia per diem & noctem in uino pontico, & ad solē desiccato, & fiat pulvis subtilissimus. ad idē R. litargirij, myrrhæ, dragaganti ana pulueriscentur subtiliter, & cū cera, oleo, & melle fiat unguentum. Sed prius madiat labia infantis propria salina, deinde petia inuncta & satiata hoc unguento, labijs appone noctu: mane autē aqua tepida labia lauato. ad idē unguentū R. cerusæ. ʒ. i. ceræ. ʒ. iij. litargirij, cachiniæ, argenti, masticis ana. ʒ. ꝑ. olei rosarum quātum sufficit, fiat unguentū. aliud ad idem: R. ciperi, aluminis, gallæ, myrrhæ, arcenici, plumbi usti singulorum ana, cum modico oleo rosaceo, fiat unguentum. maxime ualet, quotiescunq; adest nigredo scissurarum labiorum.

Appendix.

Frequentia
basia, & mul-
torum homi-
num fissuras
excitant,

Vnguentum
ex pomis
vulgò poma-
ta dicitur,

S Cissura labiorum, quas alij fissuras uocant, sunt
duritię nonnunquā papillarum, aut à uento, aut
a lacte, aut à contagio quodam contrahitur in infante,
basijs etiam multarum gentium: quibus sic succurrito,
lana carminarijs purgata, & uelut pectine tracta, &
succo plantaginis, cum butyro, & axungia gallinæ ca-
lide labia infantis inunge, linimentum quod fit ex po-
mis, ex axungia suilla, cum aqua rosacea quam uulgo
pomatam dicunt plurimū confert, exsiccatur etiam suc-
cus glycyrrhizę, parum in ore retentus, & mansus, quo
labia infantis illineas. Cibis etiam aliquid ex malis
acerbis miscere oportebit, pirisq; ac mēspilis, aliquā-
do lactucę, aut intubi, ac portulacę cibo admiscen-
dum est: quod si infans cibum capere non possit, nutri-
cem eius huiusmodi uictu curare oportet: necnon ora
infantiū cōuenientibus pharmacis illinire, quę sunt re-
media moderata. Et sunt hæc omphacium in uino dis-
solutū, aut mulso, Rhus cullinarius, flos rosarū, ipsęq;
rosę siccę cum mulso, aut melle rosaceo, farina erui cū
melle, galla etiam trita cum melle: aut accipe rhoen ru-
brum cum melle decoctum, decoctum etiam olea fo-
liorum iuuat collutione. R. iuglandes ueteres integras
unā cum cortice exustas, confere, deinde piperis gra-
na .xij. adijce thuris grana mediocria tria, hæc cū mel-
le sufficienti mixta, illinito, & miraberis. Quare ad
gutturis apostemata me conféro.

De apostematibus gutturis,

CAPVT XI.



Accidunt etiam pueris apostemata circa partes gutturis, quæ sunt duarum amygdalarum apostemata, & uocantur uulgariter gaiones, quæ apostemata causantur, aut propter frigiditatem aëris comprimētis substantiā cerebri, aut propter nimiam caliditatē, aut propter nimiam plenitudinē infantium ē superflua lactatione. Cura autē ipsorū est cum diligentia habenda, quòd fari nesciant, & nutrix, aut alius discernat utrū febrē patiat, aut non: & an patiat difficultatem deglutiendi. Et cum incipiat dormire, an uideatur quasi suffocari, & tunc debet intromittere digitum in guttur, & leui tactu quærere à lateribus gutturis, ubi cognoscat adesse, an non apostema. Quòd si reperiatur digito indice, eleuare debet apostema ab extremitate inferiori gutturis, subleuando ipsum leuiter, prius ex una parte, deinde ex alia: & exinde ungere debet guttur, cū diamorum, aut rob nucum, aut cum syrupo myrtino. extrinsecus autē facienda est unctio, oleo liliorum cum pinguedine gallinæ, aut

anatis, apponēdo extrinsecus lanam succidam, aut linum, aut stupam carminatam, aut accipe linum, uel stupam, & infundas in urinam pueri, & extrinsecus gulæ appone. De rebus autem maximè expertis, est cassia fistula nouiter extracta à canna, & pista ipsam ultima contritione, & gutturi appone in formam emplastri. Secundum autem sententiam Mesue de cura squinantiae, attrahendæ sunt aures sursum, aut pili qui sunt in uertice capitis attrahendi. Sed hoc magis competit scientibus fari, quàm infantibus.

Appendix.

Adenes fortiter attrahunt, debilitati vero expellunt.

Succini gestatio pdest: vide etiā Galenū de collo appensis.

Sunt adenes in gutture & glandule, spongijs ipsis similes, debiles ad expellendum, ad attrahendum uerò promptæ. Quare à cerebri superfluitatibus, & pectoris quibus proximæ sunt, sæpiissime instantur, & intumescunt: adeo, ut infantes, & adultos graui morbo infestent. Hunc etiam morbum tonsillas appellant. Quare electri seu succini gestatio, non tam ornat, quàm defendit à uitij faucium, quibus sic succurrito, lana scilicet succida, cū oleis camomillæ, & de lilio, amygdalarum dulciū, & axungia aut gallinæ, aut anatis, ista omnia prosunt. Quare ad tuſim infantium me confero, quibus frequens est.

De tuſi

De tussi & reumatismo,
CAPVT XII.

Tussis accidit infantibus una cum reumate, aut à frigiditate linguæ, sic ut uix claudere possint epiglottim aliquando ex frigiditate pectoris, aliquando uerò propter materiã descendentẽ à capite. Si accadat ex frigiditate linguæ tussis, tunc comprehendimus, quòd uix possint deglutire, nec emittunt baxositates, & tunc curandi sunt cū administratione amygdalarum dulcium pistatarum, quæ caricis pinguibus misceãtur, & aqua fœniculi, & administretur manè & serò si deglutire possint. Si autem non, sola unctione facta digito, aut penna ipsi gutturi, appone lac amygdalarũ dulciũ aut succum liquiriciæ, cum farina amidi, & lacte amygdalarũ. Quòd si adsit tussis, & asperitas gutturis, tunc cum muscilagine cytoneorum, & penidijs, cum oleo amygdalarum dulcium: & hoc ubi non aderit febris: quòd si adsit, accipe succum mali granati dulcis, misceas penidijs, & succo liquiriciæ. Si autem tussis à catarrho fiat, quòd cognoscimus, ubi infantes emittunt baxositates, cum mul

titudine phlegmatis circa os. Tūc conuenient hæc medicamina. *Rx.* Seminis papaueris albi, dragaganti añ. 3. ꝑ. cucumeris 3. j. & confice cū aqua, in qua sint cocti sebesten, & administra. Itē aliud ad tuſſim. *Rx.* Paſſulas enucleatas, & fac bullire in uase ferreo, ne indurentur, & poſtea remoue ab igne, piſta, & miſce penidijs eiſdem quantitatis, da puero manè & ſerò ad medium nucis. Ad idem propter tuſſim frigidā. *Rx.* myrrham, & miſce cum melle & oleo amygdalarum, & propina non exiſtente plenitudine pectoris. Quòd ſi adſit plenitudo, accipe dragagantum, galbanum, & mitte cum uitello oui: & ſi in hoc multa laudata ſint ab autoribus, ſicut quæ iam dicta ſunt, de rebus maxime conueniētibz noſtris temporibus, hæc ſunt: ſi infans paruæ ætatis, duorum, aut trium ſcilicet mēſium, imò uſque ad tres annos, & cauſetur tuſſis per uiam deſluxus, facias pectori unctiōem, à leuioribus inchoando. Accipe butyrum non ſalitum, & caules torrefactos ſuper cineribus, & unge caules dicto butyro: & tunc applica unum folium caulis pectori, aliud dorſo correſpondenti oppoſito pectoris, aut fac unctiōem ex oleo ſiſamino, aut dulcium

dulcium amygdalarum, cū pinguedine gallinæ, & butyro recenti, adde oleum uiolatiū, & parū croci cum cera: unge etiam ex eo unguento, quod dicitur hisopus hūida, aut fac unctiōē ex seminis altheæ muscilagine, aut lini. Si adsit febris, ungatur oleo uiolato, & amygdalino cū aliquātulo ceræ. Quod si tussis fiat à reumate, & non remoneatur, tūc commissuræ capitis asperge parum pulueris rosarū, & sandaracæ: confert etiam pilulam dare de storace, quod si capere non possit infans, etiam si sit similis grano milij, aut orobi, aut lenticulæ: confert tunc medicamē hoc, uidelicet multo tēpore lactationis.

℞. gūmi arabici, seminis cytoniorū, liquiritiæ, penidiarum, & cum lacte misceantur, infanti administrato. Quod si contingat pueros esse adultos, triū aut septem annorū, & tussim patiātur à catarrho, & striccturam pectoris: tunc conuenit syrupus de liquiritia, non stante uerò febre, cum syrupo de prassio, & aqua farfaræ, capillorum ueneris. At stante febre, cum syrupo uiolato. Et fiant unctiōnes pectori præscriptæ conueniunt pilulæ, ut sunt de iera, de agarico usque ad quinque numero, contingit aliquando tussim fieri à nariū stricctura, quia humor, qui debet secūdum naturam emitti per na-

res transmittitur ad guttur, & tracheam arteriam. Competit tunc unctio facta ex butyro solo, in radice naris superiori, inter duos oculos, & naribus penna imponere, aut coto oleum amygdalarū dulcium, aut sisaminum, & si pueri possent attrahere per nares decoctum ordeī cū saccaro candico, aut aqua ordeī, cum modico aquæ maioranæ, aut succi bliti: conueniet etiā medicamen diuertens materiā à partibus posterioribus ad anteriores, fricationesq; spatularum suauēs, & leuēs, quæ non fiant, nisi præmissa purgatione, aut per os, aut clystere communi, aut suppositorio ex melle.

Appendix.

AD tussim accipe pinearū moderate torrefactarum, ʒ. iiij. mellis despumati. ʒ. ix. confice & lambendū præbeto, adde tragachantæ. ʒ. iij. seminis cucumeris simili modo torrefacti. ʒ. j. & utere. Item accipe tragachantam in uino dulcissimo madefactam, pineas assas numero triginta, amygdala scorticata, xxx. seminis lini assi, ʒ. ij. succi liquiritiæ. ʒ. ij. mellis quod sufficit, dato ad lambendum, bene facit cuminum cum melle, & saccaro candico: oleum etiam recenter expressum amygdalarum dulcium, & tepide dato, manè & serò unum cochlear. Quare ad uomitum me transfero.

De uomitu,

CAPVT XIII.



Vomitum autem infantes infestantur, aut à multitudine lactis, quam digerere non possunt, aut propter aquositatem eius, aut corruptionem eius, stante maxima debilitate stomachi, aut propter uermes, aut aëris frigiditatem, aut frigiditatem & caliditatem nutricis, quare cura summa adhibenda est, in cognitione causarum uomitus infantis, quā ex ipsius relatione habere minime possumus: ergo inquiras à matre, uel nutrice, utrum assumat magnam quantitatem lactis, & sugendo ubera incurrat singultum, aut lac dicatur multum aquosum, aut grossum uiscosum. Quod cognoscimus per signa superius posita, de dispositione lactis nutricis. Corruptionem autem eius comprehendimus ex fœtore uomitus acetositatem ex odore lactis emissi: frigiditatem autem cognoscimus, aut nutricis, aut infantis, quia egestiones quæ emittuntur in panis lineis, si sint uirides, aut liuidæ, indicamus hoc fieri à frigiditate aut nutricis, aut infantis. Si autem color egestionum est citrinus, aut niger cum

Causarum cognitio à relatione infantis minime haberi potest, sed à matre postules.

translucencia, iudicamus hæc à caliditate lactis, aut inflammatione infantis fieri. Quòd si uomitus ipse fuerit propter multitudinẽ lactis, tunc eam prohibeas: quòd si sentiatur odor acetosus, humore albo commixto lacti, secundum Auice. qui dubie loquitur, tria grana ordeï, & administra infanti, sic curabitur. Secundum uerò modũ communem practicatorum, fit unctio stomacho infantum, ubi sit debilis, cum oleo de spica, & cytoniorum, probatum est, non solum infantibus, sed etiam pueris septem annorum, & ultra. Contra uomitũ uermium, fac quod sequitur. R̃. Olei de absynthio, de mētha, masticini, & cytoniorum, añ. 3. ij. Specierum absynthij, menthæ, rosarum añ, 3. f. aloes grana duo, aceti parum ceræ quantum sufficit, fiat unguentum molle, imò & infantes patientes prostrationem adpetitus, facta unctione ante lactationem manẽ, & serò, sugunt lac cum adpetitu: & si possint infantes deglutire ex Auice. sententia decimatertia tertij, de cura uomitus, & decima sexta tertij, de cura cholericæ passiõis, administra parum syrupi de mentha, cum uino granatorum. Et succurrit mirabiliter infantibus, & adultis: hoc tamen

tamen saluo, quod nullatenus uomitus est constrin-
gendus, nisi perducatur ad debilitatem, seu lassitudi-
nem, quia sæpiissime uomitus uomitum curat, testan-
te Auicēna, xvj. tertij, de cura cholericæ passionis.
competunt etiam hæc remedia secundum Rasem,
ubi causa sit frigida. R. olibā septimā partē drach.
rutæ siccae tertiam partem, puluerisa & misce cū
syrupo rosato, & da puero. Accipiat nutrix parū ci-
mini, parum sumach, & ponat in os pueri, aut acci-
pe, quod sæpe expertum est secundum Rasis senten-
tiam. Recipe ligni aloes, masticeis, ana. ʒ. ʒ. galangæ
septimā partē drach. & fiat pulvis, qui cum syrupo
rosato conficiatur, & da puero ante sumptionē la-
ctis, deinde ponas super stomachū hoc emplastrū.
R. masticeis, aloes, acaciæ, gallæ, olibā, panis usti
ana, & confice cum oleo rosato, & stomacho ap-
pone, & est expertum ad uomitum, & saliuam pue-
rorum. Si autem in uomitu fuerit odor acutus, &
res quæ euomuntur, appareant acutæ, & citrinæ,
tunc administra infanti rob agrestæ, aut succum,
uel minam cytoniorum, aut syrupum de berberis,
aut ribes, aut rosatum, & si sint adulti infantes, con-
ueniunt isti trocisci. R. rosarum, spodij, ana. ʒ. iiij.

Vomitus à
principio ne
cōstringatur.

gallarum. 3. ij. ꝑ. karabe, seminis portulacæ, seminis lapati acuti, ana 3. j. confice cū aqua rosarū, uel mali granati ad pondus drach. unius, exinde puluerisetur unus trochiscus, & cum saccharo rosato, aut miua cytoniorū, aut de ribes, dato infanti, aut partem, aut totum: demum applicetur stomacho emplastrum uomitui, & fluxui uentris conferens. R. farinae ordeï, rubi uiridis, mali granati corticis, ana quantum sufficit, & misce cum aqua rosarum, aut oleo rosato omphacino, & stomacho applica. secū dum autem sententiā Isaac, ubi sit uomitus phlegmaticus, accipe calamentum, crocum, aristologiā longam, & cum succo menthæ misce, administra to infanti, & est mirabile, & prohibenda est nutritrix, à grossis, & pituitosis cibis, à coitu, & si prægnans esset, mutanda est omnino.

Appendix

Appendix.

Vomitus infantibus accidit, aut repletionē non parua, aut à frigiditate lactis, aut ab intemperie ventriculi potius frigida, quàm calida, aliquādo etiam à tussi, sed hic tussi curata, curatur & is uomitus. oēs igitur sic curato, non neglectis causis, quas primò destruere oportet. Quare eas nouisse non nocebit, ne in morbis cecutiamus. infantibus igitur uomitu laborātibus dato succum cothoneorum cum saccharo coctum, officinæ appellāt miniam cythoniorum. Proderit etiā syrupus de mentha, de berberis (quem oxiacantam dicūt græci) cum puluere caryophyllorum: liniendus est etiam stomachus aqua rosacea cum muscho, aut aqua myrti, aut apponere emplastrum ex micha panis, succo mēthæ, puluere caryophyllorum, oleo mastichino, & parum aceti, quæ omnia colligito, & stomacho apponito, adde pulueris coralli utriusq; 3. ℥. corallus etiam appensus proderit, qui stomachum tangat. maiora ex autoribus requiras, ad fluxum curandū me paro.

Ad omnes vomitus differentias.

Emplastrum nostrū hactenus cū zgroti restitutio, ne obseruatum.

Coralliū appensum foris ventriculum attingens.

De fluxu,
CAPVT XIII.



*L*uxu autem uentris infestantur infantes, non solum tempore dentitionis, sed post, & ante, uarijs de causis, aut propter corruptionem lactis, aut multitudinem, aut caliditatem, frigiditatem, aquositatem, aut propter multitudinē deglutitionis saliuæ, aut propter lac impregnantis nutricis, aut ab stomachi debilitate. quod si fiat à corruptione lactis, rectificandum est lac cum his quæ dicentur inferius, de lactis rectificatione: quod si sit à multitudine, abstinendus est infans à nimia lactatione. Quod si à caliditate lactis, quod comprehenditur ex citrinitate egestionum. Si ex frigidityte, & humiditate, aut nutricis, aut lactis, lac est rectificandū ut dicetur. Si propter debilitatē stomachi, conueniunt embrocationes, unctiones supra nominatæ, de cura uomitus à causa calida, aut frigida. Sed unum est prænotandum, quod nunquā cohibeatur fluxus uentris, nisi adsit tumor producens debilitatem, cui fluxui, à leuioribus inchoando, secundum Auicē. debemus embrocare uentrē, ex decocto

seminis rosarum, cimino, & aniso: & hoc quando fluxus fit à frigiditate, aut ex cimino, & rosis in aceto infusis, & decoctis. Quod si hæc non iuuēt, accipe sextam partē drach. coaguli hœdi, & cum aqua frigida dato infanti, de expertis causa semper frigida existente, accipe. ℞. unum reubarbari torrefacti, & cum uino aromatico dato. Rasis etiā docet nos quartam partē drach. olibā administrare cum hoc emplastro quod uentri, & stomacho applicetur. ℞. croci, myrrhæ, ceræ quod sufficit, & cum uino misce, pro uentre, quod si fluxus fit à causa calida, sumat infans, si possit, syrupum rosatum, aut miuam cythoniorum cum syrupo menthæ, & fac quod prædominetur miua, aut syrupus rosatus. De rebus etiam expertis sunt nuclei nucum torrefacti, & ante cœnā, & prandium sumat; sorba etiam, & cotonea assata aut pistata & uentri apposita, si deglutire non possit, conuenit etiam hoc emplastrū, ℞. dattillos immaturos, infundantur per noctem in uino stiptico, postea accipe oleum de semine lini, aut myrtini, aut mastichini, uariātur enim olea secū dum quod uis calefacere, aut infrigidare, & uentri applicetur emplastrum conueniens fluxui, à causa calida, ℞. succi arnaglossæ, centinodiæ, ana. ʒ. ʒ. ʒ.

farine tritici. 3. iij. aceti parū, albuminis ouorū duo
 rū distēpera, & calefac, & uentri appone. Quod si
 uolueris fortius restringere, R. rosarū, thuris, masti
 cis, boli armeni, sanguinis draconis, absynthij, costi
 amari, balaustiae, psidia, coquātur in aqua, & in il
 la decoctione sedeat puer: fomēta etiā pedes, aut ti
 bias: & si uolueris fortius restringere, R. duas par
 tes consolidae maioris, & alias duas plātaginis, &
 lanceolae & cū succis earū dissolue argillā, & ma
 nibus tractādo in modū emplastri, superpone um
 bilico. res aut familiares quae in communi usu sunt,
 clysteria ex decocto ordeī torrefacti cū melle rosa
 to, non existēte rasura intestinorū, quae si adsit ac
 cipe sepi hircini, aut castrati, & trochiscos de kara
 be, aut terra sigillata, aut stellae aut pulueris rosa
 rū, aut utere puluere tapsi barbati usti: uētri aut ap
 pone emplastrum diaphiniconis descriptione Me
 sue, aut ex inuētionē Andromachi, aut sua: unguētū
 etiā de corticibus, aut emplastrum de rosīs autore
 Mesue, aut de gallia eiusdē descriptione. Si autē
 alia experta, quae constingāt uētrē, cupis scire, le
 ges secreta Galeni, & reperiēs emplastrum confe
 rens sanguinis sputo, uomitui, & fluxui uentris.
 Idem habes à Rasi in secretis proprijs.

Appendix.

FLUXUS & si uarius sit, à uarijs etiam causis procedit. Quare non erit unica curandi ratio, etiã si in infantibus minime apponi possunt, quæ & diligenter, & perfecte restituant pristinæ sanitati, curauit ego trimestrem infantem mense septembri à dysenteria, clysteribus partim illuentibus, & partim astringentibus, stomacho non neglecto fomentis, quare ad alui profluvia foueto stomachum, reiectis balneis, foueto uino austero, & oleo cythoneorum. Quod si non sistatur, sume œnanthes contritiſſimæ, quæ uitis syluestris flos est, & dicitur labrusca, acaciæ, mastice partes æquales, quibus unâ subactis, partem uitelli ouorum, quæ sufficiat adijcito. Deinde stomacho, & scapulis illinito, thorulumq; purpureæ laxe adligato. Præ cunctis tamen, nutrix in uictus ratione regenda est, cibiq; boni succi exhibendi, & potus astringens. Quod si infans quidpiam farine sumi le excreuerit, mentham tritam ex uino nigro apponito, & adligato, fiant enemata ex decocto ordeï, rosarum rubentiũ, berberis, sumach, & folijs plantaginis, cui infundito uitellum oui, saccharum candidum, oleũ rosaceum, aut myrtinũ, aut lentiscinũ, & inijcito per clysterem, & procurabitur alui detentio. Et hæc de fluxu sufficiant. Accedamus ad alui detentionem, & astrictionem.

Trimestris
infans dysen-
teria laboras
clysteribus
à me curatus,

Quid sit œnã
the,

In omni in-
fantum mor-
bo, nutrix re-
gimẽ uictus
habeat pro-
prium,

Forma, cly-
steris,

De stipticitate,

CAPVT XV.



Olestantur quandoq; infantes prohibitione, & stipticitate fecū, aut à uiscositate lactis, aut quia sumūt cibaria multū stiptica, sicut est ca-
seus, aut cotonea, aut castaneæ, aut nuces assatæ, aut sorba, & mēspila, & alia similia. Quod si in-
fans sit lactens, & patiatur astrictionem uentris, à lactis uiscositate, quod cognoscitur in nutrice, aut matre signis supra dictis, & secundū sentētiā Aui-
cēnæ, tertia primi, capite de ægritudinibus infan-
tiū, tribuēdū est in potu stercus muris, aut supposito-
rium ex melle cocto, aut cum mentastro, aut radici-
bus ireos, quæ sint uirides, aut combustæ, & debe-
mus administrare infanti parum mellis, aut terebin-
thinæ secundum quantitatem unius ciceris, & uen-
ter eius fricandus cum oleo communi, aut super fe-
mur eius ponatur fel uaccinū. Tamen secundum mo-
dum communē, expertum est primis mensibus, face-
re suppositoria ex stercore muris, cum melle & sa-
le contrito, aut ex axungia porcina, & stercore
muris

De stercore
muris.

muris, aut cum sale communi, aut ex lardone salito oleo inuncto, quo vulgares utuntur: aut utere clystere molli facto ex brodio pulli, aut capitis castrati, cum saccharo, & parū salis, sine oleo, ne infans patiatur, si uermes haberet, qui petunt, propter oleum, partes supernas. Competit etiā clystere, factum ex lacte caprarum, aut asinarum, aut camelarum, quod melius est, sed quia parentes maximè infestantur, & nolunt obedire medicis, in missione suppositorij, aut clysteris, tunc accipias medietatē corticis nucis magnæ, & comestibilis, & imple ipsam butyro recenti, cum felle thaurino, & super umbilicum appone, & uentrem infantis totum butyro inunge, aut pedes eius, leui tamen unctione.

Oleum non miscēdū clysteribus.

Lac camelæ.

Iuglās regia.

℞. Elebori albi & nigri, hermodatilorum, acacori, succi semperuinæ, bryoniæ, añ. partes æquales, cum axungia porcina ueteri, confice, & utere. Et quamuis competat unguentum arthanitæ, est periculosum tamen, quare dimittas potius. Competūt etiā suppositoria ex capitibus porrorum cū sale. Sed solēne unū non dimittamus, scilicet accipe penidias, & forma suppositoriū, & post in aquam salitā infunde, & suppone infanti: quod si infans nul

latenus posset, aut inferne, aut superne accipere, tunc adhibēda est medicina nutrice, aut matri, deinde post spatium quinq; horarū lactandus est infans: quod si aliquid possit deglutire, scilicet duorū, aut septē annorū, administrētur medicinæ lenitiuæ solēnes, sicuti est iera simplex, aut pigra, hoc est cōposita, usq; ad. 3. unā cū lacte mulieris, aut uino aromatico. Set quia ieræ sūt abominabiles, propter amaritudinē, detur cassia extracta, aut māna in uino aromatico, aut parū infusionis reubarbari, aut electuariū Indū, aut psilij, aut diaturbit, cū reubarbaro, secundum necessitatem & diuersitatem materierum peccantiū, aut pilulæ de aloe lota, aut de iera simplici, hoc totum sit in iudicio operantis: quia non possumus nisi secundum distinctionē complexionum operari. Set unum expertum in forma potabili non prætermittamus. R̄. cinamomi, gingiberis, añ. partē. j. spicæ, anisi añ. partē ʒ. epithimi partes octo, reubarbari, senæ añ. partes quatuor, saccari optimi partem mediam, omnia administrantur cū lacte mulieris, aut uino aromatico, aut aliquo brodio pingui, usque ad. 3. ʒ. conuenit etiā hæc confectio. R̄. folliculorū senæ uiridiū

mundatorum añ. ʒ. j. cinamomi. ʒ. iij. croci. ʒ. j. sacchari ad pondus omnium, dosis est. ʒ. ʒ. cū brodio. Si uerò sint adulti. ʒ. j. Et hoc ante cibum.

Appendix.

Quod si contrà, aluus detenta fuerit, neq; facile egerat, glande irritetur, aut clystere ex melle loto, aut mellicrato, cibisq; mel complice= tur. Sed & florem arthemisiæ cum oleo tritum, circa umbilicum apponito, & subducetur aluus: etiam accipe succum ebuli, aut mercurialis, aut farinam (quam uolatilem dicunt.) Et ex his pulmentum coque, coctum, modo emplastri umbilico, & infrà, quod stoma= chum non contingat impone: profuerit nutriti medi= camentum probatum, & quod datum cieat, dare: neque eo die infantem lactabis, sed postridie potionis, ipsum uberibus admoueas. Neq; placet, quod detur in potu stercus muris, quod uoluit Auicenna, quem auctor noster per omnia est sequutus: sed imputandū est tempori quo sepultæ erant literæ meliores: neq; tunc Galenus melius loquebatur Latine per interpretes, quàm Auicenna. modo igitur glandis cum sepo hircino sedi & podici infantis imposito, & fluet aluus pro uotis tuis. Quare ad tenasum se conuertat oratio nostra.

Stercus muris non dandum puero, contra Auicennam.

Excusatur à tempore auctor, aliq; ex pertissimus. Galenus per interpretes latine non est loquutus,

De tenasmonē & continua uoluntate egerendi,

CAPVT XVI.



Accidit infantibus ægritudo multum infestans, propter quam timent parentes, cum uideāt infāntē continue stimulatum, ut aliquid per secessum emittat, & nihil emittat, quæ uulgari uocabulo appellatur malum de ponti, à medicis dicitur tenasmon. Et quoddā est uerū, & quoddā nō. Non uerū fit à materia fecali, inuiscata adhærente intestino recto, in parte interiori, prope phiterim, uel anum: uerum autem causatur propter humorem salsum, aut cholicum descendantem ad ipsum anum, aut frigiditate aëris, aut quia infantes sedēt super rem duram, sicut super lapidem uiuū. Talis igitur ægitudinis cura, si tenasmon causatur propter inuiscationem fecum educant feces cū clysteribus molitiuis. Et ista est cura tenasmonis non ueri, scilicet, quia in tenasmonē, tres habendæ sunt intentiones. Prima ad mordicationem ad quam sequitur uehemens uoluntas egerendi sine aliqua emissionē. Secunda intētio est restrictio sanguinis egredientis, &

tis & ulcerationis ablutio. Tertia est intestini, cū egreditur, intus repositio. Dixit Aliabas circa primam intentionē, quod si detur olibanum cū ameo, remouet uoluntatem egerendi. Serapio autem uult quod cortex arboris pini minoris emplastratus, remouet tenasmonem factum à materia acuta ad intestinum rectū fluente, aut etiam ab ulcere, prius tamen mundato intestino: & experti sumus corticem maioris pini emplastratum, & puluerisatum, cum liciuio aspersum, aut cum albumine oui, aut oleo myrthino intromissum idem facere. Serapio dixit psilium lædere asperitatē ulcerum intestinorum, & abscindit tenasmonem. Dixit etiam, quod sine decoctione orobi, uel cum decoctione aceti, pectini, & ano applicatum confert: plus tamē confert cū decoctione pineæ infructiferæ. Experientia autem scio quod sola suffumigatio facta ex pineis, à quibus extracti sunt nuclei, miro modo tenasmonem sedat. Isaac dixit clystere factū ex decoctione seminis lini, cum oleo rosato, ad tenasmonem & mordicationem intestinorum ualere: similiter etiam decoctio seminis lini. Tertia intentio erit magis ad restrictionem sanguinis. Et si multa

sint ab autoribus dicta, hic tamen magis experta aliqua adducam, uinum in quo est decocta radix mali granati, bibitum multum iuuat: confert etiam puluis pollicariæ subtilis, appositus, stante tenasmone à causa frigida. Item suffitus factus ex granis myrti. Serapio dixit gummi Arabicum retinere uentrem nimium fluentem, & conglutinat intestinum. Circa tertiam intentionem, quæ est intromissio intestini egressi, capilli adusti superpositi intestino, reducunt ipsum intro, expertum autem in cura tenasmonis desperati febre existente, accipe pilulas Galeni ex suis secretis. R̄. opij, anisi amborum añ. aur. unum, & ꝑ. seminis insquiami albi. ꝑ. iij. seminis apij. 3. viij. terantur, & conficiantur cum uino, & fiant inde pilulæ, instar piperis, administra ad summum duas. ad idem, Expertum licium. R̄. Myrrhæ, thuris, croci, opij añ. partem unam, terantur cribellentur, & conficiantur cum uitellis ouorum, & fiant parvæ glandes cum filo ligatæ, & intromittantur per anum, donec dormiat, & tunc extrahantur. In cura uero magis domestica, sunt clysteria lauatiua, ex decoctione ordeï torrefacti, & radicum plantaginis: exempli gratia. R̄. ra-

dicum

dicum plantaginis M. unum, ordeï torrefacti cum cortice suo. M. duos, coquantur perfecte in quatuor libris aquæ, & coletur: adde colaturæ mellis rosati colati. ℥. j. fiat clyster: confert etiã si fiat ex succo, aut decoctione plātaginis, aut arnaglossæ, in quo succo dissoluantur trochisci, carabe, aut terra sigillata. Ad idem confert fomentum sequēs, coquantur caules in aqua, & manibus exprimantur leuiter, & parum in oleo rosarū frigrantur: deinde infans sedeat super caules: ualent suffumigia facta ex colophonia, pineis, uel corticibus earum. Vltimo fiat hoc balneum. ℞. radicū cardui, quo præparantur panni. M. quatuor corticum granatorū, balaustiarū, corticum radicum auri, tapsi barbati añ. M. unum, coquantur in aqua si sit febris, quæ si non fuerit, in uino nigro stiptico, quantum sufficit ad balneum, in quo patiens sedeat usque ad umbilicum. Experientia inuentum est, quod bibere succum lapæ communis, id est, rumicis syluestris, ieiuno stomacho, uel infritellis, uel aliter, anum egressum reducit: & ego experientia scio, quod in quodam infante filio potestatis plebis sacci, qui patiebatur egressum ani per duos ferè digitos, &

Et dicit vir
ga pastoris à
Dioscoride
labrum Ve
neris

sola decoctione rosarum, lentium excorticatarum cum uino nigro, & postea fiebat olei rosarū inunctio, & suffitus ex thure, & corticibus pinearum, & rosarum, & sanatus fuit unā cum tumore intestini maximo & eiusdem apostemate: mirumimmodum conferunt suppositoria facta ex sepo hircino, cum oleo rosato, & parum opij ad granum unum, aut duo.

Appendix.

TEnasmus siue Latine premitus, Et dicitur Graece τενισμός per diphthongū potius, quā per τ, in prima syllaba, propter etymologiam: nempe ἀπὸ τένεισθαι, quod est conari. Et est tenasmus crebra, & inanis egerendi libido, seu uoluntas: cui morbo adiungemus procedentem sedem, quae à tenasmo uehementer procedit. Sed prius tenasmm curemus, & illi medemur, deinde ad sedis procidentiam, breuitati studēs, quod autor hic satis fuerit prolixus. Quare cum à frigidityte plerūq; fiat, apponemus quae erunt calida, & dissipantia materiam illam mucosam, & sanguinolentam, quae egeritur etiam cum sedis tumore, & inflammatione. Accipe nasturtij ortēsis, & cymini seminis, singulorum pondus aequale: idq; tritum, & temperatum butyro ueteri, cum aqua frigida bibendū praebe: aliud excipiat infans sede sumum terebinthinae, qui
inde

inde oritur, carbonibus imposita. Item accipe picem colophoniam, eaq; carbonibus imposita, suffitu anum infantis confue: accipito etiā pannum lineū uehementer calidū, sic tamen ut citra offensam ferat, & podici sic apponito, quo remisso apponatur alter. Maiora te docebunt doctores practici, quare ad sedis proci-
dentiā uenio, cui Aetius sic succurrit, herba, quæ spon-
gitis dicitur, assidue sedē aspergito, quid autē sit spon-
gitis scire non potui, nisi fuerit asparagi satiui, & or-
tensis radix, quæ astringens est, & dolori dentiū suc-
currit. Accipiturq; teste Plinio, & Columella, pro spō-
gia, quare illuc curre, & uidebis quid sentiant: neq;
dubito quin marina spongia posset succurrere, quæ ad
oculorum lachrymas faciat lota, profluuiāque sangui-
nis ex aceto competit. Item acatiam ex uimo nigro, &
sapa illinito. Item cocleam ustam, & tritam ano exeū-
ti, prius loto applica, & sanabis. ostreorum etiam te-
stas crudas tritas, & subtilissimo cribro excussas appo-
ne, myrthi baccas uirides, cum uimo tritas applicato.
aqua uerò fabrorum, in qua ferrum extinguūt, lotiones
fiant, usus quoq; murie tepide mirifice prodest, idq; fa-
cit aqua maris, & sequuntur uermes, qui non parum
infantes cruciant, mortem præmaturā anunciant, stran-
gulant, & corpus aridum, & consumptum reddunt.

Non possu-
mus huc oīa
trāsferre qua-
rē ab alijs
sunt petēda.

Quid spon-
gitis herba,

De uermibus siue infantium lūbricis,

CAPVT XVII.

Vermiū ge-
neratio non
à bile, neq;
à melancho-
lia.



MAxime inquietantur infantes uermibus, siue sint lumbrici, siue cucurbitiui, aut rotūdi, qui omnes generantur ex materia phlegmatica, diuersi tamen secundum diuersitatem ipsorum, & in distinctis locis intestinorum. Non generatur autem ex cholera, quia tali putredini maxime aduersatur. Nec ex melancholia, cum contrarietur uitæ: neq; ex sanguine, propter maximam dilectionem quam habet uirtus erga ipsum, quod comprehendimus ex eo, quia uermes cuiuscunq; sint speciei, nec sunt citrini coloris, neq; nigri coloris, neq; rubei, sed solū ex phlegmate putrefacto in intestinis, & causa generationis eorum dicitur esse superflua comestio, unā cum debilitate digestionis, & sunt fructus omnes, & legumina, maxime phaseoli, & fabæ ex comestione lactis super repletionem, & breuiter, regimen uictus in sex rebus non naturalibus, multiplicans corruptionem humorū in stomacho per uiam indigestionis: in infantibus autē lactentibus,

generan

generatur propter corruptionē lactis nutriticis, aut cibi assumptionē, sicuti hodiernis tēporibus, mulieres cibū masticat, & fercula, & cibū sic masticatū ipsis administrāt, à qua maxime est cauēdū ubi mulieres fuerint mēstruosæ, aut exercitatæ, aut fuerint ex ira supcalefactæ aut statim à cibo, aut à coitu, & tūc saliuā ipsarū uenenū est infantibus, propter has causas. Quod si uoluerūt illo cibo māso infantes nutrire, priuētur omni uicio quod cibū, aut saliuā possit corrūpere. Ergo infantes curētur, & à uermibus liberētur secundum diuersitatē autorū. Nonnulli inchoāt ab extrinsecus applicatis: alij aut magis ab his quæ administrantur per uia oris. Sed pro nūc, insequēdo sentētiā Rasis, circa uernū inchoetur ab his quæ extrinsecus applicantur. Duo maxime experta dicuntur esse, succus alij, & aliū, secūdū sentētiā Auicēnæ est ultimū in interficiēdo uermes, ubi inquit, cartamū, mētha, camepiteos, cētaurea, pulegiū, & aliū proprie, aliud aut maxime expertū est. R. porrorū non trāsplātatorū. M. ij. infundatur subtiliter, & ponatur super tegula calefacta, & aspergatur aceto albo, deinde R. diptami, gētianæ, seminis sancti ana. ʒ. ij. imponatur por

Mulieres male aliquādo vtuntur cibo maso pro nutritione puerorum.

Duo experta ad uermes expellendos,

Nota quantum attinet ad orificium stomachi & quæstionem seu potius li-tem inter aliquot medicos lugdunenses motam.

ri cū dictis speciebus, in duobus sacellis. Et unus ponatur super os stomachi, & alter super decimūtertium spōdiliū ex opposito stomachi: per inferius autē competūt clysteria facta magis ex brodio pulli cū saccaro, aut cassia fistula, non apponēdo oleū, sed magis loco olei, apponēdo butyrū, & parū salis, & ex lacte caprarū, cū hoc quod nūc hic sequitur esse non debet, sed quod sequi debet post hāc dictionē, cū, continuatur per principiū alterius cartæ, quæ incipit saccaro, camelarū aut uaccarū &c. ut uidebis. Accipe parū galbani, mitte in uitellū oui, & si in hoc multa laudata sint ab autoribus, sicut quæ dicta sunt, & quāuis competāt clysteria aliquādo traheitia, secūdū sententiā autorū, non competūt nisi apparetibus signis magnæ corruptionis, & corporibus existētibus adultis, laudantur suppositoria facta, cū melle, sale, & penidijs, aut ex axūgia porcina, aut ex lardone, & est mirabile. Quod si uermes continuantur in intestino recto, fiāt suppositoria dicta immediate, propter unctuositatē adipis, & pinguedinis, adhærent suppositorio, & egrediuntur per anum cum suppositorio: & breuiter omnia amara uermes interimunt.

Appendix.

VEnter hominis multa animalia nutrit, quare de lumbricis hoc in summa notandum, quod ipsi in febribus, & citra febres nascuntur, tū multitudine, tū magnitudine, tum colore, tū temporibus etiā differentes. Quorū ad summam, tres sunt species, seu genera, quæ in doctrinis pro speciebus sumuntur, & sunt rotundi tereti, longitudine palmares, aliquando maiores ascarides, & tenues, & occupāt rectum intestinū, & huius speciei, ac generis plures uidi, quibus quidā nobilis cholericus delphinas æstate abūdabat, ultimi lati, & longissimi, qui sæpe per tota intestina extenduntur, ut eorū longitudinē æquent. Et dicuntur à quibusdā tineæ, & fasciæ, & circa initia morborū generati, substantiā suā ex subiacēte corruptione capiunt: circa uigorē uerò, ex malicia morbi, circa declinationem autē, ex permutatione omnium in melius, qui sane citius separatur: natura enim ipsos foras propellit, censeantur peiores, ex ipsis maiores minoribus, multi paucis, & albis rubri, uiuentes etiā mortuis deteriores: in infantibus autem, & pueris, atq; his qui ad pubertatē accedunt maxime abundant. Cæterum quæ hoc malo affectos comitentur, & sequantur, uide Aetiū, sermone nono, capite xxxix. neq; propterea curam, & medelam negabimus, quæ talis est, cum quadam præcautione, ne scilicet stomacho aliquid, quod amarum sit, apponatur, ubi medicus intelliget prouidentia quædam uermes supra stomachum esse, & gulam occupa-

Quotvermiū
differentiæ.

Genera aliquā
pro specie-
bus,

Historia,

Præfagia à
vermibus su-
menda,

re, ne inde sequatur strangulatio, sed paulatim, aut nutrimento dulci, aut clysteribus conuenientibus, ad intestina, & inferiorem uentrem reuocandi, & euocandi sunt: clysteres fiant ex lacte caprino, & saccharo, absq; oleo, cum aqua ordeacea. profuerit etiā exhibere aquā portulacæ, & graminis, quæ proserpinata dicitur, in quibus infusum fuerit semē citri cōtusum, & per colum mittatur, ubi per aliquot horas in aquis residerit, donec amaritudinem referat, conueniet etiam sinapi conditum saccharo, aut sapa quod est mustum.

Quod si per ætatem gustare, uel deuorare non possit, nutrix in cibarijs pro condimento utatur amaris, & ijs uescatur, & si placeat foris, scilicet stomacho, appone re, fac linimentum ex oleo amygdalarum amararū, felle taurino, oleo de spica, quod nardinū dicitur, absynthiaco, & cera, & tepide impone, cū oleo etiā & aceto fiat emplastrū: cētinodia plurimū potest in ea re, si uel in puluerē reducatur, siue distilletur in aquam: oleū pericorū nucleorū, neq; sit inutile oleū ruthæ contra maiores tineas, accipe succi absynthij, & fellis bubullina. ℥. ij. colocynthidos. ℥. viij. ijsq; tritis & subactis, modico farine tritici addito, emplastrū cōfice idq; umbilico infantis impone, balneū quoq; ex absynthio & galla quātū satis erit p modo parabis, cōtra lūbricos, infantēq; insidentē, usq; ad umbilicū calida lana, hæc tibi faciāt satis. Quod si maiora optas uide Manardū in quadā epistola de uermibus. Sed interim uentrē tumescētē infantis tractemus. Qui nō mediocri periculū affert, unā cum umbilici duritie, & tumore.

Nō est opus oleo in ablutionibus quibus utimur ad necandos aut educendos vermes.

Lege manardum qui in quadā epistola maiora docet de uermibus.

De tumore uentris infantium, 79
CAPVT XVIII.



Entris tumor, & inflatio infanti-
bus accidit, & tangendo, aut per-
cutiēdo, apparet quasi sonitus tym-
pani, qui tumor secundū sententiā
autorū appellatur, secundū aliquos uentus inflatilis,
secundum autem alios appellatur uentus inflantis.
Sed tantum est dicere, quantum tumor uentris ex
uentositate, quæ dispositio, aut contracta est à
principijs natiuitatis, aut ex defectu obstetricis
balneantis, aut defectu nutricis, aut quia non præ-
seruatur ab aëre frigido. Si à principijs natiuita-
tis contractus est tumor, seu dispositio nullate-
nus corrigi potest: si autem ex defectu nutricis bal-
neantis, fiant nunc dicenda. Si uerò à nutrice, com-
petit regimen, quod dicemus, seu quod dictū est su-
perius, de regimine nutricis. Si uerò à frigidityte
aëris, competūt ea quæ nunc dicentur. Si igitur in-
fans sit tenera ætate, sex scilicet mensium, ad duos
annos usq; & patiat ex defectu obstetricis, aut
aëre frigido conuenit unctio facta hypocondrijs,
ex oleo anethino, & stomacho, & umbilico. Com-
petit etiam hoc medicamen, quāuis non debeat ap-
poni, nisi necessitate urgēte, autore Auicēna tertia

primi, de regimine infantium, & est. ℞. origani, ca-
storei, cymini, ana, partes æquales, triturentur for-
ti trituratione, & misceantur, & infanti in potu tri-
buantur, pondere trium granorum ordeï, cū lacte,
aut cum uino aromatico. Aliud secundū sententiam
Rasis est. ℞. myrrham, aloem, & crocum, & confi-
ce cum succo satiregiæ, & uentri apponito. ex re-
bus autem expertis his temporibus, accipe empla-
strum diaphinicum, descriptione Mesue, & em-
plastrum de meliloto, descriptione eiusdem, & uen-
tri apponito, & hoc uidi mirabile in quodam pue-
ro Hebræo trium annorū, qui patiebatur hunc mor-
bum, & est curatus. Vidi etiam in quodam puero
rustico, pauperculo duorum annorum, qui cum non
posset emere medicinas, præcepit sibi genitor, ut
stercus uaccæ acciperet, cum ab ea emitteretur, &
corpus inungeret, & mirabiliter diuino auxilio cu-
ratus est.

Appendix.

Appendix.

INflatur, & tumescit uenter infantium à lotio retē to, propter flatum, aut crassitiem lactis. Quare aperitionem meatuum urinariorum procura, aperientibus, balneis, & linimentis pectini impositis: fiunt autem linimenta ex axungia cuniculi, parietariæ succo, & oleo de lilio. Vltimum erit oleum scorpionum, frictiones molles, & matutinae prosunt: nutriatur nutrix uino odorifero, parum diluto, diureticis, & aperientibus, quibus urinarij canales aperiuntur: sumat etiam puer succum parietariæ depuratum, & tepidum. Porro illi balneum constitue, ex his quæ sequuntur, scilicet ex folijs lauri, radice ebuli, tribuli marini, hircos, parietariæ, & rore marino, quem fruticem, libanotida appellat Plinius libro xix. ex cochleis, & absinthio: neq; hoc ante quatuor dies negligas, quātum spectat ad tumores umbilici, qui trifariam tumescit, aut propter eiulatum, aut percussione, aut compressionē, cyminū cōtritum umbilico illinito. Item octoniarum herbarum ramenta, quæ secundum aliquos celidonium maius est. Et secundum aliquos ypericon apponito, tribusq; diebus alligato: deinde ex oleis. Idem repetito Critonis philosophi ad umbilicos remedium.

R. Resinæ pini 3. xvj. scissilis. 3. x. mellis. 3. xx. alumen tritum super carbonibus cum melle usq; ad probam consistentiam decoquito, dein resinam solutam iniice, assidueq; agitato, quod ubi confeceris, ex medicamento (quod platysma uocant) quantū sat est ex-

A quibus frequenter intumescat venter infantibus,

Linimentum conueniens, & familiare,

tendito super lato pāno, & applicato singulis diebus
permutando, ac super platysmate, plantaginis folia,
uel hederæ apponito. Horum omnium Aetius autor,
illuc recurrito, quò melius intelligas. Neq; uolo com-
mentarium commentario addere, quare ad strangu-
riam accedo.

Neque com-
mentarius cō-
mentario au-
geat: quod
est nūc omni-
bus scripto-
ribus fami-
liare.

De difficultate urinæ infantium,

CAPVT XIX.



MAximeq; infestantur infantes, cum
urinam admittere non possunt, tor-
quenturq;, & clamitant, tristātur
parētes, & excitātur medici, igno-
rantes causas mceroris infantis. Cui dispositioni
maxime subueniendum est, quia non nisi à frigidi-
tate, aut lactis dispositate, aut à lapide causatur.
Si à frigiditytate solo oleo anethino, aut camameli-
no succurritur, aut liliorum alborum, aut scorpio-
num oleo, quod ex scorpione non nisi alijs reme-
dijs non conferentibus, applicari debet. Compe-
tunt etiā embrocationes factæ ex decocto parie-
tariæ, florū camomillæ, melliloti, & anethi, sumi
ni infantis, aut balneum ex rerum iam dictarū de-
cocto: de rebus autem plurimū conferentibus est.

Rx. Maxilas luciorum salitorum, fiat ex eis pulvis subtilissimus, & cum uino aromatico ministra. Ad idem ualet, radix philipendulae in uino decocta, & parum illius uini administra: confert etiã cucurbita antiqua, in qua retentum fuit oleum, & calefiat in aqua calida, dummodo in ipsa non ingrediat aqua, & cum ipsa sit calefacta per os uirga infantis imponatur: prouocat enim urinam, & dolorem pectinis tollit. Experientia autem scitũ est, accipere lapatum acutum, & immitte in ignem, etsi fuerit puella parua, ut ardeat ante eam: etsi fuerit mulier adulta, uelit, uel nolit, statim minget. Si autem causatur difficultas urinae uitio lapidis, distinguendum est, utrum sit in renibus lapis, uel in uesica, & modus est, accipere morsum gallinae, quae herba est, & coquatur in uirga & petine illa emplastretur, & si dolor auctus fuerit, designat lapidem uesicae: sin autem renum. De autem rebus conuenientibus, est administratio pulueris paeoniae, & maximè infantibus. Serapio, inquit, quod cuminum carmenum dolorem, & lapidem uesicae tollit. Dioscorides asserit, quod si bolus unus cardamomi sumatur, cum aqua decoctionis corticum, uel radicum lauri fran

git lapidem, & comminuit in uestica. Alchabarius inquit, quod aqua decoctionis pollitrici frangit lapidem in uestica: experimenta autem sunt plurima, tam in lapide uesticæ quàm renum: sed paucula adducemus. Primum experimentũ est, tollatur sanguis unius leporis toties, & cū ʒ. viij. radicū saxifragæ, uratur in olla rudi, & fictili, & de cinere hoc detur cochlear, uinum cum uno scyato aquæ calidæ: emplastrum, quod ponitur super pettine, frangit lapidem in uestica, & super renes posuitum, frangit ipsum in renibus. R̃. amygdalas amaras, & dulces, añ. partes æquales, terantur: & cum resina pini, & terebinthina, & oleo scorpionum, secundum artem factò, fiat emplastrum, & si cares oleo scorpionum, ponatur oleum amygdalarum amararum, aut nardinũ: electuarium ad idem. C. Liptum tripon & iustini nycolai añ. ʒ. j. ꝑ. lapidis iudaici. ʒ. j. ꝑ. incorporentur, & cū uino subtili calido detur ex hoc, quātum est castanea una, relictis emplastris suis locis. Ad idem ualet oleum scorpionum, factum secundum artem solum administratum. Experimentũ Rasis. R̃. nuces uirides, numero sex, & pista cum corticibus exterioribus ipsarum, deinde, R̃. ʒ. j. porrorũ non lotorũ, ex utroq;

utroq; extrahe succum colatum, qui in uase uitreo
 quiescat ad depurationem, & da puero, omni ma-
 ne septem diebus, & tempore somni, unge uir-
 gam, & testes oleo antiquo, aut de been. Confe-
 runt etiam secundum sententiam Auicennæ, & Se-
 rapionis, simplicia multa sigillatim, & mixta alijs,
 sicut capilli Veneris, spongia maris, amygdalæ, cu-
 bebæ, senecion, lapis uesticæ, lapis serpētis. Et com-
 posita conferunt ut dialacca maior, & minor, dia-
 sulphur secundum Mesue, oleum de cerasis, oleum
 de granis cipri, oleum scorpionum. Secundum Ni-
 colaum, confert aurea Alexandrina, antidotū ema-
 gogum, electuarium dulce, philantropos, litumtri-
 pon, metridatum, theriaca magna, oppopira ma-
 gna, & huiusmodi.

Omnia hæc
 antidota
 sunt.

Appendix.

ET ne uidear cupressum simulare, idē semper re-
 petens, lege quod præcedenti commētario dictū
 est, de pectinis linimento, quod huc transferas, præter
 illa quæ nunc dicemus, Commune præceptū accipien-
 tes, ne quæ ignitas constitutiones in se habent, calidi-
 tatemq; non minimam obtinent, his utamur: quia non
 opportune incidunt. Nimiaq; caliditas exsiccādo po-
 rum accumulāt, non ergo incindit, neq; digerit. Qua-

Temperata
nō violenter
& cū corpo-
ris perturba-
tione vrinas
mouent.

Campus me-
dicamento-
rum vt liceat
spaciari ne
cū remedia,
aut topica,
aut purgātia
defunt defi-
ciat & ani-
mus quod
medicis ti-
midis euenit

Medicus in
dicationem
semp habeat
hoc est, mor-
bi causam, et
partē læsam
sciat.

Hic infantiū,
morbi tantū
curantur qđ
si aliquid ad
adultos atti-
neat, hoc p
transennam
putes dictū,
quando etas
æratū conue-
nit,

propter quæ minus calida incidendi unā facultatē ha-
bent sunt meliora: mouent urinas non potenter, & ci-
tra exulcerationem. Acetum scylliticum cum sacca-
ro, decoctum radicis graminis damasonij, id est, arna-
glosi maioris, quod in aquis nascitur, capilli Veneris,
polytrici, & similium. Neq; erūt inefficaces regalium
asparagorum radices, semen altheæ bdellium ex Ara-
bia, lachryma pruni, miliū solis, Græci lithospermon
uocant, id est, semen lapidosum, bethonica, sarxiphra-
gia, pulegium, capparis, Aegyptiæ radix, mansuetarū
ficuum semina, aqua morobaccorum cum lacte noctū
potata prodest. Quod si aliquo pacto, ne hæc quidem
proficiant, utendum putarim medicamentis, quæ po-
tenter, & urinas educant, & uirtutem lapidem fran-
gendi habeant, ut sunt lapis iudaicus masculeus, &
foemineus, uitrum combustum, lapis cappadox, pali-
uri semen, cardui radix, rubia, acorus, pastinaca, asa-
rum cum similibus. Quæ omnia pro prudentia medi-
ci qualem esse oportet, & indicatione quæ illi est ne-
cessaria, tanquam quædā ductrix & uectrix. Interim
reliqua expediāmus, ne totam doctrinam, nō infantiū
modo, set & adultorum, & senum adferamus.

De im-

De impotentia continendi urinam
& meiendi in lecto,

CAPVT XX.



Tristantur maxime parentes, ex
mictu in lecto, cum pueri, aut in-
fantes ultra ætatem trium anno-
rum, continue emittunt aquositatē
urinalem in lecto, qui aliquando non solum in spa-
cio unius diei, aut duorum dierum. Set continue,
omni nocte, & non solum usque ad spacium quin-
que aut sex annorum, set aliquando ultra tempus
ubertatis, quod uilissimum dicitur esse: & quodam
modo infortuniū pueris sic natis. Et si plurimæ cau-
sæ possint esse, propter quas emittunt aquosita-
tem urinalem, ipsis non sentientibus breuitate
operis, non nisi ea quæ laudata sunt ab autoribus,
& uera in medium adducemus, præmissa tamen
semper purgatione corporis, si infantes sint, qui
purgari possunt ab humiditatibus, quæ foras-
se sunt causa relaxationis musculorum uesicæ.
Curam igitur inchoabimus, præmissa debita ad-

Inanitis cor-
poris præce-
dat quoduis
aliud medi-
cū negotiū,
dummodo mor-
bus non tur-
geat.

ministratiōe, scilicet rerum non naturalium: caueant ergo à frigiditate aëris, & ab omni cibo, & potu, habentibus aggrauare stomachum, & corrumpere digestiōem, dormiant somno conuenienti, utantur exercitio temperato, uitent accidētia animi, sicut sunt clamores, sicut exercitium immoderatum ex ira, res autem laudatas ab autoribus, Auicenna inquit, quod mēspilla, & sorba conferūt multitudini urinæ. Fidelis asserit galāgam retinere urinam, & fluxum ipsius factū ex frigiditate renū, & uesicæ: scudeum etiam, secundū omnem modum administratiōis ipsius, confert ad impotentiam retentionis urinæ, quando humiditas uel frigiditas, uel utrunque sunt causæ. Similiter etiam usus enulæ confert fluxui urinæ, à frigiditate, & humiditate. Serapio inquit, & Alcafabrius, quod scoria ferri cum uino mixta, aut in ipso infusa, aut pluries in ipso extincta, bibita exiccat humiditatem laxantem lacertum, & ipsum confortat. Dixit Dioscorides cerebrum leporis, tritum & potatum in lectum mingentes, emendat. Et Fidelis dixit pulmo hedi comestus, & emplastratus urinæ incontinētiam cohibet. Dixit etiam
de uesi

de uestica scroffæ iuuenis puluerisata, & bibita retinet urinam. Rasis dixit quod si tollis cristam galli, & exsicces ipsam, & tritures, & misceas in lecto eius, qui mingit in lecto, ipso nesciente, & curat, experientia scitum est, Quod si mingitur urina spissa, & aspera, si fiat syrupus ex decoctione florum nenupharis, & bibatur, statim ista urina restringitur, & clarificatur. Experientia autem scio ego ipse, quod caro ericij terrestris retinet fluxum urinæ, adeo quod si frequenter administretur, urinæ egressionem prohibet: quãuis tamen in hoc uideatur controuersia, quia Auicenna asserit carnem ericij lenire uentrem, & prouocare urinam: & etiam Rasis. Tamen si quis consideret eorum dicta, intelliget uerum esse quod dicitur: experimentum autem uerum, & à me probatum est, & maxilæ lucij, non salitæ puluerisatæ subtiliter, & mane & sero administratæ, tollunt mictum nocturnum. Secundū experimentum est, quod pellicula intrinseca stomachi gallinarum, qui stomachus, nostro idiomate uocatur requesta, & est qua mulieres, aut coqui, cum scindunt stomachum gallinarum per medium, eleuant quandam pelliculam, in qua continetur cibus,

seu coctus, & illa projicitur. Talis autem pellicula siccata, & puluerisata, mane & sero bibita, mitum tollit nocturnum mirumimmodum, non solum pueris, sed adultis utriusq; sexus, & stomachum mirabiliter iuuat.

Appendix.

VBi de infantium morbis agebatur, parum, aut nihil rei huic conuenire uideo impotentiam continendi, quæ infantibus adeo est necessaria, propter humiditatem non paruam, quæ in ipsis est, quam per urinas purgant ut absq; ea male sanus censeretur infans. Verum ubi decennes sunt, neq; ante hanc ætatem bene firmos reperio, tum propter honestatem, tum etiam libertatem, laudo quod uolentes & uigilantes potius, quàm citra uoluntatem, aut lotium sistant, aut foras mittant pro arbitrio. Dixi libertatem, cum non parua sit seruitus, neq; mediocris tristitia his, qui huic morbo (si morbus censendus sit) quod tantum somno, & dormienti occurrat, & eueniat, sunt obnoxij. Quare non infantes, sed adultos modo curemus, urinamq; continere doceamus, quam impotentiam multi, non solum pueri, sed qui tricesimum annum attingunt, obseruarunt, magno cum dedecore, & pudore inter mortales. Timore perdunt

*Speculatio
huius fluxio
nis parū aut
nihil huic ne
gotio atti-
net.*

*Seruitus est
nō perua aut
lotiū nō re-
tinere, aut
nō emittere.*

*In pueris nō
eterna sturdio
timore sisti-
tur.*

pue

pueri, & iuuenes illam impotentiam, & ciborum parsimonia, uinoq; nigro, in quo rutha cocta, seu elixa fuerit. iuuenibus succurritur confectum sequens, facultatem retentricem plurimum corroborat. R. nucis cypressi & corticis eius, thuris, & corticis eius, myrti, baccarum, cymini torrefacti, kebi gallinae, id est hepatis torrefacti, fimi columbini ana. ʒ. iij. carabe, corallij rubei, rosarum rubentium, ana. ʒ. ij. conferuae cythioniorum quantum sufficit ad omnia excipienda, non multum liquida, utatur ad quantitatē castaneae, cum aqua decoctionis herbae paralis, quae primula ueris dicitur, & myrtillosum, & nucis cypressi, & gallarum. Confert etiam diarrhiae. Item puluis ex cipro, baccis myrti, glandibus torrefactis, cymino, thuris cortice, ad partes aequales, & detur. ʒ. j. & .ʒ. cum uino antiquo, uel cum uino decoctionis balaustiarum, sumach, myrthillorum, thuris, cupullis glandium. Theriaca etiam confert, aut metridaticum confectum, uesica etiam caprae succensa super laminam candentem, uel tegulam torrefactam, & tritam, si bibatur cum aqua ustullata, & aceto, prodest, uel cum uino odorifero: chimolea excepta cum felle thauri, & instar emplastri peccini imposita ualet plurimum, cui potes miscere adstringentia quaedam: caro hericij salita, si edatur, ualet. Caueat ab aqua, ab humidis, à ciborum luxurie, ab his quae urinā

Apium petroselinū est. cient, ut sunt cucurbitæ, melopepones, apium (quod vulgo petroselinum dicitur) radícula, baucia, auicula, quæ cauda tremula dicitur, à fructibus recentibus: utatur uino antiquo, calidis, sinapio, castaneis, omni leguminū genere, auellanis torrefactis, & procurabitur potentia, uoluntas retinendi, nec noctu meiendi, nisi uolentes, & experrecti, sed ramicosis me dedo.

De ruptura seu hernia infantium,

CAPVT XXI.



Accidit infantibus dispositio horribilis, contra naturam, & appellatur communi uocabulo ruptura, siue dicatur esse siphac ruptum, aut uersus inguina, aut uersus oxeum, aut in parte suminis, aut circa umbilicum, proprio autem uocabulo appellatur, hernia. Quādo uētositas, aut aquositas, aut ex fractura siphac, aut ex dilatione didimi, aut ex additione carnis facta, propter tumorem articularum, aut uenarum adhærentium testiculis, aut carnositati, & appellatur etiam ramex, quæ dispositiones maxime causantur ex fractura, & præci

præcipue accidit infantibus ex ploratu nimio, aut ex casu super uentrem, aut ex uentositate contenta in intestinis, licet posset accidere ex nimia assumptione lactis, maxime uentosi, aut aquosi: licet etiã ex dictis causis possit accidere hæc dispositio, non solum infantibus, sed etiam adultis, maxime super repletionẽ aut propter saltũ, aut propter uociferationẽ, aut coitũ, sed de his nihil ad præsens, sed solũ quantum pertinet ad infantes. Si igitur causatur hernia ex materia uentosa, tunc apparet tumor oxei, & quãtum ad tactum, non apparet res, neq; percipitur res dura intrinsecus, scilicet magis percipiuntur testiculi ad tactum distincti, & tunc adhibenda sunt remedia, habentia uim carminare, & resolvere uentositatem, & facere unctionem infanti, circa oxem, & pectinem ex oleo anethino, aut commamellino, aut alliorum alborum solũ, aut permixtim cum modico ceræ, & puluere cymini, aut calamenti: aut accipere puluerem fabarum, & miscere cum aliquo dictorum oleorum, & imponere emplastrum oxeo. Si autem causatur ab aquositate sola, cum medicinis quæ desiccant, medeatur. Dioscorides dixit, quod bdel-

lium & proprie situlum, quando cum saliuā hominis sit unctio circa oxeeum, & misceatur, donec sit unguētum, dixit Auicenna, quòd bdellium remolitum in aceto, tollit herniam aquosam. Dixit etiam Serapio, quādo aperitur locus herniæ siue crepatura, & extracta est eius aqua, decoctio bdellij est medicamen conueniens. ex compositis autem ad primam intentionem, scilicet ad uentositatem, R̄. stercoris uaccæ sicci, & cribrati, libram. .j. succi caulium. .ʒ. .vj. oua cruda tria, olei communis optimi, libram. .j. sulphuris. .ʒ. .j. terenda tere, liquenda liquefac. Tunc solutis, & liquefactis, mitte oua, & solue diutius, & ex hoc emplastro spleneticos, hepaticos herniosos, & podagricos curabis. Emplastrum aliud in hernia aquosa, & uentosa, R̄. bdellij. .ʒ. .ij. pulueris baccarum lauri. ʒ. .j. olei laurini quantum sufficit ad inspissationem, & si addatur seminis ameos, anisi. ʒ. .ʒ. & oleum anethinum est efficacius, & si est hernia exruptura facta, addatur succus extremitatum cyprossi, & glutem piscium. Si autem est hernia causata ex ruptura siphach, unde intestina, & Zirbus descendunt. Tunc intromissis intestinis,

& Zir

Et Zirbo, cum embrocationibus factis ex decoctione camomillæ, meliloti fœnogræci, et lini, corpore resupino, pedibus et cruribus eleuatis, aut apponere filum ex lino filatum, in cineribus decoctum, tunc debemus, introductis intestinis, et his factis, apponere brachale, factum ex lin teamine, seu tela, aut ferro, aut ligno, aut ligaturam quadrangularem, prius facta unctione, aut administratione ceroti. De rebus autem, quæ maxime assumuntur per uiam oris, dicitur esse radix consolidæ maioris, et minoris, puluerisata et in frictellis comesta in aurora, et est expertum. ualet etiam herba bonifacia, et herba quæ uocatur trinitas. Serapio dixit de radice lilij tertiæ speciei, quæ habet duas radices, unam super aliam, quod duæ cepæ coquantur, et quando datur per superius, infantibus habentibus rupturam intestinalem, Dioscorides dixit, quod acorus confert. Galenus etiam uult, quod baccae uirides in potu tribuantur cum uino, aut succo suo tritæ, locus emplastretur. Præmissa tamen intro intestinorum missione. Dixit etiam Serapio, quando cum psilio fit emplastrum ad ramicem, et eminentiam umbilici,

curat, Fidelis autem dixit, quòd omnem crepaturā sanāt infra quindecim dies folia cicutæ fœtidæ, trita & emplastrata. Dixit etiā, de radice cipri, quæ est planta, de qua fit le sca, qua accenditur ignis, quòd trita, & emplastrata crepaturam sanāt. experimenta autem uera sunt, sicuti hæc emplastra, quæ sequuntur: R̄. acaciæ nucis cipressi, samsuci ruthæ ficcæ, gallarum, granatorum lauri, gummi arabici, omniū ana. 3. xx. terantur, & cribellentur & liquentur, glutine piscium, & aceto, si corpus sit magnum, si uerò sit infans elixentur cum muscilagine psilij, & fiat emplastrum, prius tamen bibatur parum pulueris nucis cypressi. secundum emplastrum expertum est. R̄. succi utriusq; consolidæ, lāceolæ, plantaginis, corrigiolæ, caudæ equinæ, arrestæ bovis, pentaphilum, sanguinariæ ana lib. ʒ. pulueris gallarum, boli armeni, sanguinis draconis, cupularum glandium, corticum mediorum castanearum, uirgæ pastoris, lenticulæ, masticis, myrti, mumiæ, ana. 3. iij. olei rosacei, sepi hircini, ana. librā. j. misceantur, & ad ignem lentum fiat unguentum, & cum fuerit depositum ab igne semper spatula agitetur, donec totū incorporetur. Aliud experimen-
tum

tū. R. ammoniaci, resinæ pini, añ. partes æquales, infundātur in aceto forti, quod acetum superemineat uno digito, postea adjiciatur acetum ferme totum, deinde coquatur in cacabo ad ignē, donec digitis adhærere uideatur, & post extēdatur super petia lineā, & ex hoc, post infrigidationem, frustū incindatur, in forma scuti: & reductis intestinis, loco applicetur. Et si uis efficacius fieri addatur puluis gallarum, & cypressi: cum autē uolueris emplastrum auferre, superpone petiam cum axungia porcina, & non auferatur, donec mollescat. Aliud emplastrum ad rupturam intestinalem.

R. Radicum trium consolidarum, fabæ inuersæ, uisci quercini añ. 3. ij. sanguinis draconis boli armeni, gallarum, nucis cypressi, gummi Arabici añ. 3. j. acaciæ, psidiæ, balaustiae añ. 3. 6. pilorum leporis. 3. iij. sepi hyrcini. 3. j. picis naualis 3. ij. ceræ nouæ. 3. vi. Et cum oleo rosaceo, fiat emplastrum. cerotum ad herniam intestinorum.

R. scorice ferri. 3. vi. momiæ, dragaganti, gummi Arabici añ. 3. iij. thuris, acaciæ, sandaracæ añ. 3. j. & 6. gallarum cypressi, glutinis piscium añ. 3. j. uisci quercini. 3. iij. gypsi. 3. ij. resinæ 3. j. 6. fiat

cerotum cum succo consolidæ, aceto, & cera rubea. aliud cerotum expertum. R̃. nucis cypressi, thuris acaciæ, balaustiarum, sarcocollæ, sanguinis draconis, sumach, licij, myrrhæ. añ. 3. j. terebinthinæ quantum sufficit ad inspissandum, & rupturæ apponatur. Si uerò hernia sit carnosæ, aut fiat ex ingrossatione arteriarum seu uenarum testiculorum, aut uertice, cura est, ut per incisionem tollatur, aliter curari non potest. Si autem causetur ruptura prope umbilicum, aut ipse emineat, quod sæpe accidit infantibus, maximè autem mulieribus, cum sunt prægnantes, Rasis dixit quòd lupini comburantur cum petijs panni linei, & cinis cum uino misceatur, & cum stupis, & superponatur: laudat etiam Rasis sessionem factam in aquis stipticis, & proprie in aqua concuinæ. Confert etiã hoc emplastrum superius positum, in cura herniæ. Conferunt etiam quæcunq; dicta sunt superius de curæ egressionis ani. Experientia autem scio, quòd cerotum factum ex pice nauali, cum puluere rosarum, corticum granatorum, balaustiarum, & myrti, maxime confert.

Appendix.

Hernia seu ramex commune est nomen quatuor his morbis, scilicet ydrocele, enteroccele, sarcoccele, bubonoccele: ydrocele aquosus est ramex: quare collectio est humoris alicuius cessantis, & in alterum è testibus fluentis. enteroccele intestinorum est ramex, fit descenditibus in inguina intestinis, disrupto aut rarefacto peritoneo. bubonoccele est ubi intestina in scrotum descenderunt. sarcoccele carnosus ramex, & est durities instar scirrhi, ubi scilicet caro inter tunicas testium increscit. Set post hanc nouam interpretationem & distinctionem, ad topica remedia deuenio, præter illa quæ autor præcepit cum quadam instructione & præcautione, ne unquã scilicet incisionem aut præcipiamus, aut nos illi offeramus, propter infamiã, & ea quæ accidunt: ne casu periculorũ, & mortis infames uideamur. Nempe præstat aliquando, & sæpius propter nomen, & gloriam artis & utilitatem, ut ægrotus sine pharmaco moriatur, quàm eo sumpto. Quare prouidentia, & cautela opus est, ne tales scilicet nos præstemus in morbo desperato, perinde atque fit in morbo qui spem salutis proximæ affert. Quare in pleuritide pestilente, & insperata ac deplo-rata, uenæ incisionem & apertionem ne præcipito. Sed peregrinis & uagantibus honorem, laudem, & linguas hominũ negligētibus id negotij relinquamus, & linimentis potius, aut emplastris, aut diætã, aut positione moliamur restitutionem, relicto gladio chi-

Ramicis oēs differentiz.

Medicus rationalis non addit incisio-nemq; uenarum apertio-nem ppter pericula quæ eminent, sed chirurgũ instruat,

Præstaret ali-quando ægro-tum absque pharmaco, q̃ eo sumpto mori,

Vbi pleuri-tis est deplo-rata, uenæ incisionem ne præcipito, ne quæ pharma-cum exhibe-to,

In medicos q sine laude uagantur & corpora ægrotorũ carnificat aut ferro, aut igne, aut phar-maco, aut ieiunio longo quam diætã dicunt,

rurgico aut castratori, aut curatori. Et sequitur emplastrum exsiccans herniam aquosam, quæ ydrocele dicitur, cui magis obnoxij sunt infantes, non neglecto uictu nutriticis, quam uolunt nutriri rebus siccis asis, caueat: à fructibus, ab aqua, à rapis, & napis, & oleis humidis. R̄. baccarum lauri. ℥. iiij. camomille. ℥. j. p. piperis longi, baurach. añ. ℥. j. p. fiat puluis, & cum uuis passis, ablatis uinaceis, fiat emplastrum; uel ex isto puluere potes osseum aspergere, & oleo sambucino inungatur locus. R̄. Fimi bonis 3. x. sulphuris igne probati, cardamomi, baccarum lauri, stasisagrie añ. 3. v. fimi caprini triti. 3. xx. & cum uino excipito, modo emplastri, & utere.

Item puluis ireos, baurach, fimus caprinus ficus siccae in aceto remolite, & fiat emplastrum. Et nota apponenda semper emplastra ieiuno stomacho. Quod si offerenda sunt emplastra, hoc fac, cum decocto camomille, melliloti, maiorane, rosarum in aqua uel uino.

Curatio uerò relaxationis (quæ entorecele dicitur) sic fit, & erit non infantium, sed iam puerorum, qui & medicamenta apte sumere possint. Iaceant resupini, & à chirurgo sic tractentur, ut intro intestinum reuocent, & cum fascia pro more, & arte posita exire prohibeatur. Ex his potionibus utatur.

R̄. Maioris simphiti, momie añ. 3. x. utatur cum uino stiptico ad quantitatem 3. j. omni mane, aut absq; uino, cum glande etiam aluum fluxam teneat, uitet quæ flatuosa sunt, utatur aliquando cassia in iure galinae; ante cibos sumat omni die certum pondus istius pulue

pulueris. R̄. Sanguinis draconis, boli armeni, iaceæ nigrae, momiae, nucis cypressi añ. ʒ. i. anisi, seminis nasturtij torrefacti añ. ʒ. vj. consolidæ maioris & minoris & mediæ, sigilli beatæ Mariæ (quod polygonatum dicitur) añ. ʒ. i. fiat puluis, detur cum uino grosso & sanguineo decoctionis hederæ terrestris & consolidæ regalis. Item puluis ualerianæ ʒ. i. ʒ. ʒ. ualeat mane, & sero cum uino exhibitus. Item puluis radicis scrofulariæ ualet, quæ alio nomine dicitur strangularia. Reliquas species cæteris ætatibus relinquamus. Quare ito ad uniuersalem morborum curam, interim uenio ad pustulas & pruritum infantium, qui laborem nostrum cum laude omnipotentis, & immortalis Dei finient.

Puluis ualerianæ cum uino potus ualet.

h

3

De pruritu aut pustulis, aut exco-
 riatione, & accidentibus cru-
 rum, coxarum & totius
 corporis,

CAPVT XXII.



Puritu inquietantur infantes ma-
 xime, aut pustulis, aut exco-
 riatione, accidētibus & crurum, & co-
 xarum & aliquādo in dorso & in
 toto corpore. Et causa est aliquando corruptio la-
 ctis in se, uel acuitas eius, aut ex corruptione la-
 ctis in stomacho pueri. Et si sunt infantes magis
 adulti, scilicet sumentes cibum, aut à nutrice, aut à
 matre masticatum, uel non masticatum. Ex illis au-
 tem uescicis aut pustulis, quædam sunt quæ sunt ru-
 bæ, quædam citrinæ & uehemētis doloris, quæ-
 dam nigræ: si nigræ sunt, cum febre mortem signifi-
 cāt. Circa autem pustularum, & exco-
 riationis, & etiam scissurarum si quæ sunt, si infans est lactens,
 solummodo cum correctione lactis nutricis aut ma-
 tris. Si autē infans non posset accipere aliquid per
 uiam deglutationis, administrare debemus ea quæ
 habent

habent vim extinguendi acuitatem sanguinis, & etiam cholerae. Laudatur secundum sententiam Rasis decoctio dactylorum, aut ficuum cum aqua fœniculi, ad expellendum acuitatem humorum de centro ad circūferentiam. Et cum materia fuerit extracta ad partes superficiales, balneare ipsum in aqua cocta debemus, in qua sint folia rosarum, & myrti. Cum autem puer extrahitur ab aqua, unge ipsum oleo rosarum: & si uulnera fuerint sicca, cū oleo uiolarum, & si fuerit pruritus infantis ultra septem menses, balnea ipsum in aqua, in qua decoctæ sint uiolæ siccae, & ordeum excorticatū, malua uiscus, & folia cucurbitæ, sed non ungas aliquo unguento: & da nutrici succum fumiterreæ, & mirabolanos citrinos. Si autem acciderent cruribus aliqua ulcera ex urina, pone post balneum amygdalas, uel spodium, aut rosas puluerisatas cum farina ordeï. Secundum sententiam Auicennæ laudatur myrtus, aut puluis eius puluerisatus, & desuper aspersus, aut radix ireos, aut rosæ tritaë, aut ciperi, aut ordeï farina, aut lentium: omnibus puluerisatis simul, aut sigillatim. Isaac inquit, quod si propter salsedinem cruribus acciderit mordicatio,

aut dolor in aliquo loco, superaspargantur farina triticea bene citronisata, uel puluis rosarum non multū subtilis, uel cum subtili puluere dragaganti. Ego autem hoc experientia scio quod oleum rosarum lotum cū aqua rosarū, permixtum cum albumine oui, excoriationi crurum aut coxarum infantium, ex acuitate urinæ, mirabiliter iuuat. Expertus est etiam puluis myrti cum albumine oui, facta unctione locis læsis. Expertum est etiā ut tollatur radix uitis albæ, aut summitates ipsius, & terantur cū sale & superponatur. Experientia autem manifeste scio, quod in pruritu & in scissuris crurum, & coxarum in pueris, imò etiā in iuuenibus, & senibus, præmissa uniuersali purgatione corporis quod unguentum factum ex unguento cerusæ lotæ cū oleo rosarū, & litargirio auri mirabiliter tollit. Sed breue quoddam addere intendo, quod & si parū sit, & minimum, est tamen uirtute amplum, non solū in infantibus lactētibus, & eorū excoriationibus, imò etiam in nutricibus habentibus scissurā extremitatum papillarum, quod est tale. *R.* farine amidi. ʒ. v. aquæ rosarum quantum sufficit ad inspissationem, & fiat linimentum &c.

Nota expertissimū, qđ magis facit ad rem quā eius loquendi modus.

Appendix ultima.

Pustule infantium, exanthemata græce uocantur, & fiunt ob deprauata alimēta, quæ diuersos morbos inducūt, præter has ampullas, quas phlyctenas uocant, humidaq; ulcera bubasticca appellantur. Quare urinam & muriam ob acrimoniam recusemus, quibus tamen usi sunt nō pauci, lauemusq; potius decocto rosarum, aut lentium, & si maiori adstrictione indigerimus, myrtum, aut malicorium addamus, aliquando etiam plantagine illinimus. Item accipe recrementa ferri ex uino, & illinito. Aliud, hordeum cum albumine oui dissoluatur, addito oleo rosaceo, aut myrtino, si uerò eas ampullas, & exanthemata ruptura sequatur, accipe cadmiæ lotæ, æris usti & loti, acaciæ, croci, singulorum. ʒ. i. tragaganthæ. ʒ. ij. tragacantham in aqua diluito, & cum hac, reliqua sumito, ac pastillos conficito, & tempore usus cum aqua senecionis, aut solani adiecto rosaceo illinito, ad ulcus uerò seu meliceridæ, quod à cera & melle nomen accepit, & est alio nomine fauius appellatus, accipe spumæ argenti, baccarum lauri partes æquales cum aceto & oleo mixtas illinito. fiunt nonnunquam intertrigines femorum & cutis & est cum membra, & cutis, acrimonia lotij interteruntur, & confricantur, & uocantur à græcis paratrimata. Quare accipe myrtum tritam siccam, & apponito, aut ligustrum cum rosis, & cypero, aut tragachanta, & ea singula unà trita affectæ parti insperge. Itē, accipe olei rosarum. ʒ. i. thuris candidi. ʒ. i. camphoræ

Reiscizdauvri
na aut muria
pro medica-
mento vice
rū infantū.

Tubercula
hæc melice-
rides dicun-
tur accepto
nomine à ce-
ra & melle.

→ . s. quæ prius aqua rosarum maceretur, ut inde liquefiat, & his colliquantis, unguento exim facto, loca uiciata inungito . in eadem re faciet unguentum ex cerussa, & rubrū, quod est sandalinum, & hæc sint sciat, quæ non sine labore huc attulimus, ut nihil, quod desiderari posset cum ex Latinis, tum ex Græcis nō haberes: neq; erimus his contenti, quæ non plenum numerum morborū, quibus infantes obnoxij sunt, perficiūt: quare hæc addantur.

Additio quorundam morborum de quibus nihil est loquutus autor iste.



STERNUTATIONEM, singultū, spirandi difficultatem, somniorū terrorem, paralysin cum tabe, set macie nō immodica, ablactationē infantis, & eius regimē. præter morbos iā superius descriptos, addamus, ad assiduas ergo sternutationes, & narium destillationes, ocymū tritum, & cribratum naribus apponito, ita, ut per inspirationem attrahatur, aut insufflato, & hæc faciunda sunt, ubi non adest apostema cerebri, sed fit ex alia causa, quod si cum calore incipiat, tunc capiti eius folia portulacæ impone, aut ramenta cucurbitæ mixta cum farina ordei

ordei oleo rosaceo, & uitello oui, & totum capiti impone, oleum etiam rosaceū naribus imposito, aut penna, aut aliqua re tenui, quæ nares minime offendat. Itē ciconie penne in adibus sunt habēdæ, atq; ita fieri nō poterit, ut infantes sternutent bene, etiā naso utriusq; magnos oculorum angulos adiacētes compresseris, & sternutationem cohercebis, arcanū est quoddā naturæ.

Nota de ciconia.

Ad singultum, qui in infantibus ut plurimū à repletionē nō parua fit nauseam & uomitum prouoca, nec à uomitu, spatio trium horarum, aliquid sumat, sed somnum potius prouoca, stomachum etiam inungito oleo mastichino, aut accipe nucē indicā, eāq; tritam, & saccharo temperatam infanti da, si uerò à frigiditytate fit stomachi, oleo laurino, aut anethino, aut cum eius semine trito, & cū succo menthæ calide stomacho superimpone. si uerò à fame & cibi carentia oritur singultus, accipe oleum uiolaceū, aut rosarum cū succo endiuie, aut aliarum herbarum, quæ in frigidandī & humectandī uim habeāt, & temperata cū lacte mulieris, stomacho inunge, & probe, & suauiter & lac bene temperatum, quod erit temperatæ mulieris, necnon alia utilia quæ uires restituant.

De singultu.

Ad spirandi difficultatē (quæ dispnoea dicitur) subleuādā, unā cū spiritu stertēte, accipe seminis lini quātū uoles, idq; cōtere, cōtritū melle tēpera, & subinde infanti dato calidū. Etiā mulsam in os assidue instillato, quod si nō successerit, oleo mediū digitū intingito, & tonsillas illinito. Sed & linguae radicē infra cōprimēs, uomitum excita, ubi euomuerit, confestim sanabitur.

De dispnoea.

quod si morbus ingrauesceret, & præcordia obstruatur, accipe cotum, aut ea semina inuoluta, eaq; contusa cum luteo assato infanti sorbenda dato. Quod si cū difficultate fluxus uentris sequatur, exhibito syrupum myrtinū, coctum cum melle, aut dactylos cum farina tritici cum lacte coctos dato.

De insomnijs
terrorem facientibus.

Insomnia terrifica infantes interdum inquietare solent, quæ ex alimentorum plerūq; abundantia sunt. somnus igitur sic procuretur, principio caueat nutrix, ne infantem statim à cibo cubitum reponat: deinde aliquantum mellis præbe infanti lingendum, quò facilius concoquantur, quæ concoctu difficilia sunt, & ad intestina, & aluum recrementa mittantur: puluerē diamoschi, aut pliris cū masco cum lacte sorbendū dato, aliqui exhibēt theriacā cū lacte, hoc ego nolo præcipere, quod infantibus propter uires nō conueniat.

De paralyfi.

Ad paralyfin unā cum tabe. Primo nutrix firmandā & instruenda est cibis siccis, & qui plurimū calfaciant: à piscibus uerò, & lacte, oleribus & à carne crassa, & suilla prorsum abstineat, nec utatur uino diluto, & infantem priusquam lactetur lauato aqua calida sulphurea, aut ex alijs astringentibus, & deinde oleo castorei, aut costi perungere, accipe etiam cere. ℥. j. euphorbij. ʒ. j. ea subacta, & cum oleo temperata, modo emplastri spinæ infantis impone.

De macie
modica.

Ad modicam uero maciem, utere lauacro ex aqua, in qua caput, & pedes arietis eousq; cocta sint, donec caro ab ossibus sponte abscedat, seseq; ultro offerat, & ex hoc lauacro. quotiens erit abstergendus, abster

abstergatur infans, & sepius diligenterq; à lauacro auferatur. Deinde est ungendus hoc unguento, accipe butyri recentis, olei uiolati, & rosacei singulorum. 3. ij. axungie porci. 3. vj. cere candidæ. 3. iiij. Ea; simul colliquata, refer in unguetũ, & eo utere modo dicto.

Ad febres seu calores immodicos, si ergo febris infanti accidat, officium primum nutricis erit, ijs uesti, que refrigeret, & humectent, deinde hæc infanti dato, succum mali punici, nec acerbum, nec dulcem, sed medium, quem si non habeas, arte illum parabis, id est saccaro, aqua etiam cucurbitæ, & florum uiolarũ, graminis, & portulacæ, aliquando cum saccaro, aliquando simplices exhibeantur. Proderit etiam sudores infanti prouocare, accipe medullam arundinis uiridis cõtusam, & sincipiti, & pedibus illinito, operitoq; ipsum infantem uestibus. Item perunge frontem oleo rosarũ, admixto unguento populeo, cordi uerò epitema apponito, necnon hepati, ex conueniētibus, endiuiæ scilicet, lactuca, hepatica plantagine, & rosis.

Et si uox intercepta fuerit, calore aut alui adstrictione. Quod plerunq; solet euenire, brassicæ succum propinato, aut instillato præcedente glande, quæ ano est supponenda.

Nunc de ablaetatione agamus, qua finem morborũ infantium claudemus initium pueritiæ facientes. Pro si ne igitur infantium, quæ initium pueritiæ est, docendũ est quomodo ablaetandi sunt infantes, & quo tempore. Vbi corpus erit solidum, cibi exhibendi sunt solidiores, & micæ delicatiores, cũ aqua mulsæ, aut uino

Ad febres & calores non modicos,

Arte succus parandus,

Modus sudores prouocandi,

De uoce intercepta,

Pueritia tũc incipit ubi à lacte deficiamus.

mulso, aut lacte, aut uino dulci, inde oua quoq; sorbilia, potandum uerò dabis dilutum uinum. At ubi puer iam solidiorem cibum ingeret, tunc paulatim sensimq; ab uberibus, de suescat, quod si ablaetatus in morbum inciderit, ad lac rursus reducatur, deinde ubi morbus desierit, recreandum corpusculum, & ita denuo ablaetandum: ratio uerò uictus in ablaetatis, hæc est, ablaetati relaxandi, alacriter exercendi, cibi leuiore boniq; succi exhibendi sunt, corpus tamen temperatum ab uini copia abstinere oportet. uinum enim in calidis & humidis tēperaturis, uaporibus caput replet, neq; pueros à potione frigida inhibendos puto, quare optima & electa aqua utantur, inde à septimo anno, ad literas ducendi, præceptoribusq; humanis, & mansuetis tradēdi. Multi enim malis moribus educati, intemperantia, & licentia (quæ multos deteriores reddit) ducti, bonas corrumpūt naturas, sicut rursus, nonnulli uitioso corpore nati, uita prudentiori opportunisq; exercitijs, multa refecerunt, quæ natura deliquerat.

Quare lector amice, in cuius gratiam hæc summis uigilijs à me scripta & notata sunt, boni precor consulas, qui non equidem in iustam de hac re institutionem, sed breuem submanitionem prosecutus sum, sedulo tibi offero. Quod uerò restat, medici muti, qui non nisi uocati sint, sese ingerunt, nostri certe adiutores, plenius, quàm alius quisquàm loquens, negotium corroborabunt, mentem tuam confirmabunt, & scito, tibiq; hoc persuadeas uelim, nihil scriptum esse hic, quod aut Galenum, aut Aetium, aut Aeginetam Paulum

Documentū
nō aspernan-
dum,

Vires uini.

Frigida pue-
ris non inhi-
benda.

Epilogus

Paulum Galeni assecclas non redoleat, neq; eo nomine, & ea affectione operi detrahes, quod omnia sint & Galeni, & aliorum, quorum scripta extant. Nempe non hoc, neq; Galeni, neq; aliorum opus est, instructio muta esse potest, solus ego suadui, iungens Græca Latinis, & Latina Græcis, quorum nunc uicissitudine opus est: si rebus, hominibus, & temporibus inseruire uoluerimus. Sed timo de Arabibus uerbum facere, libenterq; fateri non audeo, ne forte male audiam ab ijs, qui sapientius habent palatum, quàm mentem, an scilicet eorum scripta huc transtulerim? quibus in summa respondeo, me & hic, & alibi nullos neglexisse, qui operam præstare possent, parum aut nihil uerborum contextum curans, neq; à quo diceretur, aut quibus uerbis: sed quid dicatur, etiam si ab Hebræo, Arabe, Græco, aut Latino. Qui omnes iniuriam non faciunt, si suo idiomate, & lingua germana & innata loquantur. An non per omnem terram audita sit uox domini, recepta eius sapientia, spiritusq; ubi ubi non spiret, & sole cum cæteris sideribus, terraq; & mari non utantur omnes quotquot sunt, qui in his tenebris caligant, & palpitant potius, quàm uiuunt? nam flendo, ridendo, letando, tristando, sperando atq; timendo, & dies, & annos ducimus per inanes, futes, irritos motus animæ, atq; affectus: nihil quicquàm (ut plurimi) ad summam rei pertinētes. Quæ imprimis

Hoc, neq; est opus galeni, neq; aliorum fet muta instructio eorū est,

Si tēpori & hominū studio uelimus inseruire opus est ut linguarū professioni studeamus, quod nūc senes medici à iuuenibus aut instructi aut irritati summa operantur sed student quantum uelint nunq̃ peribunt prima uestigia eorum.

Sol ubiq; luget ubiq; spiritus dei spirat.

Peregrinatio nra tota hæc quæ à Budgō in transitu, christiane descripta est,

Lege quid
à Rhomanis
in græcos scri-
ptum sit.

Linguae græ-
corū in artē
nō redigun-
tur.

Pauci fuerūt
latini linguae
græcæ stu-
diosi absq;
pœnitētia co-
mite.

Budæus fe-
nix & gloria
non gallorū
modo set &
oim latino-
rū. i. qui sub
imperio ro-
mano sunt.
Pœnitētia
iūcta gaudio.

Manardus
sæpe à gale-
no deficit.
Audi Ianū
cornariū.

in uita accuranda est. Cæterum, non omittendum ui-
deo, quid aliquando à Rhomanis scriptum sit in men-
daces Græcos, uanos, & iactabundos præ multitudine
inutiles. Bonum inquit Cato Rhomanus, literas Græco-
rum inspicere, sed non p̄discere. Quandocūq; gens
istā suas literas dabit, omnia corrumpet, tūc etiam ma-
gis, si medicos suos huc mittat, iurarunt inter se barba-
ros omnes necare medicina. hætenus Marc. Cato. &
nos Barbaros dictitant, sed plus una nostra sola facit
lingua, equidē inops, ut ipsi uolūt, quā corū quinq;
confusæ & inordinatæ, quas in artem uix unquam redi-
gas. porrò, quo paulo ulterius prospicio, & progre-
dior scripta eorū, qui non citra affectū, linguam Græ-
cam sunt amplexati, eo magis, atq; magis cogor eam
cuius (citra neglectū linguae nostræ) auditor fui, dete-
stari, quòd nulli absq; comite pœnitentia, quæ misero-
rum, & inconsultorum est comes, eius linguae fuerunt
affectatores, & laudatores, atq; admiratores, quo-
rum ego huc exempla asseram, primo de his qui in no-
stra sunt memoria, demū aliorum, quorum monumen-
ta extant.

An non Budæus, quem fenicem, & gloriā, Gallorū
placet appellare, iam transitum suum publicauit,
quem sine pœnitētia, unā cum gaudio, quod suis forte
restitueretur, non existimo scriptum: neq; potuit non
aperire, quod latuerat diu in corde. Manardus etiā
nostras, an Galenum non sit detestatus, quod unum-
quenq; à pharmaco, præter mentem Hippocratis, in
morbo laterali terruerit, Ianum Cornariū optimū in-
terpre

terpretem interim audiamus Aetium Galeno præf-
rentē his uerbis, Aetius, inquit, omnia quæ ex Galeno
transcripsit, maiore luce, & potioribus uerbis tradi-
dit: & (ut uno uerbo dicam) magis ἀκτικός. Cum Ga-
lenus ut Asianus, in plerisque penitus ut superfluis
conspiciatur: aliquando etiam, præter rem, quedam
adhibeat, quorum ipse quoque ueniam lectorem depre-
catur. hæc Cornarius. Multi sunt præterea, qui quā-
tumuis Græcis addicti, sine Arabibus operam suā nō
perficiunt, uix unum aut alterum uerbum proferrent,
leuissimoque morbo mederi possent, absque uno aut Ra-
se, aut Mesue, aut Auicenna: quod sexcentis ego tes-
tibus idoneis sum probaturus. Squirenius etiam præ-
ceptor meus Archiatros, nō Aquitanie modo, set &
Galliarum, cuius ego uerbum non facio sine admira-
tione & laude: quod ignorantiam antiquam, nullo
præceptore præeunte, exuerit, quam iam imbiberat,
nec adhuc renascētibz melioribus literis. Quique hoc
anno, frequenti auditorio, quando de constitutione ar-
tis medicæ Græce publice enarrasset, & ad praxin,
seu exercitationem artis multi accelerarent, & iter
cōstituiſſent: neque eo insalutato & incōsulto, postea-
quam uale dixisset, hoc pro ultima linea, & tutore tu-
tissimo, ac defensore, inquit, tenete, ne absque Mesue
Arabe, aut Gordonio, aut Rase artem exerceatis: hi
enim uos morbos omnes curare docebunt. A Galeno
uerò retinete præcepta artis, argutas confutationes,
ornatum dicendi, corporis constitutionem, omnium
partium usum, & affectus: Antidota uerò nequaquā,

quid de Ga-
leno dicat in
pœmio Ae-
tij cuius est
interpres,

Nota hæc,

Squirenius
prælector Re-
gius uiriusque
linguæ peri-
tus qui senū
medicorum
est repurga-
tor, & instau-
rator medici-
næ apud Ag-
tanos, hoc est
in scholis nō
firis publicis
que sūt Mōs
peſſuli.

Quid sit à
Galeni lecti-
one reportā-
dum.

Galenus nō
nouit An-
dotorum no-
strorū bonā
partem,

Catalogus
eorū quæ ad
tempora Ga-
leni non per-
uenere.

Afini volan-
tes sunt me-
dici q libel-
lis quibusdā
se foro parāt
instar nego-
tiorum.

Digressionis
excusatio.

Lege Alexi-
dri respōsum
Christiano
dignum.

quòd eorum bonam partem non nouerit, quibus uti
solemus: non nouit rhabarbarum nostrum, mannam,
moschum, saccarum, cassiam, iubetum, agaricum no-
strum, syrupos (quos potiones antiqui uocabāt) aquā
uite, destillationem aquarum, uarias catapotiorum cō-
positiones, quæ sunt in officinis: neque dubito quòd si
Galenus ab inferis reuocaretur, potius quàm à cœle-
stibus, quin artis expertus censeretur ab unoquoq; imò
ipse potius se in asinū uersum ingenue fateretur. Neq;
ille esset Galenus, quem Deum medicorū extollimus
& admiramur, propter tot remediorū luxuriem, tot
artis portentosas ostentationes, tot hominū illam fal-
so profitentium fastus, & illecebras, qui quasi se in-
star publicarum mulierum foro & uēditioni parant,
& constituunt. Itaque in hac artium sola euenit, ut
cuicunq; medicum se profitenti statim credatur, quum
sit periculum in nullo mendacio maius. Set de his sa-
tis, quæ pluribus uerbis forte, quàm oportuit, scripsi-
mus. Set ab interpretatione ad admonitionem non in-
iuria sum euagatus: interim tamen, tu lector beneuole
& studiose, cui hac omnia transferre non potui. Neq;
in hoc laborem suscepi, set breui cōpendio, quicquid
ad hanc rem faciebat, perstringere studij, apophthe-
gma Alexandri suscipe, quo mentem illustres. Quo-
niam igitur hominum multitudinem bifariam parti-
uissim, in Græcos, & Barbaros: Alexandrum commo-
nes faciebant, ut Græcis quidem sicut amicis, barbaris
autem sicut hostibus uteretur. Satius esset, inquit Ale-
xander, hæc uirtute, atque malicia diuidi: complures
enim

enim Græcos malos esse, & Barbaros urbanos, sicut Indos, & Arianos, Romanos etiam, & Carthaginien-
ses respublicas permirifice tractantes. Quapropter
tanti uiri consilium sequuti, monitoribus relictis, Dei
immortalis simus potius, quàm hominū, à quibus mul-
ti cecutientes, exilium, incendium, & tormenta pa-
tiuntur. Neq; nos Galenus, aut Auicenna, aut quiuis
alius mentem nostram superet: mortales enim omnes
fuerunt, rudes adhuc, & iuuenes necesse est ut ducamur,
aliquando etiam toties ducti, cibo solidiori, reli-
cta infantia, mentem, & cor pungamus, & aperietur
nobis uitæ thesaurus, neque faciendi libros plures ul-
lus est finis: frequensq; meditatio, afflictio carnis
est. Quare Deum time, & mandata eius observa, &
eris certe omnis homo: nam adducit in iudicium cun-
cta, quæ sunt sub cælo Deus. Quare uale lector, &
luci ueræ, & æternæ habe gratias, si aliqua dicta sint,
quæ tibi satisfaciant, quæ suo radio nos hic in tenebris
illustrat. Si minus imbecillitati meæ adscribito potius
quàm uolūtati, quæ recta erat, ut & me, & artem, ne
aliquo in loco manca esset, illustraret. Vale.

Oportet nos
esse Dei &
nō hominū.

Oribasius,
Galenus, Ari-
stoteles & ce-
teri id genus
homines, ru-
des, neque
quæ dei sunt
capaces fue-
runt.

Breuis epilo-
gus quo ad
Deū immor-
talem omnia
dirigimus.

Illustrissimo Do.

GVLIELMO ARSAGO APVD

Viennenses Allobrogas Primario Propre-

tori Petrus Toletus professione

Medicus, Salutem dicit

perpetuam.



VVM NOSTRI, ET LI

terarum es amantiſſimus, uir omni
bus ornamentis Prætoris clariſſi-
me, & omnibus modis magne, non

uanae gloriæ cupiditate illectus, ſet tantum tui no-
minis ſtudio, & uitæ longioris conſtitutione affe-
ctus, quæ ſecūdum Deum, ab arcanis artis diuinæ,
potius quàm apollinæ, paratur & acquiritur, cu-
iusq; artifices medici appellantur, tibi ſtudui, &
tandem tua cauſa omnibus uitam cum ſenio (hoc
eſt rude donatis) finire cupientibus, hunc libellū
de prandi, & cœnæ portione Odi de Odis Pata-
uini, medici doctiſſimi, cum paraſtaſi noſtra dare
& deuouere: tibi enim iure debeo, quicquid opera
noſtra facere poteſt. Neque aliquid omiſſum inue-

Vita cibaria
medico pro
gatur.

Itali in lite-
ris senescētes,

nias, quod faciat ad uitæ (quæ à cibus pendet) in-
stitutum. Hoc igitur voluntatis indicium potius,
quàm librum aspice, quem diu negauerant Itali in
literis senescētes, aut à priuilegio (ui uocant) sec
melius dixeris à mala libertate, quæ seruitutem
adfert, aut ab impetu furente bellorum, quo tolli-
tur hominum consuetudo, & Dei æterni fabrica-
tur ira: nam uerè iræ domini fabri sumus. Hunc igi-
tur prætor æquissime accipe, ut inde tollatur o-
mnium obloquutorum sermo inanis & stultus, qui
nigra illecebris orationis fucatæ candidat, & ma-
le dealbat. Sed sit finis, ne hominum flagitia prose-
quendo (quibus continuo in lachrymas soluo) in
uolumen transeat epistola. Vale. Tui erit
candoris boni consulere nostram ani-

mi uoluntatem. E Lugduno

apud Germanū à Ro-

sa, X. Calend.

Decemb.

M. D. XXXVII.

ODI DE ODIS
PATAVINI, PHY-
SICI AC MEDICI,
de Coenæ & Prandij
portione Libri
Duo,

Cui facta est accessio non parua ex Paraftasi
PETRI TOLETI Doctoris Medici,
ad Illustriſſimum Prætozem
Guilielmum Arſagum.



ODVS DE ODIS

PATAVINVS PHYSICVS,

ac medicus, Marino Georgio,

Marco Minio, Gaspari Con-

tarenō Gymnasij Pa-

tauini Instauratori-

bus optime meri-

tis Salutem

dicit.



VM MECVM SAEPE

animo repeterem viri clarissimi,

Quod licet idem, qui olim, nunc

mūdus sit, neq; Solis circuitus in-

uersus, nec ulla aliarum stellarum,

sive fixarum, sive errantium, nec dierum ordinis mu-

tatio facta sit, Tamen perquam raro hisce temporibus

quempiā nasci cernimus, qui ad bonas artes per-

discendas, in quibus priscis temporibus claruisse li-

quido constat, aptus esse uideatur, eoque neminem

amplius talem euadere, qualem, uel Phidiam inter

statuarios, uel Apellem inter pictores, uel Platonē

atq; Aristotelem inter philosophos, uel Hippocra-

tem, ac Galenū inter medicos euasisse uidemus, Id

inquam

inquam, non potui non uehemēter admirari, quum
præsertim ad bonas artes aditus nunc nobis faci-
lior sit, quando quidem, quæ antiqui longo tempo-
re assiduis uigilijs, & laboribus parta monumentis
mandarunt, breuiore nos tempore perdiscere uale-
mus. Atque quum huius ego rei causam inuestiga-
rem, id mihi tandem succurrit, quod plerisque in lo-
cis Galenus affirmat, ex recta uidelicet cibi, po-
tusq; ratione non bonam modò gigni corporis tem-
peraturam, sed etiam animum reddi præstantiorē,
ex praua autem & prauam corporis gigni tempe-
raturā, & bonos animi mores corrumpi, mentemq;
à proprio distrahi munere. Quum itaque antiquo-
rum illorum felicissimo seculo rectam uiuendi ra-
tionem sibi homines instituisent, ut bonam corpo-
ris temperiem, ita bonos animi mores sibi compa-
rarūt. Proinde non pauci extitere, qui eatenus for-
tunæ bona expetenda esse iudicantes, quatenus ad
suppeditandum corporis necessitatibus satis esse
existimauerant, nullis pepercerunt laboribus, ut in
bonis artibus excellerent. At his temporibus, ut
ab illa prisca uictus ratione homines diuerterunt,
ita quantum ab ea discessere, tantum in animi mo-

ribus facta est commutatio. Quare bonis artibus neglectis nunc ut ditentur, seseq; cibo, ac potu ingurgitēt, & ueneri, ac omnibus deniq; flagitijs, gulæq; inseruiant, sollicitos esse conspiciamus. quod si quis aliquā artem discere inceperit, neq; tantū perferre poterit, ut ad propriū artis finē perueniat, ueritus ne alij citius ditētur, quā ipse in arte illa consumatus esse possit. Neq; enim homines nūc uirtutis amore ducti, & ut alijs opitulētur artes sibi discēdas proponūt, Sed ut tametsi forte fortuna diuites sunt, adhuc ditiores efficiātur. Itaq; hac de causa existimaui paucos nunc tales esse, quales ueteres illi non pauci extitere. Quare quū ostendere cupere, communē nunc uiuēdirationē ab illa uetere, & recta non parū declinasse, id ex prādijs, cœnæq; ratione mutata uno opusculo declarare constitui, ut inde possit unusquisq; in cæteris quāta facta sit commutatio iudiciū facere. Quod opusculū in duo perquā breuia diuisum uolumina his longioribus noctibus elucubraui, quod ab Oratio admonitus, qui ne præcipitetur editio iubet, mecū intra priuatos parietes per diu continere statueram, ut refrigerato tandem inuentionis amore tanquam aliena legens acrius

acrius iudicium adhiberem, seueriusq; rem uniuer-
sam perpenderem. Sed à certa me sententia amico-
rum studia auerterunt, qui editionem hanc conten-
dere à me nunquam desuere, quoad in suam me, qui
longe aliter sentiebam, traxere sententiam, atq; eā
in primis afferebant rationem, quam obrem opuscu-
lum hoc quā primum publicum facere deberem,
quod opinio illa falsa profectò de cenā, & pran-
dij portione, quæ in hominum animis per multa se-
cula insedit, atq; inueterauit, non minus ad hāc diē
detrimenti mortalibus attulerit, quā hæc, quam
non ex nostra officina, sed ex antiquorū sacrarijs
uetustatis sordibus obscuram produximus, emolumē-
ti sit allatura. Quare, tum ut hominibus mei aman-
tissimis morem gererem, tum ut communi omniū sa-
luti consulerem, elucubratiunculam hāc grauissimo-
rum hominum autoritatibus munitam, ductu, auspi-
cijsq; uestris in aciem eduxi. uideo enim quantas
omnium fere medicorū in me pugnās concitē. Sed
quum studeā placere bonis, quā plurimis, ut Terē-
tianis utar uerbis, totus ex grauissimo, acerrimoq;
iudicio uestro pendeo, uiri doctissimi, quorum tute-
læ ueluti numinis cuiusdam optimarum artium stu-

dia patres publico decreto merito commendarunt.
 Quod si hoc quicquid est, quod quasi specimen
 quoddam emisi (tutius est enim in parte, quam
 in toto periclitari) à uobis probari intelligā,

Ex uestro iudicio duntaxat uigiliarum
 mearum uidebor mihi amplissimum
 præmium consecutus, Daboq; ope-
 ram, ut perfectiora elaboratio-
 raq; deinceps à nobis in pu-
 blicum prodeant. Vale-

te, meq; uobis de-
 ditissimum
 fouete.

Odi de Odis Pa

tauini Phylfici, ac Medici,

De Coenæ & Prandij

Portione,

LIBER I.



QVONIAM totius corporis nutritio non sine noxa efficitur, nisi, quæ extrinsecus ingeruntur, recta ratione administrantur: ut autem recte administrari possint, quantitas spectari, & tempus idoneum deli-

gere oportet, quo ea sunt exhibenda: in quo censeo recentiorum plurimi non modò ægris, sed etiam sanis præcipientes, ut parcius quidem cœnent, uberius autē prandeant, non parum in utrisq; aberrare: tum ut illis morem geram, qui sepe me aliàs, & nunc hortantur, ut hoc onus suscipiam: tum ut alijs omnibus, & posteritati aliquid prosum (quippe fortasse dabo saltē alijs in hac re quippiam scribendi occasionem) statui hoc libello demonstrare, & sanis, & ægris (nōnullos tamē excipiam) melius esse in cœna plus cibi, quàm in prandio sumere. Quod uerò alia quidē corporibus optimā

temperaturam seruantibus alimenta conueniant, alia
 calidis, alia frigidis, alia humidis, alia siccis, necnon
 alia, atq; alia, aliam, & aliam compositam habentibus
 temperaturam: præterea alia laxiorem, alia densiore
 corporis texturam, alia æqualem, alia inæqualem to-
 tius corporis statum seruantibus, quæ rursus nemo infi-
 ciabitur alia, atq; alia esse debere iuxta triplicem to-
 tius corporis inæqualitatem, quam Gal. v. 1. de tuē. san.
 explicauit, & pleraq; alia pro recta salubris uictus
 ratione seruanda, quæ longum esset recensere, is per-
 quirat, qui ea perdiscere cōcupiscit, apud Gal. in lib.
 de san. tuen. & in eo libro, qui de dis. cōti. inscribitur,
 tametsi non constat illum inter legitimos Gal. libros
 esse enumerādum, apud Celsum in primo lib. de re me-
 dica, apud Rasim in quarto ad Alman. apud Haliab.
 in primo Prac. apud Aui. in tertia primi, & secunda
 canti. apud Auer. in eadem secunda canti. & sexto col-
 li. de his enim pertractare non est præsentis negotij.
 Verum ut hæc disceptatio, quæ in præsentia est ineun-
 da, ordine procedat, quædam prius sumam, quæ inter
 eos, qui præcipui in medicina habentur, cōuenire ostē-
 dam, deinde ad id pertransibo, quod ostendere consti-
 tui. hac enim ratione nō solum Aristot. sed etiam Gal.
 in primo Metho. Med. uolumine docet demonstratio-
 nes nos moliri oportere. Rem itaq; aggrediar, ubi eos
 rogauero, qui hunc librum legere decreuerint, ut totū
 perlegant, ac omnia diligenter examinent, prius quàm
 de ipso, aut ipsius authore sententiam ferant. Sed pu-
 to me facturum operæ pretium, si in primis reseraue-

ro, quid hominem coegerit extrinsecus cibos ingerere, quaq; ratioe fiat totius corporis nutritio: neq; enim ad ea, quae declaranda sunt, id erit inutile. Humanum itaq; corpus ex humida constare substantia, quae caloris actioe, tum naturalis, tum aeris continentis iugiter effluit, & ob id cibo, potuq; indigere, ut quod effluxit è corpore resarciatur: erit unicuiq; abunde manifestũ, qui primum Gal. librum de san. tu. & decimiquarti Aphorismi primae parti. expositionem perlegerit: uerum quonia unaquaeq; corporis particula dissoluti loco nõ nisi, quod sibi perquam simile est, admittit: quãdo, quod effluit, tale natura est, quale quod seruatum est: quae autem ingeruntur, talia non sunt: ob id ea cõficeri natura cogitur, ut cõueniẽtẽ mẽbris similitudinẽ, quoad fieri potest, cibis cõparet: quod ut optime fiat, cuilibet corporis particulae cõnatas ei facultates natura tribuit, quibus quum particula inanis redditur, & quid magis sibi est affine attrahat, & certo tẽpore cõtineat, & alteret ad sibi simile, ac sibi appositũ cõglutinet, assimilẽtq;, necnon & excremẽta, quorũ necesse est generationẽ subsequi, expellat, uel quod ei superest alijs propellat: quũ uerò tota hæc actio naturalis sit, animalibus, & plantis cõmunis est. Quonia autẽ, ut docet Gal. quarto de Symp. causis, cap. septimo, & quarto de usu partiũ, cap. septimo, stirpibus (quia terrae affixae sunt) terra ipsa cibi prõptuariũ praeesto est, ex qua radices necessitatis tẽpore cibum facile præripiunt: præsertim quoad anni tempora propria sibi seruant temperaturam: propterea sensu nõ indigent, quo

propriam inanitionem sentiant: Animalia uerò, utpo-
 te quæ (paucis exceptis) terræ nō resident: quādoqui-
 dem eis, & uoluntarie secundum locū moueri, & sub-
 stantiam longe magis à terra distantem, atq; illa plan-
 tarum natura concessit: huiusmodi sensui magis obno-
 xia esse necesse est: ut eodem tempore, quo indigentia
 sentiant, familiarem sibi cibum & querant, & ad sa-
 tietatem ingerant. Verum, quum corporis particule
 cuti subditæ à uicinioribus sibi partibus trahant ali-
 mentum, mox & illæ ex sibi propinquioribus, hæ rur-
 sus ex alijs sibi uicinioribus, & ita ex propinqui-
 bus partibus ordine quodam facta semper attractio-
 ne, donec actio ad uentriculum terminetur, omnes cor-
 poris partes ex uentre, perinde ac plantæ ex terra, ci-
 bum eliciant: non magis eo ipso sensu, quo penuriam
 sentiant: atq; ipsæ stirpes indigent: At solus uentri-
 culus, ut cui deest, unde cibum attrahat, per duos nō exi-
 les neruos à cerebro ad ipsius osculum demissos, illam
 iure facultatem admittit: ut ea ipsius succionem à ue-
 nis ex eo succum ueluti emulgentibus factam animal
 percipiens, eum ipsum uentriculum ad satietatem ci-
 bis impleat: quos uentriculus circumplectens, & un-
 dequaq; (ubi integram sanitatem seruet) arcte com-
 prehensens non ad eum finem conficit, ut Gal. docet
 tertio uirtu. natu. cap. xij. ut eos alijs membris aptos
 efficiat: quando sic non naturale foret instrumentum:
 sed quoddā animal potius ratione, atq; intellectu præ-
 ditum, quod eligendi melius haberet facultatem: sed
 ut eis perfruatur, atq; non solum ea, quam recentiorū
 pluri

plurimi qualitatiuā appellant, sed uera nutritione nutritur, ut unusquisq; ex Gal. in xviii. aphori. secundæ par. expositione, & in calce quarti uoluminis de san. tuen. libroq; tertio de potentijs natu. cap. vij. & xiiij. facile percipiet. neq; enim qualitatiua tantūmodo, sed uera nutritione id nutrit: quippe quod ei, quod nutritur, & apponitur, & unitur, & assimilatur: qua ratione uenterculum ex eo quem chylum recentiores appellant, nutriri, cum alijs prædictis in locis Gal. innuit, tam tertio de poten. natu. cap. xiiij. allegato apertissime proficitur, sed de hoc differere non est præsentis instituti. Confecto itaque in ipso uentriculo alimento pauloantè ingesto, & ad satietatem appposito, nonnihil etiā ex ipso ad hepar delato, quod in prima illius temporis efficitur portione, quo fit omnis alimenti dispensatio (illud enim Gal. loco superius adducto in tres diuidit portiones) quoniam uētriculus, quicquid superest, loco oneris habet: id igitur tanquam superfluum excernens inferius ad intestina propellit: atque in secunda temporis portione alimenti plurimum intestina pertranseuntis ad iecur per uenas rapitur, parū uerò per totum fertur corpus, intestinorumq; tunicis fit alimēti appositio: & simili modo in hepate coctio ne peracta eidem hepati alimentum ad satietatem apponitur, idq; uentriculo unitur, quod in primo tempore erat eidem appositū: dein iecur, quod superest, ad cauam uenam expellit, atq; in tertia eiusdē temporis portione ipsius alimēti cōcoctio in uenis agitur: fitq; per totum corpus alimenti distributio, & unicuique

parti illius appositio, quod utpote sibi magis affine attrahit: quo tempore, quæ intestinis, & hepati erāt apposita, uniuntur: nutritur autē uētriculus, quū iam integre assimilauerit, quæ prius sibi unierat. Quibus peractis, excrementisq; depositis, ac uniuerso denique corpore ab omnibus superfluitatibus depurgato, iam tempus aderit, uentriculo nouum cibum appetēti de-
 nuo nutrimentum ingerere, ut Galeno placuit ter-
 tio de poten. naturalib. capite decimotertio allegato,
 & Auerrois sexto Col. capite sexto, atque Haliabas
 primo prac. capite sexto, quare illo ingesto, quo tem-
 pore uentriculus rursus concoquit, atq; ad satietatem
 illius alimenti depascitur humiditatē, & illa perfrui-
 tur: intestina, & iecur, quod ex priori alimēto unie-
 rant, sibi integrē assimilabunt: in omnibus autē corpo-
 ris partibus eorū fiet unio, quæ prius fuerāt apposita:
 ubi uerō uentriculus ad unionē cōuersus, quod sibi su-
 pererat, inferius propulerit: tum hepar & intestina,
 quæ operi priori ultimā manū proximē imposuerāt,
 quæq; omnisfariam quietē ab omni prorsus operatione
 nutritioni deputata nō admittūt: quādo (ut dictū est)
 eorum substātia cōtinue effluat, rursus alimentū ad se
 transmissum alterabunt, ac sibi ad satietatē apponēt:
 interim autē, quod in priori tempore uniuerso corpo-
 ri uniri dicebatur, assimilabitur: quare unaquæq; cor-
 poris particula ex eo rursus alimēto, quod hepar unā
 cum intestinis ad unionē cōuersum ad uenas tanquam
 superfluū reijciat, quod est sibi magis familiare attra-
 het, eiusq; perfruetur humiditate. Si igitur rursus post
 hæc

hæc tertiam animal cibationem sumpserit, eodem modo quasi per manus tradita, sicut proximè dictum est, sine ulla penitus noxa nutritio procedet: quandoquidem nulla erit actio alteri actioni impedimento: ubi enim tum uenter, tum hepar & intestina, tum uniuersum corpus nouum suscipient alimentum: ad eius, quod hoc præcesserat, integram confectionem nihil actionis supererit. Quòd si quis hanc cibandi rationem neglexerit: horum alterum necessariò eueniet: quippe aut ab aliquo dictorum operum naturalis facultas auertetur: si, antequam prædicta omnia peracta sint, cibus denuò ingestus fuerit, aut noxijs humoribus uentriculus replebitur: si diutius, quàm par est, in mediam perpeti coactus fuerit: quorum utrunque summopere cauendum est. Septimo enim meth. Med. cap. vj. scripsit Gal. rationabile esse, priorem cibationem tantam exhiberi, quanta, prius quàm secunda sumatur, tota prorsus concoqui possit. Et in libello de dissol. conti. cap. primo, scribitur: Secundum cibum ante integram prioris confectionem ingestum esse in causa, ut & ipse, & quod prioris reliquum est, corrumpatur. Auicenna quoque tertia primi, Doc. secunda, ca. vij. inquit: Quod enim in corpore est deterius, est nutriens. (Sic enim ipse loquitur) super nutriens, quod non est digestum, mittere. Præterea in tertio de pot. nat. cap. xij. sæpe citato scripsit Gal. quòd si uenter appposito, unito, atque assimilato nutrimento, ieiunus cogatur permanere ex his, quæ in mesenterio, & hepate uenis sunt, nutrimentum attrahet: nõ quidē quod iam propriæ hepatis

carni, & unicuiq; uasorum, quæ in ipso sunt, appositū
 est: multoq; minus quod iam est unitum, uel etiam assi-
 milatum. Sed in uenarum concavitatibus contenta ar-
 ripiet, & ea præsertim, quæ aut sunt excrementa eo-
 rū, quæ in iocinore genita sunt, aut sunt hepatis super-
 uacanea, quibus cupit iecur exonerari: nec non & ex
 liene, atq; alijs particulis, & præcipue propinqui-
 bus superfluitates eruet, quæ facilius trahi queunt, ut
 pote partibus, quod est sibi magis affine arte cōpre-
 hendentibus, expultrice uerò facultate, quod eis est
 inutile, aut superest, expellente. Et Auic. tertia primi
 doc. secunda, ca. vij. post uerba, quæ eadē ferè a Rasi
 in iiij. ad Alman. cap. iiij. mutuatus est, subintulit: To-
 lerare famem (hæc enim sunt eius uerba) stomachum
 putridis replet humoribus. Eadē sententia ex Haliab.
 colligitur primo Prac. cap. vj. Ex ijs, inquam satis ma-
 nifestum esse arbitror, secundam cibationem, antequā
 prior tota sit confecta, non esse suggerendam, nec uen-
 triculum esse cogendum, ut, quum cibum appetit, diu
 ieiunus permaneat: quod unum est ex his, quæ sumēda
 sunt. Alterum est, quod sine noxa sumi non potest ma-
 ior, minor'ue alimentorū quantitas, quā calor natu-
 ralis potest peruincere. Quippe quum calor natura-
 lis, quoniam (ut dictum est) continue effluit, sanguine
 instauretur, quemadmodum flamma oleo, aut lignis,
 ut in libello de uti. res. cap. iiij. Gal. placuit, & in prin-
 cipio libelli de iuuu. anhel. Galeno attributi scribi-
 tur, ut flammam debilitari, & demum extinguere oleo,
 lignisq; deficientibus necesse est: ita in sanguinis defe-
 ctu ca

Et calor naturali eueniet: quoniam autem ex cibis in uentre confectis sanguis generatur: quantoq; calor maior est, tanto maior est quoque eius effluxus: igitur qui calorem in sua magnitudine conseruare uoluerit: tantum cibi erit opus assumat, quantum possit calor concoquere. Sic enim nec quantitate alimenti calor suffocabitur, nec eiusdem paucitate deficiet: quorum alterum omnino contingere, ubi, quæ debet, cibi quantitas non exhibetur, scripsit Gal. in secundo de mor. causis, cap. iij. in hunc modum, Alimentorum autem ipsius uel abundantia, uel defectus, aut aliena qualitas ad hunc illi modum officit. Magna quidem lignorum strues, si cõfertim exiguae flammæ iniiciatur, ob immodicæ quantitatis excessum eã suffocabit: at, si nulla penitus aut pauca admodum ligna suppeditaueris: tabescere flammam uidebis, idq; ob alimenti defectum, uel paucitatem: sic lucernæ flammam & minui, & ferè extingui uidemus, ubi proprium ipsius alimētum à iusto modo aberrauerit: siue enim nimis parce oleū adhibeas, siue affatim plurimum infundas, noxam non uitabis &c. Insuper ubi plus cibi ingestum sit, quàm calor possit peruincere, quòd mali generabuntur succi, ita est manifestum, ut nulla declaratione indigeat: qui uero id cupit apud autores perquirere, legat Gal. in ij. de mor. causis, cap. iij. & in vj. de symp. causis, ca. j. Rasim in iij. ad Almanforem cap. iij. Haliab. primo Prac. cap. vj. Auicen. iij. pri. doc. ij. cap. vij. illud tantum dixisse sufficiat, quod Gal. scripsit in ij. de mor. causis, cap. iij. Optimi quidē succi cibum, & qui plurimum ali-

menti præbere potest, si animanti immoderatus ing-
 ratur, frigidos morbos excitare: quod etiã eodẽ in lo-
 co scripsit posse ex uino cõtingere immoderatus sum-
 pto: quod quidẽ, quum alimentum sit ualde familiare,
 modice sumptũ naturalẽ calorẽ augere potest. Quod
 uero minore, quàm sibi cõueniat cibi quãtitate calor
 naturalis debilitetur, ex Hippocrate colligi potest
 xiiij. & xv. aphori. primæ parti. in cuius aphorismi
 xv. expositione Gal. causam inuestigans, cur calorem
 naturalem hyberno tempore pluribus egere alimentis
 Hippocra. dixerit: scripsit, quòd nisi hic abundans ha-
 beat, quo fruatur, alimẽtum primo ipse à circũstante
 frigore superabitur, tam ab eo, q̃ extrinsecus ingruit,
 quàm ab illo, qui per inspirationẽ attrahitur: cũ ipso
 uero & coctio ciborum debilitabitur, & optimi san-
 guinis generatio, & partiũ animalis enutritio, & su-
 persuitatũ expulsio. In fine quoq; eius expositionis
 repetẽs oportere alimentũ quãtitati caloris naturalis
 æquari, illos excipiebat, qui ueris tẽpore sanguinis in-
 digent missione, in quibus timor est, ne ambiẽtis aëris
 qualitate nimis extendatur, atq; diffundatur sanguis.
 Haliab. quoq; primo Prac. cap. vj. ualentius alimentũ
 multo calori, ac robusto, leuius autẽ paruo, & debili
 suppeditare fas esse, exemplo declarauit, inquit, ma-
 ximum ignem multis ac ualẽtioribus lignis augeri, &
 quodammodo nutriri, cui si paruũ, ac debile lignum
 ut palea iniiciatur, statim absumitur: propter quod
 ignis aut minor, & debiliior sit, aut extinguitur: quare
 Gal. vij. meth. Med. cap. vj. consumptorum renutri-
 toriam

toriam, reſectoriamq; uictus rationē docens ait, quòd quanto hi meliores efficiuntur, tanto tum plures, tum ualentiores cibi, quàm prius exhibendi ſunt. Facile quoq; id elici poteſt primo de alimen. ſacu. ca. j. & ij. Sic itaq; conſtat, alimenti quantitatem pro portione quantitatis caloris naturalis eſſe oportere: quare prudentem medicum ſumma ope niti decet, ut eum non lateat, quo magis tempore calor naturalis ad cibos cōficiendos fortior eſt. Quod nimirum non ignorabit, ſi ſciuerit calorem naturalem, tum ſomno, tum aëris cōtinentis frigidityte augeri, reddiq; ad ciborum coctio nem ualidiorē. Quippe, quum naturalis calor in ſomno ad internas partes ſecedat, ad naturalia quidem munera obeunda potentior, ad animalia uero imbecillior reddetur: cōtra uero in uigilia, ut in iij. de ſymp. cauſis, cap. viij. Galen. his uerbis manifeſtauit. Præterea neminem latet, ſenſus per ſomnos, aut ocioſos omnino eſſe, aut debilitate agere: conſentaneum itaq; eſt, exiguan quandam à principe parte facultatem, tum deſluere. quod enim quis uel profunde, uel minus profunde dormit, ex eo eſt (ut quotidie dicere ſolemus) quod aut plus, aut minus affluit, quippe tãto minus affluere par eſt, quãto grauior fuerit ſomnus. itaq; toto hoc tempore, quo quis dormit, animalis facultas quieſcere, naturalis uero ualidius agere uidetur &c. Et in tertio, de cauſis pulſuū, quod uolumē ab his, qui illud tranſtulerūt, expoſitio introductorij pulſuū inſcriptum eſt. Gal. cauſam reddens, cur pulſus in ſomni initio debiliores fiant, & tardiores, atq; rariores, poſt

modum uero maiores, & uehementiores: scripsit id effici, quia calor cogens se ad interiora cibū inuenit conficiendū, & ut eū peruincat laborat: quo fit, ut quoad illum superauerit, imbecillior uideatur: qui adeptus uictoriam, & ualidior redditur, & pulsus maiores, ac uehementiores operatur. Insuper Auer. in prima cāti. cōme. cxxxviiij. & cōme. xl. secundæ eiusdem rationē assignans, cur in somno melius cibi cōficiantur, id fieri inquit, quoniam uirtus concoctrix tunc in alimēti cōctione duplici utitur calore, proprio scilicet ac eo qui, prius quā ad interna secederet, uirtutibus animalibus deserviebat. Itidem ex Haliab. v. Theo. cap. xxxv. & ex Auic. secūda primi, doc. secūda, sum. prima cap. xiiij. & doc. tertia, sum. secūda, cap. xij. & tertia primi doc. secūda, cap. ix. & in prima canti. tex. cxxxviiij. unusquisq; id potest perdiscere. Insuper Aristoteles in libello de som. & uig. uolēs ostēdere, quod ea, quæ nutriuntur (sentiant alij quicquid uelint) sensu nō indigent, ut nutriantur, scripsit sensum habētia tum maxime nutriri, quando secundū sensum nō operantur. Et Themistius in illius libelli paraphrasi cap. v. quū dixit, quod quæcūq; alescūt, nō necessario etiā sentiunt, hæc uerba subintulit, Hoc uero demonstrat ea ratio, q̄ uis, quæ nutrit, munus suū gnauius, & expeditius cōsopitis, quā uigilātibus nobis absoluit: nam eo tempore probius & alimur, & corpulenta perficimus, utpote ut quas actiones nihil adminiculentur sensus. Ad hæc Alexander Aphrodiseus in enarratione de anima ex Aristotelis institutiōe, ubi de impulsu, & ui
impul

impulsoria agit, declarans uirtutem altricē à ui sensibili segregari, scripsit hæc uerba, Præter hæc continenter, ac momentis singulis altrice uirtute fungimur: semper enim alimur: & in dormientibus maxime præcipuo munere, atq; actione potestas hæc sese exercere uidetur &c. Eadē ratione, quū aeris nos ambiētis frigiditate colligat se ad interiora calor innatus sibi cōtrarium aufugiens ad cibos conficiendos reddetur ualidior: contra uerò, quū eiusdem aeris caliditate ad exteriores partes agatur, ad eorundem ciborum coctionem imbecillior fiet: quod optime Gal. in expositione x v. Aphorismi primæ parti. declarauit, scribens in hunc modū, Causam uerò, ob quā hic idem calor hyeme augeatur, etiā Aristoteles dixit: refugit enim propter circumstantem extrinsecus frigiditatem: sicut rursus æstate ad sibi affinē protēditur: atq; ita contingit, dissolui quidem, ac dissipari eius substantiā tempore æstiuo, contineri, ac cohiberi, & in profundū secedere hyemali: ob hoc igitur & coctiones, & sanguificationes, & nutritiones hisce temporibus sunt meliores &c. Sæpiusq; repetit eadem expositione, tempore hyemali spiritum unā cum sanguine ad profundum corporis retrocedere: quare Hippocrates eodem Aphorif. dixit, Ventres hyeme & uere calidissimi sunt natura, & somni longissimi: quare per ea tempora alimenta copiosiora sunt exhibenda. Præterea in. ij. de temperamentis, cap. ultimo, declarans Gal. ex cute non posse eorum totius corporis temperaturam cognosci, qui ea incolunt loca, quæ sub ursa, & meridie sita sunt,

asserit id contingere, quoniam in his, qui ad ursam habitant, calor ad profunda corporis ab aeris continen-
tis frigiditate fugatur: qui in habitantibus ad meridiē
extrinsecus ambientis caliditate in cutem attrahitur,
& mox subiiciens eorum temperies, qui minus tempe-
ratas habitant regiones, inæquales esse, ut pote inte-
rioribus, exterioribusq; inter se partibus non parum
differētibus, hæc uerba subintulit, Gallis enim, & Ger-
manis, & omni Thracio, & Scythico generi, frigida,
humidaq; cutis est, ideoq; etiā mollis, alba, & pilis nu-
da, omnis uerò naturalis his calor in uiscera unā cum
sanguine confugit, ubi dum agitur, & premitur, &
feruet, iracundi, audaces, & precipites consilij red-
dūtur, Aethiopibus uerò, & Arabibus, omnibus deniq;
his, qui ad meridiē incolunt, natura cutis exambientis
æstus, & naturali calore foras acto, uista, dura, sicca,
& nigra redditur, toto corpore naturalis quidem ca-
loris exiguam obtinente portionem, sed alieno, atq; ad-
ditio incalescente &c. Idem quoq; colligitur ex Ha-
liab. pri. Prac. ca. ij. & vj. & ex Auer. secunda canti.
com. xxj. His puto satis superq; declaratum esse, calo-
rem innatum ut somno, ita aeris frigiditate augeri, &
ob id ciborum coctiones ualidius agere. Reliquum au-
tem est declarare, eundem calorem quiete reddi ad ci-
bos conficiendos ualidiorē, quod optime fiet, si prius
ex his quædam exposuero, quæ ab exercitatione pro-
ueniūt. Porro duo præter cætera ab exercitatione pro-
ficiscuntur, ut in secundo de tu. san. scripsit Gal. ge-
nuini scilicet caloris augmentū, & spiritus uiolentior
motus

motus ad externas uidelicet corporis partes, illa deinde ex his præter cætera consequuntur, tum singulas corporis particulas in corpus deducenda ualidius attrahere, tum ea facilius immutare, tum nutritionem feliciorem effici, tum singularum partium excrementa ad expulsionem, necnon & meatus parari, quibus ea ipsa excrementa expelli necesse est, & deniq; excrementis ipsis corpora purgari. Quæ quum ita sint, eo tempore debent corpora exercitari, ut inquit Gal. secundo de tu. sa. sæpe allegato, quo uentriculus, & uasa crudis, incoctisq; cibis, aut succis omnino uacua sunt, & urina, atq; alui excrementa sunt deposita, sic enim periculum non est, quum (ut dictum est) exercitatio distributione in corpus operetur, ut cruda, incocta, prius quam probe confecta sint, aut aliquid ex dictis excrementis ui caloris per exercitationem aucti in omnes corporis partes rapiantur, quare Gal. iij. de tu. san. post uenerem eam scripsit exercitationis speciem, quam præparatoriam uocant, post uigilias autem, uel tristitiam, uel ambas, quæ apothèrapia dicitur, idoneam esse, si tamen cruditas absit: nam, si qua cruditas subest, inquit omnino non esse exercitandum. Ex ijs itaq; constat tempus ad exercitationem idoneum esse, ut docet Gal. in. ij. de tu. san. quum cibus ingestus, tum in uentriculo, tum in hepate iam prorsus confectus est, quæ uero fit in uenis, coctio agitur, & iam tempus instat, ut nouum alimentum suscipiatur, constat quoq; caloris augmentum, quod exercitatione acquiritur, dum ipsa fit exercitatio, non illis coctionibus cōferre, quæ in uentriculo, ac

hepate perficiuntur uerum potius ijs maxime officere:
 quandoquidem eo caloris augmento fiat illorum ualio-
 rior ad extimas partes attractio, quæ in intimis parti-
 bus continentur: atq; calor naturalis, ut in æstiuo tem-
 pore, ita, dum corpora exercitantur, foras agatur. Me-
 lius igitur uenterculus, & iecur alimenta conficiunt,
 quum homo ab exercitationibus uacat: quod utiq; de-
 clarare statueram. Huic sententiæ Rasis in. iij. ad Al-
 man. cap. ij. Haliab. primo prac. cap. ij. Auic. ij. pri-
 mi doc. ij. ca. ij. & vij. Auer. vj. col. ca. ij. & prima cā-
 ti. commen. cxliij. & ij. canti. commen. xx. ad stipulan-
 tur. Puto equidem hæcenus me satis manifeste aperuif-
 se, secundā cibationem nō esse exhibendā, nisi prior to-
 ta confecta sit, nec uenterculum diu ieiunare cogendū
 esse. Præterea sumendi cibi quātitatē, nec maiore, nec
 minore esse oportere, quā calor possit peruenire. In
 super & somno, & aeris frigidityte calorem naturālē
 augeri, & ob id cibos melius concoqui: cōtra uerō fie-
 ri in uigilia, & aeris caliditate. Demū exercitationē
 in corpus deductionē iuuare: his autē quæ in uentricu-
 lo, & hepate fiunt coctionibus officere: quæ omnia, li-
 cet hoc loco tanquā hypotheses sint accipiendæ, nō
 tamē inutile fuit clariora reddidisse, ac ostēdisse à præ-
 cipuis medicis esse concessa: quedam enim principia
 sunt quæ aliquā declarationē desiderāt. Ex his modo
 sic declaratis facile est colligere, plus in cœna quā in
 prandio comedendum esse. Quippe, quū tempus quod
 à prandio ad cœnam protenditur, octo quidem, aut ad
 summum nouem contineat horas: quod uerō à cœna
 ad pran

ad prandium producitur, ex quindecim aut sexdecim constet: ab eis querere oportet, qui arbitrantur plus in prandio quam in coena esse exhibendum: nunquid, quum iam coenandi tempus est, nutrimentum in prandio sumptum mature sit concoctum, necne: si enim id affirmauerint: igitur eos fateri necesse est, cibum in coena exhibitum, quum tenuior sit, quam qui in prandio ingestus est, breuiori tempore confectum iri: quare uentriculus diu ieiunus manere, malisq; humoribus oppleri cogetur: quod esse ualde noxiū, in primo assumpto superius ostensum est. Si uerò id negauerint, utiq; uerū responderint, neq; enim tam angusto temporis spacio potest in uentriculo cibus confici, apponi, uniri, & assimilari: in epate uerò concoqui alimentum, apponi, ac uniri: in totum autē corpus deduci, ac illi nutrimentū apponi: quare secundus sumetur cibus, antequam prior sit perfecte concoctus, quod nō parū officere, in eodē primo assumpto similiter declaratū est. Præterea, quum in nocte naturalis calor, & somno, & aeris frigiditate (nocturnus enim aer frigidior est, quam diurnus) fortior sit, possitq; ualidius naturales functiones obire: contra uerò in die: necnon & alimenti quantitas, nec maior, nec minor esse debeat, quam quod ipse calor potest probe concoquere, ut in superioribus patuit: igitur nemo inficias ire poterit, plus coenandū, quam prandendum. Insuper quum qui liberā uitā degunt, ac illius artis quæ optimā tuendæ ualitudinis rationem docet, præceptis parere ualēt: in die & exercitationes, & illa quæ cū exercitatione affinitatē habent, quæq; sibi

peritus artifex præcipit, adire soliti sint, necnō & maxima pars hominū implicitam negotijs uitam agēs, siue inopia, siue ea seruitute, quæ ambitionis, aut cuiusuis cupiditatis gratia uolūtaria est, siue ea, quæ coacta est, quā solam seruitutem uulgus appellat: præter ea, quæ dicta sunt, in die solita quoq; munia, & aliquando insueta obeant, nocte uerō quiescant, ubi maius quidem prandium, minorem autem cœnā ingesserint, ne scio, qua ratione ea incōmoda euitare poterunt, quæ quidem his, qui se exercent, antequam alimentū in uentriculo, & hepate cōfectum sit, euenire superius explicatū est. Ex ijs itaq; patere arbitror, rationabile esse, tum quia longius tempus cœna, quā prādiū excipit, tum quia in nocte cōtinens frigidius est, & omnes fere dormire, ac quiescere consuecunt, ut tū plures, tū ualentiores cibi in cœna magis quā in prandio administrētur. Quibus de causis scripsit Gal. viij. Meth. med. cap. vi. his, qui renutriuntur reficiunturq; ualentiores cibos in cœna maxime offerendos esse, quem usum, ait, athletas nō ratione tantū inuenisse, sed etiā longa experientia comprobasse. Hanc utiq; sententiā ea cōprobant, quæ in primo de ratione uictus in morbis acutis tex. xxv. Hippo. scribit, docens enim eorum uictus rationem, quibus morbi iudicatio facta est, sorbicionem, inquit, matutino quidē tēpore exhibe, uespere autē ad alios etiamnum cibos transire poteris. Et in tertio de ratione uictus, ubi, qui uictus in singulis quatuor anni temporibus conueniat, declarat, præcipit hyeme oportere semel comedere, nisi quis ualde siccum uentrem habeat

habeat, si minus modicum prandere, quam uictus rationem ait, seruandam esse à Vergiliarum occasu, usq; ad id tempus, quo fauonius flare cœperit, quod tēpus ex diebus quadraginta ante hyemale solstitiū, & alijs quadraginta post idem solstitium constat, à quo tempore ad uernale æquinoctium usq; quod tempus septē & quadraginta dies continet, cum tempore est uariāda uictus ratio. Ab hoc autem æquinoctio usq; ad uergiliarum ortum, quo æstas incipit, toto eo tempore in sex partes diuiso, quarum singule octo continēt dies, mutationis uictus rationem docens iubet, ut eo quoq; tempore modicum prandeatur, quod præceptum ab ortu uergiliarum usq; ad æstiuum solstitiū, & ab hoc ad Arcturi ortum, & æquinoctium usq; uictum instituens reperit. Ab arcturi autem ortu ad uergiliarum usq; occasum iubet ab æstiuo quidem uictu recedentes, accedentes autem ad hybernum, sensim uictus rationem mutare, ut sic sine noxa ad hybernum uictum deducti post uergiliarum occasum eo libere uti possint. Celsus item primo libro dere medica, cap. tertio, declarans ad rectam uictus rationem instituendam tempus anni considerari oportere, scripsit. Si prandet aliquis, utilius est exiguum aliquid, & ipsum siccum, sine carne, sine potione sumere. Et paulo infra loquens de æstatis uictu ita inquit, Aestate uerò & potione, & cibo corpus sæpius eget, ideo prædere quoq; cōmodum est. quum igitur Celsus æstate ut sæpius, ita exiguo cibo utendū esse censeat, & ob id prandere iubeat, quod tamen hyeme nō concedit, nisi nimis uenter

astrictus est: minus igitur æstate prædendū esse, quàm
 cœnandū, ipsum uoluisse manifestū est, quare constat
 Celsum sententiæ paulo superius recitatæ adstipulari.
 Rasis quoq; in.iiij.ad Almā.cap.iiij.horas ad comedē
 dum idoneas esse scripsit, quū unusquisq; ingesto cibo
 & quieti, & somno indulgere potest, quod quidē ex
 Auic.iiij.primi.doc.ij.cap.vij.&.ij.canti.& eodē in
 loco ex Auer.colligitur. Et xiiij.tertij, trac.iiij. cap.i.
 Auic.de nocumentis agens, quæ à mala ciborū coctio
 ne proueniunt, scripsit in hunc modū, Et quod sequi-
 tur ea de iudicijs cibi in hoc est, quod cibus indiget
 quiete, & somno, usq; quò bona fiat digestio, & quā-
 do sunt loco ambarū motus, & uigiliæ non completur
 digestio &c. Insuper author libri de disso.contin.ca.
 primo. & Haliabas primo prac.cap.xiiij.aiunt cœnā
 esse prædio laudabiliorem, eamq; antiquos prædio
 anteposuisse. Sic itaq; censeo, tum rationibus, tum au-
 thoritatibus satis manifeste expositū, satius esse plus
 in cœna, quàm in prædio sumere, qui erat ueluti sco-
 pus eorū omniū, quæ hætenus scripta sunt. Verū quo-
 niam in principio nonnullos excipiendos esse dicebā,
 Igitur non ignorare oportet, illos in primis esse exci-
 piendos, qui uberius quidem prædere, parcius autem
 cœnare insueuerunt, quod hac nostra tempestate, non
 uulgares modo, sed etiam medicorum plurimi faciunt.
 Quippe tales, quoad prauam illam assuetudinem ser-
 uare, aut uoluerint, aut coacti fuerint, satius est mane
 plus, uespere autē minus esse. Etenim dixit Hippocra-
 tes.ij.parti.Aphorif.l. Quæ ex longo tempore con-
 sueta

sueta sunt, & si deteriora sunt : insuetis minus mole-
 stare solent, & in secundo lib. de ratione uic. in mor-
 bis acu. longo processu declarauit, longe melius esse,
 non solum sanis, sed etiam ægris uitiosam uictus ratio-
 nem seruari, quàm illam subito uel in meliorem mu-
 tari. Sed malas consuetudines sensim mutari utilius
 esse, scripsit Gal. in v. de tu. san. Et Rasis in iiij. ad
 Alman. cap. x. & Haliab. primo prac. cap. xij. quas
 tamen non omnibus mutandas esse, sensit Galenus eo-
 dem v. de tu. san. Vbi consulit senes consuetis operi-
 bus exercitari, etiam si modice noxia sint, contra iu-
 uenes noxia etiam à pueris consueta mutare, quando-
 quidem ualidæ iuuenum uires moderatam mutationē
 ferre possunt, ac eos sperari potest uitæ reliquum ex
 meliore consuetudine fructuosius ducturos, quod seni-
 bus non continget, etiam si longo tempore malam as-
 suetudinem pedetentim mutare possent : quippe qui-
 bus nihil temporis relinqueretur, quo meliore fruerē-
 tur consuetudine: nō aliter quàm si quis octogenarius
 cuiuspiam arti se accingeret perdiscendæ. Non etiam
 quandocunque malas consuetudines in meliores uer-
 tere, tentandum esse, scripsit Gal. in eodem v. de sa-
 tu. inquit, assuetudines ipsas, tametsi prauæ sunt, di-
 splicentibus adhuc sibi corporibus mutandas nō esse:
 quin nec per summam sanitatem semper id tentandū,
 sed tum, quum is, cui mutandæ sunt, à civilibus nego-
 tijs maxime uacat. Illi quoque excipiendi sunt, qui for-
 te ad talia negotia sunt delegati, uel ipsi ea sibi spōte
 delegerunt, ut nocte quidem uigilent, & se exerceāt,

die uero quiescant, & dormiant. Tales enim quum contrariam alijs uitam agant, contrariam quoque uictus rationem seruare fas est: quare Rasis in vj. ad Alman. cap. xj. de regimine iter agentium loquens scripsit in hunc modum, Quod si in nocte necesse fuerit ipsum incedere, non erit ei coenandum, sed suae comestionis integritatem usque in tēpus, in quo se diu posse quiescere sciuerit, intermittat. Excipiantur hi quoq; qui aliqua periodica egritudine premuntur, quæ nocte suas habet accessiones: etenim utilius esse plus coenare quàm prandere illo tempore accessiones non permittunt, quando opus est in accessionibus abstinere: cibū enim dare nocuum est, ut Hippocrates, & Gal. prima parti. aphorif. xj. & in primo de ratione uic. in mor. acut. xlv. scripserunt: Utq; sensere Celsus in iij. lib. de re med. Auic. pri. iij. trac. ij. cap. viij. Haliab. iij. prac. cap. xj. Rasis x. ad alman. cap. iij. & v. & Auer. vij. col. cap. x. Qua uero ratione hi cibandi sint, qui huiusmodi egritudinibus sunt affecti, ex dictis autoribus locis allegatis potest perdisci: præterea ex Gale. xj. meth. Med. cap. v. & xxj. His itaque exceptis censeo ex his, quæ dicta sunt, facile comprobari, ut reliqui omnes, siue sani, siue ægri sint, parum quidē prandeant, plus autem coenent, quod ostendere in principio pollicitus sum.

LIBER SECVNDVS.



VONIAM, ut in primo de simp. med. facul. ca. ulti. dixit Gal. discere cupientibus opus est, non solū optima discenda proponere, sed etiā falsas opiniones ex eorū animis delere, quæ ueras inherere prohibent. Quippe, sicut non pura corpora, quanto plus nutries, tanto magis lædes, ut in secunda parti. Aph. Apho. x. dixit Hippocrates, ita quoque non puros animos, quanto plus ueris opinionibus nutrire tentes, tãto pertinaciōres reddas. Igitur cum in priori uolumine, plus in cœna, quàm in prandio secundum ueram antiquorum sententiã sumẽdum esse, satis (ut mea fert opinio) demonstratũ sit, putauī non inutile fore, si hoc uolumine obiectiones diluere, quæ aduersus eam opinionem adducuntur, necnon et illorum errata ostendere conatus fuero, qui posteris non modicam delinquendi dederũt occasionẽ. Ab his autem auspicabimur, in quibus arbitror Petrũ Apponẽsem cognomẽto cõciliatorẽ differẽtia cxxj. nō parũ aberrasse: tametsi Hippocratẽ, et Gal. atq; alios antiquos sectari conatus est. In primis autẽ, quũ de agricolis scripsit, et assiduo labore uictũ querentibus, errauit cõciliator scribẽs melius esse plus eos in prãdio, q̃ in cœna sumere: quũ enim cogãtur post prandium tota die uehemẽtes labores subire, nescio qua ratione citare poterũt, ut cibus, anteq̃ probe sit cõcoctus, in totius corporis habitũ nō rapiatur, ut priori uolumine

de Gal. & aliorum sententia ostensum est. Nec ualet quorundam responsio, qui conciliatorem defendere nituntur, ij siquidē fortasse Auic. moti autoritate in prima canti. tex. cxlv. scribentis, Immoderatū ex eo proprie dicitur labor, qui quidem spiritum euacuat, & educit, & emacrat pingues, & carnosos &c. aiūt aſi duos prædictorum labores non exercitationis, sed operis potius, uel laboris appellationem mereri. Sed hæc puto non dixissent, si Gal. legissent in secundo de san. tu. de exercitationis, laboris & motus differentia sic scribentem, A laboribus uerò ordiendum, illo ante omnia discussso, an idē sit labor, motus, & exercitatio, an labor, & motus idem, aliud uero ab ijs exercitatio, an motus res diuersa, labor & exercitatio neutiquam differant. Ac mihi quidem non quiuus motus exercitatio uidetur, sed tantum si quis uehemētior est: quoniā autem eorum, quæ ad aliquid dicuntur, est quod uehementius dicitur: fieri potest, ut idem motus alteri sit exercitatio, alteri non sit: terminus igitur uehemētiae esto anhelitus alteratio, quādo in quibus nulla sit anhelitus mutatio, hos nondum exercitationes uocamus, quòd si quis maius, celerius uē, aut crebrius iā ex motu aliquo respirare cogitur, huic certe tantus motus exercitatio fuerit. Ea igitur communiter exercitatio uocatur, proprie uerò à loco Græce denominatur, quē gymnasion ipsi appellāt. Is locus est in publica aliqua urbis regione extructus, quo ungendi, fricandi, luctaturi, discum iacturi, aut tale quippiam facturi confluunt: laboris appellatio idē mihi significare uidetur

cum priorē significatione nominis gymnasiij, siue exercitationis, nempe cōmuni illo, quod prædiximus, quippe cum & qui sōdiunt, & qui metunt, & qui equitat non laborent modo, sed etiam exercitentur, communi saltem exercitationis appellatione. Et de nominibus quidem ita nobis determinatum sit, atq; ad hæc significata omnis mihi deinceps sermo inaudiatur &c. Quanquam enim assidui illi labores, opera, & labores appellantur, non tamen exercitationis nuncupationem amittūt ut ex Gal. uerbis iam dictis facile cōstat. Præterea nō etiam sola uocabuli mutatio poterit eos ab incommodis, quæ exercitationem sequūtur, absolute reddere, ut ij credere uisi sunt, quinimō, quāto ualentior exercitatio est, tanto ualentiorē deductionē in corpus operatur, quod quidem ex priori uolumine est ita manifestum, ut nulla declaratione indigeat. Similiter manifestum est, quod quum assiduo labore calor foras agatur, non poterunt ij cibum ingestū probe conficere, quod in somno ijs maxime fieri in primo de ali. facul. cap. ij. scripsit Gal. in hunc modū, Quoniam autem maximæ parti eorum, qui laborāt, somni profundiores fiunt, hoc etiam ipsis multū ad coctiones confert, & propter hoc à prauis edulijs minus leduntur, si autem cogas ipsos uigilare pluribus continuis noctibus: mox egrotabunt &c. Auic. quoque in tertia primi, doc. secūda, cap. vij. ita scripsit, Exercitati præterea, & multi laboris magis sunt tolerantes nutritientia grossa, quos forsitan, in digerendo iuuat fortis somnus, & quia in ipso fiunt profundi. Et paucis

interpositis subdit, Et proprie quia sunt confidētes in digestiua sua, quod ex sua habēt dormitione, quod destruitur, quū eis frequentes accidunt uigiliæ &c. Sic itaq; satis constat, illorū defensionē nullā esse. Nōnulli præterea nō defuere, qui conati conciliatorē tutari dixerūt, Gal. in ij. de sa. tu. de ea exercitatione tractasse, quæ optimo cōgruit corpori, quæq; de illa enūciauit, non ei exercitationi cōuenire, quæ lapsi corporis est. Ad horum autē cōfutationem satis erit, quedam Gal. uerba in medium afferre, quæ in eodē ij. de sa. tu. conscripta sunt. Quippe, quū eo in loco Gal. ostendisset, quo tēpore corpora sint exercitanda, preparatoriāq; frictionem debere exercitationē præcedere, & multa de frictione scripsisset aduersus Theonem Hippocratem defendens, talia subintulit, Hæc igitur omnia deficientibus ab optimo statibus cōmunia sunt, de quibus agere nondum statuimus &c. His itaq; dimissis, quum ex superioribus satis constet, horum defensionē satis insulsam esse: ostēdamus, quas cōciliator rationes adducit, nullius esse roboris, quo peracto satis erit manifestum, melius esse agricolis plus in cœna, quàm in prædio assumere. In primis enim quadam Auic. auctoritate conciliator nītur ij. primi, doc. ij. cap. vij. ubi, quum declarasset Auic. ciborum diuersitatem dupliciter officere, eiusmodi subiecit, In tempore quoq; antiquo qui exercitabantur, iam fugerūt ab hoc: cōtenti enim erāt solius carnis comestione in mane, & solius panis in cœna &c. Quem Auicē. locū deprauatū esse censeo, quandoquidem falsum est, antiquos se exercere solitos

solitos eā uictus rationē seruasse, cuius meminisse putatur Auic. eius autem iudicium est, quod Gal. in primo de ratione uic. in mor. acut. cōm. xvij. quū declarauit ciborum uarietatem, & præsertim ubi ex uarijs uirtutibus componantur, maximā lesionē parere, oppositum in hunc modū scripsit, Hoc etiā qui exercentur, quī ue inuicem certant, maxime obseruāt, nam in prandio solū panē comedūt, in cœna uero carnē &c. Neq; iure dici posse uidetur, Gal. & Auicen. alia, & alia ratione de his, qui se exercent, diuersa locutos fuisse, quum nullibi lectum sit Gal. scripsisse, quempiā assuetum se exercitationibus tradere. mane quidem solum carnem, uespere autem solum panem ingerere cōsueuissē, neq; etiam quempiam aliū aut ante, aut post Gal. tempora, qui alicuius fuerit autoritatis, hoc unquam dixisse, cuilibet aperte constabit omnia eorum uolumina perlegenti: non enim careret admiratione, si id esset, quod Auic. dixisse uidetur, ut à nullo (ipso excepto) illud fuisset monumentis mandatum, præsertim quum, quicquid Auic. scripserit, ex alijs autoribus, & Gal. in primis sumpserit. Adde quod eius rei oppositum non solum Galen. loco adducto autumat, sed etiam Auic. aperte eodē præcipit capite scribēs, ut coacti ante exercitationem comedere, panem solum tanta quantitate ingerant, quanta confici possit, prius quàm se exercere incipiant. Puto igitur Auic. ex Gal. eā sententiā accepisse, quare locū illū Auic. nō esse ita legendū, ut iacet, sed ubi panis legitur, carnis, ubi uero carnis, panis esse restituendū. Sed cōcedatur

locum, ut iacet, legi oportere: quid tū? neq; enim eam uiuendi rationem laudauit Auic. sed tantū dixisse uidetur, qui se exercitant, eo uiuendi modo duplicē noxam uitare, quæ ex ciborum uarietate profiscitur. Ex his itaq; patet, illam Auic. autoritatem cōciliatori nullo modo opitulari. Neq; etiam difficile est rationē soluere, qua conciliator eius opinionem stabilem reddere cōnatus est, ea autem est eiusmodi, Qui exercitatur, aliquo indigent resolutionē, atq; membrorū excitationem prohibente, id autem cibo cōmodius efficitur; quando & membra humidiora, & exiccantis caloris uim cōtraria qualitate imbecilliorē reddet. Alimentū enim, ut in ij. de anima ex Aristot. colligitur, in principio est corpori contrariū, licet in fine caloris actiōe eidē corpori simile efficiatur: ut igitur hæc fieri possint, plus prædere, q̄ cœnare oportebit. hæc est cōciliatoris ratio. Ex quo quidē querendū est, nunq̄d opinetur partē illā alimenti totū corpus humectare, quæ per totū ipsum ferri corpus ante ipsius alimenti cōctionē scripsit Gal. iij. uir. na. ca. xij. an potius, quū ea parua sit, incocti alimēti quantitātē affatim (ut id efficiatur) in totius corporis habitum rapi. Quod si hoc secundū cōcesserit (id enim euenire scripsit Gal. in j. de alim. facul. ca. ij. in hunc modū, Nā uacue uenæ non tantū semicoctū succū, uerū etiā omnino rudē, & incoctū uētriculo nōnunquā præripiūt, cū à cibo statim laboratur) utiq; ea de causa illi tandē grauissimis morbis corripiētur, rar oq; ad iustā senectutē perducētur, ut scripsit Gal. eodē in loco. Et Aui. iij. primi, doc. ij. cap.

ij. cap. vij. Si uerò paruā illam alimenti portionem, de qua superius sermo habitus est, corpus humectum red dere, conciliator responderit, Quippe, quum illa parua sit, & euaporabilis, cito resoluetur, quare corporis particulae sicciore reddita ex eo, quod alimenti reli quum est, priusquam mature concoquatur, tandem ali quid præripient, quare nō minus illa subibunt incōmo da, de quibus pauloante dicebatur. Vnde Haliabas pri mo prac. cap. iij. his, qui post cibū continuo exercitan tur, è uentriculo cibū ad intestina ante perfectam eius decoctionem descendere, & illas uenas, quas intesti na, & hepar intercipiunt obstruere asseuerauit: q̄ si exercitatio, inquit, modū excedet, quando eius est exi guos corporis meatus purgare, & excrementa expelle re, mēbrorū aliquid simul excludet, quare membra dis sipati loco aliquid reponere tentātia à uenis succū tra hēt, quæ inanitæ & ipsæ ab hepate, & hepar nō disti mili ratione à porta uena, & hæc à laxiori intestino, hoc uerò à uentriculo cōuellere necesse erit, qui quum crudus sit, & inconcoctus, nec aptus per uenas deflue re, intra uenas raptus, congestusq; eas ipsas uenas ob struet, indeq; difficiles, & pessimæ ægritudines subse quentur. Quod si Gal. loco superius allegato, & Raz sim in. iij. ad Almā. ca. iij. & Haliab. primo prac. ca. vj. & Auic. loco superius adducto conciliator perle gisset, his, qui uehementibus operibus exercitātur, ali menta cōgruere crassa, & glutinosa dignouisset, quæ nec facile corruptibilia sint, nec euaporabilia, qualis est suilla caro, quam Gal. vj. de tu. sa. dixit uehemens

exercitium desiderare, nam ex eiusmodi alimentis succi geniti non facile, quum ij exercitantur, per uapores diffilare possunt, quæ alimenta exhibenda sunt, quum ij & quieti, & somno posthabitis operibus indulgere ualent: sic enim & resolutioni, quoad fieri potest, & his nocumentis occurrimus, quæ pleno uētriculo exercitatis contingere diximus. Quod si caloris ui cogermur ipsis agricolis aliquid exhibere, ea de causa satius esset frigidum potum eos ingerere, quare Rāsis iiii. ad Almā. cap. v. iubet, ut à uehementi motu frigida non confertim, sed paulatim bibatur. Constat igitur eā conciliatoris rationē nullius esse roboris. Illorum autē consuetudinē fateor nō parū conducere ad ciborū concoctionē, id siquidem Gal. quoq; fatetur primo de Alimen. facul. cap. ij. superius citato. Et nos in priori uolumine assuetudines seruādas esse scripsimus, quas tamē, in quibus id fieri liceat, sensim mutandas esse, eodē in loco definitū est. Nec minorem cōciliator reprehensionem meretur his, qui messorum robur extollebāt, quorum meminit Gal. in primo de Alimē. facul. adducto. Enumeratis enim illis nocumentis, de quibus in superioribus sermo habitus est, quæ tandem eos subire contingit, talia adiecit uerba, Atque hæc uulgus ignorans beatos illos de corporis robore prædicat, quum ea & esse, & concoquere cernat, quæ nemo nostrum nec de uorare quidem possit, nedum concoquere &c. Ex his discat conciliator, quantum illi experiētiae, de qua me mini, confidendum sit. Patet igitur nec Auicen. autoritate, nec ratione, nec experientia posse conciliato-

rem

rem ostendere, melius esse mēssores plus in prandio, quam in cœna suscipere. Errat quoq; conciliator eis asserens, qui implicitam negotijs uitam agunt, utilius esse parcius quidem cœnare, uberius autem prandere, quum solitis duntaxat laboribus exercitantur. Ex his enim quæ in libro priori scripsimus, unicuiq; ita facile est huius falsitatem agnoscere, ut ab eius declaratione citra reprehensionem me possim abstinere. Verum id conciliator ostendere conabatur, inquit huiusmodi corpora non carere superfluitatibus concoquendis, nec ualidam habere uirtutem, quæ quum in somno ualidior sit calore ad interiora se colligente, satius erit eam permittere cruditarum coctionibus uacare, & superfluitates ad expulsionem parare, quam eam distrahere ad cibos nouiter assumptos conficiendos: neque enim tanta est eius uis, ut utrunq; cōmode perficere possit. Rursus, quum hæc uirtus solis calore, ac lumine robur acquirat, melius in die poterit cibos conficere, quare plus in prandio, quam in cœna his sumendū est. Sed hanc rationem nullius esse roboris facile est declarare. Quippe, quum superfluitatū decoctio, & ciborū confectio oppositis ipsius caloris motibus, ut probe efficiantur, non indigeant, quod naturalibus, animalibusq; operationibus euenire, in priori uolumine dictum est: igitur si calor naturalis in somno robur acquirens superfluitates melius concoquet, similiter & cibos melius conficiet. Eodem pariter modo, si calor innatus in die solis calore fortior redditus cibos melius conficiet, superfluitates quoque melius

concoquet. Verum ut ex his, quæ in priori libro dicta sunt, facile colligi potest, calor ad interiora coactus melius, tum superfluitates, tum cibos concoquet, contra uerò ad extimas partes attractus nullum illorū perficiet, quare non est opus illos in die liberalius prandere, ut cibi melius conficiantur. Sed forte dicet quis, ut etiam conciliator innuit, calori esse peculiare, in somno quidem superfluitatū coctionē, in uigilijs autē ciborum cōfectionē magis appetere. Cui quidē fateri quoq; necesse erit, eū ipsum calorem non agens esse naturale, sed animal potius ratione, et intellectu præditum, quod habeat facultatē eligendi, quod melius est, quod tamē eos, qui Gal. sectantur, fateri nō decet: hac enim ratione Gal. in. iij. de pot. natu. cap. xij. scripsit, uentriculū cibos cōficere, nō ut eos alijs mēbris aptos efficiat, sed ut eis perfruatur, ac eorū humiditatibus saturetur. de hoc enim dictū quoq; est in principio prioris libri. Quod si cōciliator cōtēdet, ea posse calorem efficere ope illius intelligentiæ non errantis, ad quā recetiorū plurimi, tanquā ad numē aliquod ingruente tempestate confugiūt, nō utiq; cōuinceret, quod Gal. de uentriculo scripsisse diximus: Quippe, si ad illā intelligentiā ita facilis pateret aditus, ut recetiores comenti sunt, posset unusquisq; Gal. facile respondere, uentriculū ab ea ductum intelligentia amplecti cibos, ac eos concoquere, nō tantū ut eis fruatur, sed etiā ut eos alijs mēbris aptos efficiat, quare Gal. ratio non necessario concluderet, uentriculum animal esse, ubi cibos complecteretur, ut eos alijs mēbris aptos efficeret.

Insuper ex priori libro manifestum est, omnes in medicina præcipuos uno ore affirmare, naturā providentiā habere, ut calor uigilijs sicciior redditus quam par est, ad interna se colligat, ut cibi melius conficiatur, à qui bus conueniētē sibi humiditatē, necnon & uires calor resumēs, deinde ad extimas partes motus animales functiones ualide possit obire, quos tamen uiros aut nunquam, aut perquam raro scripsisse quis inueniet, calorem ad intima cogi, ut superfluitates melius cōcoquantur. Præterea falso Cōciliatorē assumpsisse naturalem uim solis calore, ac lumine augeri, & ob id cibos melius cōficere, is facile intelliget, qui priorē librū perlegerit, ibi enim ostensum est, naturalē calorem nos continētis frigiditate augeri, & eiusdē caliditate debilitari, quod nimirū cōtinēs nō nisi, aut sole ad nos accedēte, aut eodē à nobis recedēte calidū, frigidūue est. Siquis aut pro Cōciliatore dixerit, calorem naturalē à solis caliditate augeri, quæ nō tam ualida est, ut calorem naturalē dissoluat, is nō ignoret, id nō posse nec p cōciliatore, nec p ueritate defendi. Enimvero nulla distinctione præmissa id assumptū tāquam uniuersaliter uerū protulit cōciliator, quare de calidiore aeris cōstitutione, sub qua ea quoq; cōtinetur, quæ æstatis est, loquēs cōciliator dixit, esse uberius prandendū. Accedit ad hoc uoluisse conciliatorē, diem æstati, noctem uerò hyemi proportionē respondere, quo fit, ut, quū æstas hyemis cōparatione naturalē uirtutē magis dissipet, ita quoq; & dies noctis cōparatione eandē magis dissoluet. Sed concedatur conciliatori, animantis calorem in die red=

di fortio rem: nihil enim id ciborum coctioni cōducet, sed his potius operibus, quæ sensibus, atq; motu perficiūtur, quādo coctiones debiliores quidē caloris motu ad exteriora, quod in die contingit, fiant uerò meliores eodem calore ad intimas corporis partes sedente, quod in nocte fieri ex his constat, quæ in priori uolumine scripta sunt. Sed dicet forte quispiam alius pro conciliatore, Robusta habētes corpora in die, ac æstate magis debilitari, in somno autem, & hyeme pro ciborum confectiōe fieri ualidiores, atq; hoc Gal. & alios autores uoluisse. Verum in his, quorum corpora imbecillia sunt, contra fieri, & hoc Conciliatorem sensisse. At hoc refellere non est difficile. Gal. enim in expositione. xv. Aphorif. pri. parti. percipiens Aphorif. Ventres hyeme, & uere calidissimi sunt natura, & somni lōgissimi, quare per ea tēpora alimēta copiosiora sunt exhibēda &c. nō esse uniuersaliter uerū, ex eo tantū animalia excepit in latibulis degentia, ita scribens, Quæ igitur per Aphorif. dicuntur, sufficienter exposuimus, si quis uerò de ipsis ueritatem diligētius examinet, non ad omnia animalia sermonem extēdat, sed ea excipiat, quæ in latibulis degunt, hæc enim quū se recondunt, non egent plurimo alimēto, siquidē & si ne cibo possunt perdurare, & si supposuerimus, ea tāto uti cibo, quāto antequā recōderentur, male ipsum concoquerēt. &c. Ex quibus uerbis facile cōstat, Gal. sensisse, Aphorif. sentētiā in pluribus uerā esse, in paucis autē non uerā, quū ea tantū animalia excipiantur, quæ in latibulis se recondunt, & si qua alia eis similia sunt

funt. Insuper quum omnes autores, ut in superiori uolumine patuit, autument, frigidum tempus esse ad sumendum cibum idoneū, non utiq; ita absolute pronunciasent id quod raro euenit. Verū Conciliator loquēs de frigida aeris constitutione dixit, q, quū in pluribus luce diurna (ut eius more loquar) cōfortetur digestio, oportet prādiū super cœnā magnificare. Rursus paulo inferius ita scripsit, Sic itaq; appareat diuersitas assumptionis quātītatis alimenti ex pluribus intentionibus suscepta, & q, melius tandē, quū plures egritudinum sint materiales, & quoniā plurima etiā corpora sunt lapsa, maiorandū fore prandīū supra cœnam. &c. Quare, quū id Cōciliator affirmauerit ut plurimum reperiri, quod Gal. & alij raro contingere autumant, qui poterit ab eius fautoribus defendi? nisi obstinati dixerint, Conciliatorē in hoc uoluisse à Galeno, & alijs dissentire, quod ipse nullibi profitetur, quin imo, quātū fuit in se, eorū uerba glossare conatus est. Nec ualet, quod inquit Cōci. uirtutē habētes debilitatem, ut æstate fortiores efficiūtur quā hyeme, & ob id cibos melius conficiunt, sic in die meliores effecti quā in nocte, alimēta perfectius cōcoquere poterūt, quādo dies æstati, nox uerò hyemi, ut dictū est, proportionē respōdeat. Enimuero, ubi ea ratio efficeret, satius esse imbecilles liberalius prandere, eadē ratione cōciliator fateri cogeretur, sicca uētris intemperie laborātes, quorū vij. Meth. med. cap. vj. Gal. meminit, melius in die cibos conficere, quū uirtutem habeant imbecilem, quos tamen conciliator in cœna tum plus, tū uas

lētius alimētū assumere cōcedit. Nec ualet, quod ait, hos, quia cōsumpti sunt, multo indigere alimēto, quod utpote debiles effecti probe non conficient, nisi paulatim, & sæpius in die illud ingesserint. Etenim quū solis calore, & lumine ij fortiores fiant, ut idē ait, quē cibum in die cōficere nequeunt, minus in nocte, quū eos tunc imbecilliores esse dicat, cōcoquere poterūt, quare & multū, & ualētius alimentū, quod in cœna ijs exhiberi oportere dixit cōciliator à Gal. accipiēs probā coctionē nō recipiet, proinde crudi, incoctiq; succi generabuntur, quibus ij non modice lædētur. Quod si tēporis longitudine, & somno, & quiete cibos ipsos posse maturā coctionē suscipere dicat: Cur & in alijs imbecillem uirtutē habentibus, quos asserit, satius esse, liberalius prandere, illis de causis idem non efficietur? Non ergo minus atq; nos, tenetur conciliator eā rationem soluere, quā quidē nobis est facile diluere: quāquam enim qui debilem habēt innatū calorem, melius ad æstatem, quā ad hyemem afficiuntur, quādoquidē ab intensa hyemis frigiditate imbecillis calor superatur, non tamen in nocte diei comparatione idem efficitur: neq; enim noctis frigiditas tāta esse potest diei cōparatione, ut calorē superet, perinde ac in hyeme fit, quare non desunt animalia, quæ hyeme mortuis simillima sine cibo in latibulis degunt, quod in nocte diei cōparatione non fit. igitur noctis frigiditas comparatione diei tāta est, ut innatū calorem ad interna cogat secedere, non autē superet, quapropter coctiones melius tum operatur. Manifestum est igitur Conciliatorem
falso

falso credidisse, innatum calorem solis lumine, & calore augeri, & ob id cibos in die melius conficere. Similiter in somno calori magis esse peculiare, cruditates potius quàm cibos cōcoquere: quare, neq; quod cōciliator intendebat, prædicta eius ratio probare uideatur. Licet enim cruditatibus repletis parum cibi exhibere cōueniat, id tamen eo tempore propinandū est, quo melius confici possit, illud autē in somno effici, iā demonstratum est. Insuper idem Conciliator nixus est alia ratione probare, quæ est eiusmodi: Ciborū confectio in hepate, & uenis, quæ & ipsa perfectior sit in somno, perinde ac illa, quæ in uentriculo, ijs dormientibus nō perficeretur, necnō & cōuenientibus tēporibus exercitari nō possent, ubi cœna uberior quàm prandium existeret, quando indigēte ea, quæ in uentre fit, coctione duodecim horis, ut perficiatur, cibus in hepate nōdū esset semi elaboratus mane adueniēte, quo tēpore homines a somno se exercitationibus tradunt, quæ coctionibus in uentriculo, hepate, & uenis perfectis sunt adeundæ. Sed in hac ratione ita delinquit Cōciliator, ut unusquisq; tametsi parum eruditus facile percipere ualeat, illā aduersus ipsum ualide pugnare. Etenim, quū illi post prandiū civiles exercitationes obeant, eos exercitari cōtinget, cibus nō solū in hepate, & uenis, sed ne in uentriculo quidē confectis, quod quidem deterius esse quàm id, quod Conciliator ea ratione maxime detestari uidetur ex Halia. 1. pra. ca. iij. facile colligitur. Etenim quos exercitari necesse est, prius quàm omnes cōficiantur cōcoctiones, cōsultat

Haliabas, ut saltē nitantur tanto tēpore feriari, quāto cibum in uētriculo ita esse confectū, ut in iocinore in bonū possit sanguinē permutari, atq; ipsum cibū post dictā in uētriculo cōfectionē ad intestina descendisse, quisq; cōiectari queat. Quippe, quū coctiones sibi inuicem succedāt, ut docuit Gal. in libello de euch. & ca cho. cap. iij. quæ enim in toto fit corpore excipit, quæ in uenis, & iocinore efficitur, quæ uero in iocinore eā quæ fit in uētriculo. nō ergo quisspiā inficias ire poterit, minoris esse discriminis, ut cibus aliqua coctione confectus, qui in trāsitu aliquātisper in iocinore morā trahens eius quoq; actionē nō subterfugit, quā omni no crudus, & omni carēs sensibili alteratiōe in uenas rapiatur, quare dixit Gal. eodē in loco, ad Euchimiā nihil esse utilius, quā cibos uentriculū probe concoquere, tū enim subsequētibus coctionibus melius conficientur, quare patet eā Cōciliatoris rationem ipsius opinionē infirmare potius, quā cōfirmare. Præterea quū illos plus in prandio assumere iubeat Cōciliator, ut cibi in die in ipso uētriculo semicōfecti eis dormiētibus perfecte, & in uētriculo, & hepate, ac uenis cōcoqui ualeant, igitur nulla adhuc coctione perfecta, nec ea, quæ in uentriculo, nec ea, quæ in iocinore, & uenis sit, eos in coena esse oportebit, quod deterrimū esse, ex his, quæ in priori uolumine scripta sunt, puto satis esse manifestum. In prædicta quoq; ratione Cōciliator assumit, cibum in uentriculo amplius duodecim horis permanere, Auic. motus autoritate xij. tertij, trac. iij. cap. viij. in hunc modum scribentis, Et quan-

titas

titas quidē equalis remanētiae in stomacho, & egressa-
fionis eius est illud, quod est inter duodecim horas us-
que ad uiginti duas horas &c. Quā quidē autoritatē
Gentilis in eius libri expositione scripsit, Cōciliatorē
perperam intellexisse. Quippe ait Gentilis, tēpus de
quo meminit Auic. inter duodecimā, & uigesimā se-
cundam horā interponitur, quare decem id tempus cō-
tinet horas, quibus inquit, cibos tum in uētriculo mo-
ram trahere, tum ex ipso egredi uentriculo, quo qui-
dem tempore longius non datur ad ea conficienda. in
his autem, qui uires habent ualidiores, ubi cibus mo-
derate ingestus sit, septē, aut etiā sex horis perfici pos-
sunt, quæ tamen de his uolumus esse intelligenda, quæ
nulla ægritudine affecti sunt: posset enim uenterculus
aliqua affectione laborare, ut ea tardior fieret conco-
ctio. Non igitur, qui liberalius cœnauerint, à somno
ad exercitationes conuersi, prius quàm in hepate nu-
trimentum sit mature cōcoctum, ipsas exercitationes
adibunt. Neque enim statim ingesto cibo, somno, &
quieti indulgendum est, ut libello de dis. cōti. præcipi-
tur, & in iiij. ad Alman. cap. iij. & tertia primi, doc.
secūda, ca. vij. sed prius lenta deambulatione moueri,
his maxime proficuum est, in quibus cibi inferiora uē-
triculi non facile petunt, cuius quidē deambulationis
terminus sit ipsorum ciborum ad imum uentris descē-
sus, quod quidem tempus certa quantitate definiri nō
potest, quando hi longiori tempore à somno se absti-
nere debeant, quibus ciborum descensus difficilior
est, quibus uero facilius, citius dormire permittendum

sit. Verum quod mediocre est, duarum horarū spatio
 definiatur, quod uerò alijs cōuenit, quibus non facilis
 est ciborū descēsus: trium, uel ad summū quatuor. Si-
 militer tēpus quo quēpiā dormire oporteat, medio-
 cre est, quod octo cōtinet horas, quod quidem & lon-
 gius, & breuius, in quibus id conuenit, esse oportet.
 Præterea ponatur quoq; in iocinore alimētū duabus,
 aut tribus horis confici, quod septem, aut octo, aut ad
 summū decē horis in uētriculo cōficiebatur, & ex eo
 egrediebatur. Si quis igitur id tēpus, quo ingesto cibo
 ante somnū uigilare oportet, tēpori somno, & quieti
 destinato addiderit, post quod homines assuetis se ope-
 ribus accingūt. Insuper & hoc tēpus, & id, quo in uē-
 triculo, & hepate coctiones fiunt, recta ratione exa-
 minauerit, inueniet tum corpora exercitari, quā ali-
 mētum in uētre, & iocinore est perfecte concoctū: in-
 uenis aut coctio agitur, quod tempus esse ad exercita-
 tionē cōmodissimū, de Gal. & aliorū sentētia in prio-
 ri lib. declaratū est. Nō igitur eo tēpore corpora exer-
 citabūtur, quo in hepate adhuc coctio fit, ut Cōcilia-
 tor cōmētus est. Sed nolo unū præterire, aliter legi lo-
 cum illū Auic. ut Andreas Bellunēsis in suis castigatio-
 nibus nos cautos reddidit, ubi enim in anti qua inter-
 pretatione in stomacho legitur, ille in alio codice scri-
 bi in corpore adnotauit. Quod si sic illa autoritas le-
 geretur, possemus fortasse suspicari, Auic. sensisse, ci-
 bum inter duodecim (ut eius more loquar) horas, usq;
 ad uigintiduas horas permanere in corpore, & egre-
 di, id est, corpus spatio duodecim horarū ad minus, ad
 summum

summum aut uiginti duarum horarum assumptum alimentum continere, prius quam ex eo uere nutriatur, atque excrementa egerantur. qui enim calorem naturalem habent ualidiorē, paulo plus duodecim horis indigent, ut ex cibo nouissime ingesto nutriantur, qui uero calorem habent imbecilliorē, etiā uiginti duabus horis, ut nutriantur, indigere possunt, quod quidē tempus et longius, et breuius (dummodo dictos terminos non transgrediatur) esse potest, cuius diuersitatis causa est, tum caloris naturalis fortitudo, uel debilitas, tum assumptorum quantitas, aut qualitas, tum uenterculus, aut bene, aut male affectus: uerum, siue locus ille ita, ut nunc dictum est, intelligatur, siue ut eū Gētilis exposuisse uidetur, constat eū opinioni nostrae minime refragari. Nec etiā nobis officit, quod inquit Cōciliator, in die corpora quidē magis per difflationem purgari, et ob id in praedio plus esse sumendum, quando quidē illud potius oppositum probare uidetur, quum ante ciborum assumptionem opus sit corpora prius ab excrementis purgari, ut in ij. de tu. sa. scripsit Gal. et in expositione x. apho. ij. parti. innuit: uerum quum in die corpora per sensui occultos meatus ab excrementis in nocte aggregatis purgetur, non ergo tunc, sed quū iam corpora purgata fuerint, magnam ciborum quantitatem exhiberi oportebit, quare satius erit plus coenare, quam praedare. Præter ea exempla ab ipso conciliatore adducta nihil ei cōducere, unusquisque manifeste intelliget, qui de san. tu. quintum uolumen perlegerit, ubi de Antiocho medico, et Thelepho grāmatico Gal. meminit, ut declara-

ret, imbecillo seni melius esse ter in die comedere. Et enim de Antiocho medico scripserat, quod circiter tertiam, uel quartam diei horam panem sumebat cum attico melle, hora sexta fricabatur, et exercebatur exercitijs seni aptis, et lotus prandebat mediocriter, primo aluum deicientia, postea pisces saxatiles ingerens, in cena uero piscibus dimissis aliquid assumebat boni succi, aut far cum mulso, aut auem ex iure simplici. non uidetur igitur ex hac uiuendi ratione posse Conciliatorem elicere, Antiochum plus in prandio, quam in cena sumpsisse, quando potius oppositum elici posse uideatur, unde Auic. iij. primi, doc. iij. cap. ij. ubi de nutriendis senibus pertractat, eos ait oportere cenam augere. Dicit forte quispiam, Telephum, qui circa horam tertiam pro ientaculo sumebat alicam in aqua coctam, et melli optimo crudo permixtam, hora uero septima prandebat sumptis primo oleribus, deinde piscibus, aut auibus, uespere autem panem tantum ex uino mixto cenabat, plus in prandio quam in cena comedisse. Cui respondetur, Gal. eorum exemplo, ut dictum est, uoluisse tantum declarare, senes opus esse ter in die comedere, in alijs autem illos nec laudat, nec uituperat. Præterea non etiam patet ea uiuendi ratione Telephum plus in prandio, quam in cena comedisse, putandum est enim Telephum in cena panem tantum ex uino mixto sumpsisse, ut uesceretur cibo seni aptissimo. Enimvero proposito Telephi exemplo mox subdit Gal. Sane uinum sicut pueris est alienissimum, ita senibus est aptissimum, quare putandum quoque est, tantum illius

illius cibi Telephum ingeſſiſſe, ut cœna prædio maior fuerit. Porro ſi ſupponatur, Telephum in hoc rectam ſui uictus rationē inſtituiſſe, illud facere debuerat, his præſertim motus rationibus, quarum Gal. meminit in ſeptimo meth. med. cap. vj. de reſcindiſ loquēs: quorum uirtutes, perinde ac in ſenibus, imbecilles ſunt, quas quidem rationes nō eſt opus hic ſcribere, de illis enim in priori libro meminimus. Quod ſi quis omnino contendat, Telephum plus in prandio, quàm in cœna ſumpſiſſe. Sanè quum hic grāmaticus fuerit, ille uero medicus, qui uberiores ſibi cœnam delegerat, maiore puto in uictus ratione inſtituenda medico, quàm grāmatico fidē eſſe adhibendā. Et ob id Paulus Aegineta in libello de præceptis ſalubribus cap. xxij. ubi agit de uictu ſenum, omiſſo Telepho, Antiochi uictus rationem deſcripſit. Ex ijs itaque patere arbitror, Conciliatorem in his, quæ de occupatis aſſuetis exercitationibus ſcripſit, non parum aberrariſſe. Poſſem equidem de multis alijs meminisse, in quibus Conciliator de ægris, & aëris conſtitutionibus loquens nō parum aberrauit, quæ quoniam ex his, quæ haſtenus ſcripta ſunt, facile & deprehēdi, & rationes diſſolui poſſunt nō ero dignus reprehensione, ſi illa miſſa fecero, neq; enim lector nimia libri prolixitate tædio afficiendus eſt. Omiſſo igitur Cōciliatore cū reliquis ſermo habendus eſt. Qui enim cōmunē aſſuetudinē plus prædendi, quàm cœnādi, quā, puto ex prædicta Cōciliatoris opione originē traxiſſe, conātur defendere, tali potiſſimum ratione nitūtur, In ſomno ex cibo ingeſto multi

ab innato calore ad interiora se colligente gignuntur uapores, qui quum per cutis meatus obstructos diffillare non possint, intra corpus detenti, atque sursum elati, caput facile opplebunt. At in uigilia geniti, utpote calore ad extimas partes acti, pauciores sunt, qui eiusdem cutis meatibus reseratis facile diffillare possunt: quare in prandio plus cibi tutius, quam in coena exhiberi potest: periculum enim est, ne his, qui liberalius coenant, repleatur caput uaporibus. Hac siquidem ratione, in illis praesertim affectibus, quibus solet ea pars affici, a qua omnes aliae corporis partes sentiendi, ac mouendi facultatem recipiunt, omnino plus in prandio, quam in coena sumi debere, contendunt. Quod Auic. quoque autoritate confirmant, qui in prima tertij, trac. v. cap. xj. epilepsiae curationem docens scripsit haec uerba, Et ille, cuius consuetudo non tolerat, ut semel reficiatur, diuidat cibum suum, qui est minor refectioe sua, in tres partes, et sumat duas tertias in prandio, et tertiam eius in coena post exercitium subtile &c. Non enim Auic. potuisset clarius dixisse, oportere qui epilepsia detinentur, plus in prandio quam in coena sumere. Nos autem primo declarabimus eam rationem non concludere, deinde Auic. autoritatem non recte scribi ostendemus. Vt igitur illud optime declaretur, non ignorandum est, ex cibo duo uaporum genera produci, ut ex Gal. colligitur in iij. de causis pulsuum lib. qui commentum introductorij de pulsibus est inscriptus. Alij enim uapores sunt naturali calori maxime affines, qui suaves existunt: quales sunt, qui ex dulci aqua calida euaporant. Ex quibus

somnum

somnū fieri naturalē in. v. theo. cap. xxxv. scripsit Ha-
 liab. in hunc modū, Somnus igitur naturalis ex humidi-
 tate cerebri est tēperata, & uaporū ascensu humido-
 rum, qui clari sunt, & boni à corpore ad cerebrū &c.
 Alij uero cū innato calore affinitatē nō habēt, qui qui-
 dem duplices sunt, Aut enim fuliginosi, & acres sunt,
 quales sunt, qui ex aliquo exusto corpore exhalant.
 Aut craſsi, quales, qui ex terra madida in medijs consti-
 tutionibus caloris actione proficisci cernimus. Quip-
 pe priores ex naturali calore cibos optime cōcoquēte
 modice generantur, quorū expulſionē tantū abest na-
 turā inquirere, ut ex ijs calor tū nutriatur, tū humecte-
 tur, quum uigilia, aut labore ſiccior redditus est, ut ex
 Gal. colligitur in. iij. de cauſis pul. citato. Qui uero ſu-
 ligиноsi sunt, ex calore cibū, uel aliquā eius partē uelu-
 ti adurente producūtur. Siquidē tale quid his accidit,
 qui ualidum habētes calorē innatū cibos concoqui ſa-
 ciles, & paucos ingerūt. Poſtremi uerò gignūtur, quū
 alimēti quantitas, aut qualitas, aut caloris imbecillitas
 moderata, & alia id genus, maturam ciborū coctio-
 nem fieri prohibent. hac enim ratione ſtatus generari,
 ſcripsit Gal. in. vj. de Symp. cauſis, cap. ij. quū itaq; ca-
 lor naturalis probe cibos cōficiet, moderatā utiq; ſua-
 uium uaporū quātitatē, aliorum autem paucā genera-
 bit. Si uero calor uehemētior fuerit, quā q̄ pro iuſta
 ciborum coctione eſſe oporteat, plures quidē ex his,
 qui acres sunt, pauciores autem ex modo dictis produ-
 centur. Eodem pariter modo, ſi calor naturalis imbe-
 cillior fuerit, non ita tamen, ut nullum ſenſile opus

in cibos efficere possit, sed ita, ut cibos ueluti dissoluat, nō autē penitus conficiat, ex postremis plurimi, ex prioribus autē pauci uapores exorientur. Præterea sciri quoq; oportet, calorē innatū nō tantū, ut corpus nutriatur, sed ut superfluitates excernātur, atq; expurgentur, prouidentiam habere, ut Gal. placuit in. xv. Aphorif. expositione pri. parti. Aphorif. & in libro de pot. natu. uolumine primo, cap. x. qui quidē calor quanto fortior extiterit, non modo nutritionē (ubi tātum habuerit alimēti, quantum potest peruincere) sed etiā superfluitatū expulsionē, siue per cutē, siue per expirationē, siue per urinā, melius operabitur, ut scripsit Gal. in expositione superius adducta. Illud quoq; nos præterire non oportet, q̄ in somno, per quos meatus uapores, possunt ad caput ascendere, non ita facile, ut in uigilia, possunt pertransire. Vapores enim ad caput ascendere, coniectari potest, aut per arterias, aut palatum, aut neruos, aut uenas. Quod per arterias minus in somno possint uapores ad caput efferrī, facile ostenditur. Etenim arteriæ, ut Gal. placuit in. iij. de pot. natu. cap. xiiij. quum attolluntur, ex sibi uicinis partibus, quod est magis tenue, attrahunt ad uacuum consequtione, quæ quidē ad cutē terminantur aerē extrinsecum, qui & sibi proximior, & inter omnia alia leuissimus est, quæ uerō cordi proximæ sunt, ex ipso corde primū spiritū utpote leuissimū, secūdo uaporē, tertio sanguinē exquisite elaboratū, atq; attenuatū, quæ autem à corde, & cute plus distāt, ex uenis partē sanguinis leuiorem, quæ ad uentriculum, & intestina terminantur

nantur tum à corde, tū à uenis ipsi cordi adiacentibus plus attrahent, minus autem ab ipso uentriculo, & intestinis, quādo in corde, & uenis cōtenta leuiora sunt, quæ uerò in uētriculo, & intestinis crassa, & grauiā, qui igitur uapores ex cibo geniti in uētre cōfecto per arterias ad caput efferri debent, primo arterias ad uentriculum terminatas, dum attolluntur, ingredi necesse est, deinde ad eam, que per spīnā tendit, meare, à qua ille deriuatur, hinc ad eas, quæ post aures ad caput ascēdunt, demū ab his ad cerebrū pertransire. At in somno huiusmodi arteriæ ex uaporibus ingesti alimēti ad caput primo elatis, deinde cerebri algore condensatis, ac retrocedentibus obturantur, ut spiritibus ad cerebrū facilis transitus non sit, qui uaporibus ijs subtiliores sunt. & ob id dixit Aristoteles in libello de somno & uigil. tenues & angustas habentes uenas esse maxime somniculosos, quū uerò à somno ad uigiliam transfertur animal, huiusmodi quidem obstructions dimouentur, quare per arterias ad caput aditus in uigilia magis, quā in somno expeditus est, non ergo in somno uapores facilius, quā in uigilia per arterias possunt ad caput ascendere. Quod etiam confirmari potest, quando ad uacuum consequutione tanto magis arteriæ uapores attrahant, quanto magis attolluntur, quū autem in somno minus attollantur quā in uigilia, ut docet Gal. in. iij. de causis pul. minorē igitur uaporū quāritatē in somno attrahēt. Eodē pariter modo aditus is, quo humiditates à cerebro per palatū expurgantur, nobis dormientibus obturatur, quare

per eū quoq; minus in somno, quā in uigilia poterūt ad cerebrū uapores pertrāsire. Adde: q; quū in somno maior sit exspiratio in inspiratione, ut superius diximus, uapores ex alimēto eleuati, atq; ad partem illā trāsmis si, expiratione facilius expelluntur, huius autē indicium est, magna, quæ sit in somno, ut ita dixerim, sufflatio. Similiter neruorū meatus, si qui sunt (solos enim oculorū neruos manifestos habere meatus ex Gal. colligitur in. iij. de symp. causis cap. v.) per quos animalis facultas à cerebro ad omnes corporis partes transmittatur, in somno ex uaporibus retrocedētibus obstrui necesse est, quare per illos poterūt uapores in somno difficiliter ad cerebrum perducī, quādo tunc per eos meatus à cerebro ad uniuersum corpus animalis facultas delabi prohibeatur. Neq; etiā quis uere potest affirmare, uapores per uenas in somno ad caput ascēdere, quādoquidē arteriæ ex uenis eorū, ut pote sanguine in uenis contento leuiorū attractionē anticipabunt, nam in iij. de pote. natu. cap. xiiij. arterias ex uenis sibi propinquas per ora, quæ inter se habent cōmunia, tenuissimū, ac uaporibus simillimū sanguinē in eis uenis contentū attrahere, scripsit Gal. quare multo magis uapores attrahent, quos etiam paulo infra dixit Gal. leuiores, & subtiliores esse sanguine exquisite elaborato, atq; attenuato. iam autem ostensum est, per somnos uapores in arterijs contentos difficiliorem ad cerebrum transitum habere, q; si qui uapores arteriarum attractionē subterfugerint, neq; etiam illi facile efferentur ad cerebrum, quando uenæ, priusquam cerebrum pertingant,

ad su

ad supremū capitis ascendant, mox descendant ad cerebrum, ut Gal. ix. de usu partium, cap. v. declarauit, quāobrem uapores per poros exitum anticipabūt. Patet igitur, nec per arterias, nec per palatū, nec per nervos, nec per uenas in somno posse uapores ad cerebrū facilius efferri, sed contra potius. His itaq; sic declaratis facile est ostendere, his caput magis uaporibus impleri, qui liberalius pransi fuerint, quā si parū prasi liberalius coenauerint. Quippe, quum in die maxima pars hominū, aut ui, aut sponte, assuetis sibi laboribus exercitari soleat, ut in superiori uolumine dictum est. Vbi quoq; diximus, exercitatione calorē foras agi, & sensibus, ac motioni incumbere. Igitur nemo inficiabitur, calorem tunc pro naturalibus operationibus adeūdis imbecilliorē redditū esse, quare cibos liberalius ingestos ægre concoquet: proinde, paucos bonos, plurimos autem malos uapores gigni, necesse est, quos quū calor alijs operibus distractus, ut decet, non expellat, ad caput educti per ipsos quidem meatus reseratos id ipsum caput facile replebūt. At in somno calor ad interiora coactus cibos probe cōficiet, quare paucos uapores crassos, ac fuliginosos gigni cōtinget, quos calor fortis, utpote operibus naturalibus intentus expellere poterit, crassiores quidē per urinā, nō ita crassos per expirationē, exq̄site uerò extenuatos ad cutē, ut Gal. affirmat loco superius citato. Et propterea in. iij. de causis pul. dixit Gal. ut in somno exspiratio maior est inspiratione, ita quoq; arteriæ maior est constrictio, quā dilatatio, utpote natura appetente superfluita=

tes expellere. Insuper si qui uapores in somno sursum labi continget, per meatus obstructos nō ita facile, ut in uigilia, ad cerebrū usq; penetrabunt, quare manifestum est cibos liberalius ingestos minus in somno, & quiete, quā in uigilia, & exercitatiōe caput uaporibus opplere. Et ob id Gal. in. vj. de tu. sa. docens eorū uictus rationē, qui uitam ducunt negotiosam, & ante balneum exercitari, & aliquid comedere coguntur, dixit, supposito diē tredecim horas æquinoctiales longū esse, ac in decima corporis curādi spē esse, circa quartā horā simplicissimū sumēdū esse nutrimentū, qui utiq; solus est panis, cuius is modus sit, qui decima hora concoctus esse possit, quā uictus rationē se negotijs implicitū seruasse inquit, nonnullis autē solū panē sine opsonio sumere nō placuisse, sed eū cū palmulis, oliuis, melle, aut sale ingessisse, ac nōnullos, etiā post eū bibisse. Cui sententiæ Celsus in primo de re med. ca. iij. his uerbis adstipulatur, Si prædet aliquis, utilius est, exiguum aliquid, & ipsum siccū, sine carne sine potione sumere. Et Auic. tertia primi doc. secunda cap. vij. ita scribens, Quod si alicui necessarium fuerit comedere ante exercitiū, solū panem tali sumere debet mensura, ut digeri possit, antequā suū incipiat motū &c. Verū, quā ob causam solus panis ijs mane sumendus sit, post prædicta eodem in loco statim subdit Gal. scribens in hunc modū, Quippe, si exercitari cupiant, eo maxime pacto citra noxam se exercitant, siquidem nō leue incommodū nōnullis accidit, quū repleti cibo se exercitant, nōnullis enim & caput impletur uaporibus, & in

iocino

iocinore, aut ponderis sensus, aut distentionis, aut utriusque percipitur &c. Haliabas quoque primo prac. cap. v. ita scripsit, Si enim exercetur, aut balneatur quis post repletionem ciborum, repletur caput uaporibus &c. Sic itaque puto, satis esse manifestum, his, qui se exercent, minus caput uaporibus oppleri, si parcius pransi fuerint. Quod etiam in his facile est declarare, qui liberalius pransi se forte exercitatione abdicabunt. In superioribus enim ostensum est, in somno cibos melius confici, quam in uigilia, & meatus in uigilantibus esse adaperptos, quos dormientes obstructos habent, quare pro portione his illa euenient, quae praedictis contingere, paulo supra declarauimus. Praeterea illud quoque nos docet experientia. Etenim unusquisque mane ante prandium caput melius esse affectum percipit, quam uespere ante cenam, quare qui literis incumbunt, melius mane, quam uespere eis studere possunt, quod utique non efficeretur, si plus in somno, quam in uigijs caput impleretur uaporibus. Nec obstat, quod ea ratione dicitur, in somno cutis meatus esse obstructos, ideo uapores extra corpus ferri non posse, quando illa obstructio tanta non sit, ut qui fuliginosi, & subtiliores sunt, per illos meatus exire non possint. At qui crassiores sunt, non facilem habent exitum. Verum, quoniam (ut superius diximus) calor innatus, ut omnes superfluitates excernantur, prouidentiam habet, eos igitur ad partes cuti propinquiores, quoad fieri potest, transmittit, quare dixit Gal. in tertio de causis pul. saepe allegato, à somno ad uigiliam

conuersis pulsus fieri, & maiores, & uehemētiores, & uelociores, ac frequentiores, & ueluti concuſſionem quandam habentes, quoad uapores illi fuerint expurgati, ac transpirabile totum sibi corpus calor reddiderit. Sic itaq; ex dictis satis manifestum esse censeo, pororum cutis obstructione uapores in somno ad caput ita facile, ut in uigilia, efferri non posse. Ex predictis quoq; facile patere arbitror, minus in somno, quam in uigilia, ubi par sit in utrisq; uaporum quantitas, caput uaporibus impleri his, quibus cerebrū aliqua affectio ne laborat, quod Auic. in prima tertij trac. ij. ca. xxiiij. insinuauit, scribens enim qua ratione hi curandi sunt, qui dolorem capitis ex ebrietate patiuntur, inquit, Et si est aliquid prohibens ab euacuātibus, cuiuscunq; modi fuerint fac eos dormire, quousq; digeratur, quod in eorum stomachis continetur de uino. Et paulo infra, Deinde fac eos dormire, & quiescere, quoniam est radix in cura ipsius. Et rursus paucis interpositis, Et administra eis somnū in quantum potes. Adhuc fere in fine capitis, Et uniuersaliter melius est, ut consideres digestionem eorum non somno, aut quiete longa, donec stomachus parūper alleuietur. Hoc enim minime præcepisset Auic. si uapores facilius in somno possent ad cerebrum pertransire. Quinimo eos dormire iubet, ut uaporibus capitis dolorem efficientibus paucioribus redditus affectus fiat mitior, quare ijs quoq; utilius esse plus in coena, quam in prædio sumere, manifestum est. Et ob id Gal. in secūdo de compositione medicaminū, per singulas corporis partes, ubi doloris capitis ex ebrietate

ebrietate curationem docet, dixit, qui ex ebrietate capitis dolore affecti sunt euacuatione, & infrigidatione indigent, quibus tota die peractis, in nocte balneo lauentur, cibiq; Euchimi non calefacientes exhibeantur, quales sunt ptisanæ succus, & ex alica sorbitio, ac panis cum aqua, ouaq; sorbilia sine garro. Quippe ubi melius esset eos in prædio, quam in cœna, plus sumere, utiq; Gal. præcepisset, cibū potius die, quam nocte exhiberi oportere. Præterea Gal. in consilio pro puero morbo comitiali laborante uictus rationē instituens, dixit, tertiam panis partē cum his, quæ uentrem subducant, in prædio esse apponendam, reliquas uero duas in cœna cū ualētioribus cibis seruādas esse, quod etiam Rasis in pri. conti. cap. v. Gal. testimoniū loco superius citato adducens affirmauit. Ex his facile colligitur illū Auic. locū pri. iij. trac. v. cap. xj. deprauatū esse, quum oppositā epilepticorū uictus rationem docuisse uideatur, nulla de Gal. & Rasi mentione facta: quos, quum ab eis disidet, præterire non solet. Quod etiam ille locus deprauatus sit, ex eo cognosci potest, quòd Auic. in eadē pri. iij. trac. v. cap. ulti. declarans, qui cibi apopleticis cōueniāt, scribit in hūc modum, Cibi autem habētium apoplexiā sint subtiliores cibis habentium epilepsiā, & rectius quidē est, ut sis cōtentus in eis in matutinis pane solo, &c. Quippe, quū & epilepsia, & apoplexia ex eisdē humoribus eueniant, atq; in utroq; morbo idē locus patiatur, ut ait Gal. in expositione lv. apho. ij. parti. neq; inter se differant, nisi quia apoplexia fortior, epilepsia uero debilior

affectus est, qua ratione uoluisset Auic. ut in epilepsia
 plus pranderet, quam coenarent: contra aut in apople
 xia? Nec ualet Gentilis interpretatio eo in loco scribē
 tis, quod forte id Auic. dixit arbitratus ijs esse melius,
 coenam esse matutinā. Quippe quoniā paucis interpo
 sitis subdit Auic. Et quando aliquid sumunt, non dor
 miant super ipsum uelociter, sed expectēt aliquātulū,
 donec descendat, & digeratur digestionē aliqua, nec
 etiam plurimū uigilent, illud enim permutat cerebrū,
 & resoluit ex cibis uaporē nō digestum, ex hoc quod
 prohibet digestionē &c. Enim uero ex loquēdi modo
 Auic. uelle uidetur, nō longo tēpore post cibū ingestū
 opus esse ipsos somno se abdicare. inquit enim, expe
 ctent aliquantulū. & subdit, nec multū uigilēt. quod
 si cibum tantūmodo matutinū sumerēt, aut opus esset
 eos post cibū diu uigilare, aut in die somno se tradere,
 quorum utrūq; Auic. detestatur. Ex hac Auic. autori
 tate colligere licet, nunquid post cibum assumptū so
 mnus, an uero uigiliae magis repleāt caput uaporibus.
 Constat igitur illam Auic. auctoritatem non esse intel
 ligendam, ut eam Gentilis exposuit, sed potius Auic.
 Gal. adherēs praecipit, ut mane solus panis esitetur no
 xam euitandi gratia, quae illis accidere solet, qui co
 piosius pransi se exercitant: etenim ut illi exercitatio
 nes adeant, quarum eo capite meminit, non obscurum
 est. Auic. praecipisse. Manifestum est igitur locū illum
 Auic. indigere castigatione, nō autem illum Rasī, ut
 Gentilis est arbitratus, quod etiam ex modo loquendi
 Auic. facile cōiectari potest. Inquit enim, & ille cuius
 consue

consuetudo nō tolerat, ut semel reficiatur &c. quasi uelle uideatur, ut nisi obstaret consuetudo, melius sit eos semel comedere. uerū, quū Hippoc. Gal. Celsus, & omnes deniq; in medicina præcipui scribunt, semel in die comedendū esse, quòd eum cibū in cœna, nō aut in prandio sumi oportere intelligant, ex eorum libris est ita manifestū, ut nulla declaratione indigeat. Nec sine ratione quisspiā arbitrari posset, eum forte locū ab ali quo fuisse deprauatū, qui opinionē tutaretur, q̄ plus in pradio, quā in cœna sumi oporteat. Hoc enim hac nostra tempestate contigisse illi Gal. loco in consilio pro puero epileptico, de quo supra meminimus, manifestum est. qui enim eū libellum transtulit, locū illum, qui quidem in codice Græco ad uerbum ita legitur, μετὰ δὲ ταῦτα πρὸς τὸ ἄριστον εἶναι, καὶ πὶ πρόγε αὐτῷ τῷ λαπαπρόντορ πλὴν γαστέρα λαχάνων, ἢ καὶ ταρίχων, ἢ πικράνης, ἢ ἐλαίων ἅμα τῷ ξύτῳ μίξει τῷ ἄρτε προσενεγκάμονοις τὸ δ' ἔσπονον ἀποβίβει τὰ λοιπὰ δύο μέρη μετὰ τῷ ισχυροτέρῳ ὀφείων, hoc modo interpretatus est, Quibus ita curatis ad prandiū abire debet, ante illud uero ali quid subducētium uentrē, holerū, aut iuriū, aut ptisanæ, aut oleorum cum tertia panis parte ei apponatur. Reliquæ autem duæ partes in ipso prandio cum cibis ualidioribus præbeantur &c. Qui sanè locus nō illo, sed hoc modo Latine scribendus est, Post hæc autē ad prandium ire oportet, & prius quippiā uentrē subducentium holerum, aut etiam salsamenti, aut ptisanæ, aut oliuarum unā cum tertia panis parte apponatur, in cœna uero reliquæ duæ partes cum ualidioribus

obsonijs reponatur &c. Neq; enim quod δ᾽ᾱνον Græci dicunt, Latine prandiū, sed cœnam significat, quod uero nos prandiū Græci ἀριστον scribunt, ut recte noscunt hi, qui callent literas Græcas, quamobrem non possumus non suspicari, prædictum Gal. locum ab illo interprete eo modo fuisse translatum, ut suæ opinioni adstipulari uideretur, quod quidē inferius eodē consilio, aut oblitus est, aut cōmode facere nō potuit. Enim uero post prædicta uerba Galenus enumeratis omnibus obsonijs, & à quibus abstinere, & quæ cū illa tertia panis parte in prædio licet ingerere, subiecit, quæ cum duabus reliquis partibus ipsius panis puero, ubi à disciplinis redierit, post deambulationem apponēda sunt. Ita scribens, μετὰ δὲ ταῦτα διαλιπόντα χρόνον ὀλίγον, ἀξίωμα περιπατῆσαι κελεύω πρὶν ἢ τὰ μαθήματα παρὰ γίνεσθαι καὶ μὲν δὴ καὶ ἀπαλλαγέντα τῷ μαθημάτων, αὐτοῖς ἀξίω πρὸς πατῆσαι πρὸ τοῦ δείπνου, καὶ ἄπειθ' οὕτως τοῦ μὲν ἄρτος τὰς ὑπολίπας δύο μέρεις προσφέρειν, τῷ δ' ἄλλω ἑκάστον ὡς εἶρηται, κρείας μὲν ἀπάντων σχεδόν τῷ πτωχόν, πλὴν δὲ λιμνοῦ. quem locum ille in hunc modū trāstulit, Deinceps uero, quod reliqui superest temporis, tranquillæ deambulationi dari iubeo, antequam ad disciplinas reuertatur. A quibus ubi redierit, iterum deambulare eum ante cœnam uolo. Et sic postea panis ei reliquæ duæ partes ponatur cum alijs singulis, sicut dictum est, carnibus quidem omniū ferè uolucrum, præterquam aquaticarum &c. Sic itaq; cōstat, illum interpretem, aut per quā imperite, aut inepta calliditate eum priorem illius consilij locum Latium

tinum fecisse, quod etiam illi Auic. Autoritati contigisse, facile est credere, sed, quoquo modo res habeat, manifestum esse censeo, locū illum Auic. omnino indigere castigatione. Aliā adhuc Auic. auctoritatem adducunt, quam quidem ab eis perperam intellectam arbitrantur suæ opinioni non parum opitulari, ea autē est in prima tertij, trac. ij. cap. xxvij. ubi Auic. doloris capitis ab humoribus in uentriculo aggregatis per consensum euenientis curationem scribens, quū dixit eos humores esse euacuandos, necnon quales cibos his offerre oporteat, talia subiecit, Et oportet ut serues cœnas eorum &c. Quæ uerba Gētilis exposuit, id est, nō coenent, uel reponant eam, uel minuant eam &c. Sed quoniā, ut superius dixi, quicquid boni scripsit Auic. ab alijs, & Gale. præsertim mutuatus est, ac ea, quæ Gal. fusius pertractauit, summam dixit, idcirco, quæ scripsit Gal. in vj. de tu. sa. & septimo method. med. cap. xj. & in libello de uinis, & secundo de compositione medicaminum per singulas corporis partes cap. xj. de doloris capitis curatione à succis uentriculū occupantibus dependentis. Auic. cap. superius citato breuiter singula attigit, qui igitur ab Auic. eo capite breuiter recitata cupit recte intelligere, ut dictos Gal. locos perlegat, oportet. Etenim plerisque in locis id euenit, ut Auic. sine Gal. lectione recte intelligi nō possit: propter quod accidit, non paucos in operibus Gale. perlegendis parū diligētes in multis nō modice aberrasse, & quāplurimos ipsius Auic. locos perperā intellexisse, quod uno tractatu aliquādo declarare, mihi in

animo est, nunc autem hoc loco id contigisse ostendā.
 Enimuero Gale. in ij. de compositione med. per sing.
 cor. par. citato, docēs dicti doloris capitis curationē,
 inquit, nō opus esse de capite sollicitos esse quando ca-
 put nulla propria affectiōe laborat, sed à prauis ledi-
 tur uaporibus ex humore genitis in uentriculo colle-
 cto. Proinde illos humores cōfestim uomitu euacuari,
 postea uentriculū corroborari oportere, quibus autē
 uomitus perquā difficilis est, boni succi cibū, & qui
 uentriculū roboret, lotis exhibendū, prius quā ama-
 ra bilis ad uētriculū trāsmittatur, quod si ante balneū
 his aliquid sumere necesse erit, tantū panis tertia, uel
 quarta diei hora sumendū, quantū eo tēpore sit conse-
 ctū, quo balneū ingredi sunt assueti. quibus uero ante
 balneū solū panē sine obsonio esse nō placet, cū palmu-
 lis, aut oliuis, aut aliquo id genus præbendum: deinde
 quū cœnauerint, die sequēti absynthij potionē biben-
 dam. in sexto enim de tu. sa. & vij. meth. med. cap. xj.
 dixit Gal. absynthio uim esse tenues humores in uētri-
 culi spatio cōtentos euacuandi, ac ueluti tunicarū uen-
 tris sordes detergendi, qui uero altius in eo imbibiti
 sunt humores, id medicamentū, quod hieram picrā no-
 minant, extrahere. Ex hac inquā, curādi ratione facile
 est colligere, uoluisse Gal. ut his plus in cœna, quā
 in pradio exhibeatur, quādo post balneum cibos boni
 succi eos ingerere præcipiat, ante balneū autem hora
 diei tertia, uel quarta, uel panē solū, uel cū palmulis,
 aut oliuis, & id genus, esitare concedat. Ex ea quoq;
 colligitur, Gal. his potionē purgātē exhiberi noluisse,
 nisi

nisi in die præterita cœnam assumpserit, qua, ubi illa hora febre corriperetur, aut aliqua simili causa, opus esset eos abstinere. Quñ itaq; Auic. quæ Gal. dictis in locis late cõplexus est, eo capite ueluti in cõmentariũ redegerit, nec Gal. in hoc cõtradixerit, nõ ergo credẽdum est, ipsum Auic. ea uerba scripsisse. Et oportet ut serues cœnas eorum &c. quoniã censuerit, melius esse eos, aut cœna abstinere, aut saltẽ in ea minus, quàm in prædio assumere, ut Gentilis, & alij recentiores exposuere, sed potius id sensisse, quod Gal. præcepisse diximus, ut potionẽ purgantẽ nõ bibant, nisi in die præterita cœnauerint. Ideo dixit Auic. & oportet, ut serues cœnas eorũ, id est, nõ exhibeas purgãs pharmacũ, nisi cœnauerint, quare And. Bellun. in suis castigat. adnotauit, in alio codice legi, Et oportet ut obserues cœnas eorũ &c. Ex hoc colligere licet, male à nonnullis purgans pharmacũ mane exhiberi, quũ in die præterita aliqua causa æger cœna abstinerit. Quñ enim purgans medicamentũ corpus exinanire, atq; exiccare necesse sit, itidẽ & inedia idẽ efficiat, si quis omiſsa cœna sequẽti die potionẽ ingesserit, quæ uim habeat humores educẽdi, magis quàm par est, exinaniri, atq; excicari cõtinet. Hac igitur de causa dixit Gal. si cœnauerint, die sequẽti absynthij potionẽ sumãt. Et Auic. & oportet ut obserues cœnas eorũ &c. scilicet quũ eos purgare uolueris. neq; enim purgandi sunt, nisi cœna præmittatur. Sed dicet forte quisspiam, Andream Bellunensem in suis castigationibus adnotasse, aliud exemplar inueniri, in quo legatur, Et oportet ut alleuies

cœnas ipsorum &c. quæ lectio uideatur fortasse Gētilis, & aliorum recētiorum expositioni adstipulari. Si quis enim obstinate uellet cōtendere, locum illū eo modo legi oportere, sciat neq; etiā eam lectionē opinionis nostræ refragari. Neq; enim dixisset Auic. cœnā minorem prādio esse debere, sed potius melius esse, ut in cœna minus cibi suscipiant, quā quū sani sunt, ingerere solēt. Cōstat itaq; quocunq; modo locus ille scribatur, ab eis omnino perperam interpretari. Insuper, quod in cerebri affectibus melius sit plus prandere, quā cœnare, tali quoq; ratione probare nitūtur. Cū enim cōmunis medicorū schola præcipiat, ut esuriāt, uigilent, sitiant, qui rheumata curāt, quī enim id fieri poterit, ubi hi liberalius cœnauerint? illud enim præcipitur, ut ea ratione corpus exiccetur, ac humor cattarrū efficiēs resoluatur, hoc autē uberius cœna fieri prohibet: corpus enim humidius reddit. Sed huic rationi sufficiēter me respōdisse arbitratus fuero, si declarauero, qui tenuius prādent, uberius aut cœnāt, id præceptū melius seruare, q̄ qui cōtra faciūt. Enimuero in primis illi esurire præcipiūtur, ut corpus exiccetur: famem enim ex accidēti corpora exiccare, est minime dubiū, dixit Gal. in expositione lix. apho. vij. par. quādo humiditates in animalis corpore cōtentæ in uapores resoluātur, atq; per difflationē euacuētur, hoc aut melius efficietur, quo tēpore uapores per difflationē facilius poterūt euacuari. Verum in uigilijs id melius fieri, & ex Gal. colligitur xij. meth. me. ca. iij. & ipsos fateri necesse est, quū post inediam uigiliæ quoq; eadem

dem ratione præcipiantur. Si ergo in uigilijs eos esurire opus est, igitur in prandio, aut nihil, aut parum eis licet esitare, neq; enim, si secus fecerint, eos esurire cōtinget, licet enim parū eos cænare permittas, nō tamē in nocte illos esurire, pariter nec sitire cōtinget, quādoquidē in somno sensus quiescere manifestū est. Eodē pariter modo uigiliæ præcipiuntur, ut humiditatibus resolutis, & per difflationem euacuatis, corpus exicce tur, quam nimirum exiccationem copiosius prandium prohibebit. in secundo enim de ratione uictus scripsit Hippo. Semel die comedere, emaciat, siccatur, uentrē sistit, nā animi calor humidū uētris, & carnis cōsumit, prandere uerō cōtraria facit, & ob id quū æstate aeris caliditate corpora nō modice exiccētur, dixit Hippo. in tertio de ratione uictus, & Celsus in primo de remed. ca. iij. tū prædere cōmodū esse. At in hyeme, quia contrarium fit, aiunt, esse melius semel comedere, nisi nimis uenter astrictus est, tum enim ut parū prandeatur, concedunt. Præterea, quum alimentum non perducatur ad cerebrum, nisi concoctiones in uentriculo, hepate, ac uenis peractæ sint, ex cibo mane ingesto cerebrum in nocte nutrimentum capiet, quo tempore dormit animal, quare tunc cerebrū magis humectabitur, augebiturq; humor catarrum efficiens. At ex cibo in cœna sumpto nutrimentum in die cerebrum accipiet, quo animal uigilat. proinde non tam cerebrū, perinde ac in somno, poterit humectari, quando humidæ cerebri superfluitates in uigilijs possint facilius per difflationē purgari. Nec dici potest naturam providentiam

habere, ut superfluitates excernantur, quare in somno cerebri superfluitates, aut extra per difflationem, aut saltē, ut in superioribus dicebatur, ad partes cuti proximas expellentur. Quippe, quū, aut cerebro nutrimentum male cōcoquēte, catarrus fiat, ut docet Gal. vj. de symp. causis, ca. iij. aut saltē affectio, quæ catarrhi causa est, ipsum cerebrū probe nutrimentū cōficere prohibeat, nō igitur ea fieri poterūt, quæ in matura concoctione fieri cōcedēdū est. Nec ualet, q̄ in somno ex uberiore cœna corpus humectetur, ac humor catarrū efficiens augeatur, quū enim corpus omnino nutriendum sit, & calor in uigilijs siccior redditus humectari desideret, tantū cibi est suppeditandū, quanto utrunq; cōmode fieri possit, qui cibus tamē eo tempore debet exhiberi, quo melius cōfici potest. neq; enim ea probe fierent, nisi alimentū etiam probe conficeretur. quod autem in somno probe fiat alimenti concoctio, necnon & calor naturalis congrue humectetur, nunc non est opus declarare, ex superioribus enim hæc satis manifesta sunt. Tanto igitur tempore eos dormire permittendum est, quāto, & nutrimentum probe concoquatur, & innatus calor humectetur. quod si ultra, quā par est, dormire perrexerint, excitandi sunt, neq; enim illa caloris humectatio catarris officiet, quādo illa à uaporibus suauibus parū à spirituū substantia distantibus, ut superius dictum est, efficiatur. Adde quod quum in somno cerebrum minus possit uaporibus oppleri, ut ex superioribus patuit, & alimentum in cœna exhibitum in die sequēti deferatur ad cerebrū, ex cibo ingesto mi

sto minus in somno moderato, quàm in uigilijs humidũ reddetur. Sic itaq; censeo, satis aperte declarasse, qui modice prædent, liberalius autẽ cœnant, id præceptũ, esuriant, uigilent, sitiant, qui rheumata curant, melius seruare, quàm qui cõtra faciũt, & ob id illorũ rationẽ nullã esse. Quũ igitur satis ostẽsum sit, illorũ rationes nihil efficere, & autoritates adductas, aut ab eis perperã intelligi, aut indigere castigatione, Reliquũ est, ut nõnullæ autoritates in mediũ adducãtur, quæ quidẽ tametsi his qui à nobis dissentiũt, opitulari uideantur, nullã tamẽ de illis (quod uiderim) mētionẽ fecere. Est in primis Galeni autoritas in expositione lxxvij. Aphorif. quartæ parti. ubi Gal. declarãs quomodo in febribus ex somnis timores, uel conuulsiones fiant, scripsit in hũc modũ, Et quidẽ sicut à cibo ad somnũ conuersis impletur caput, sic in plethoricis dispositionibus somni ipsum replentes aggrauãt cerebrũ &c. Et paulo infra inquit, Nõ solũ autẽ in cerebro ipso mali humores aceruati tales affërũt casus, sed & in ipso ore uentriculi, quare & in somnis magis euaporãt, quũ incocti permaneãt &c. Præterea Auic. & Auer. in pri. Can. cxxxix. & in. ij. eiusdem. xl. inquit, ex somno longiore, quàm par est, impleri caput uaporibus, & præsertim si is, in quo fit somnus, ieiunus fuerit. Et in eadẽ. ij. Can. xli. Auer. ait, somnos, qui cibos ingestos excipiũt caput uaporibus opplere, uigilias autẽ illi repletioni esse impedimẽto. Porro, si hos locos aduersus nostrã opinionẽ haudquaquàm pugnare monstraue- ro, nullum puto his, qui aduersam heresim defendũt,

locum reliquū fore, ad quē liceat eos confugere. quæcunq; enim aduersus uerā hanc opinionē, & excogitari, & adduci poterunt, tum ex dictis, tum ex dicendis, facile soluentur. Animaduertendum est igitur, nos non arbitrari, quā obstructionē in somno fieri dicimus, tātam esse, ut uapores eleuati nullo modo ad cerebrum penetrare possint. quēadmodum enim Gal. in quarto de symp. causis, ca. viij. scripsit, ut etiā in priori libro diximus, in somno exiguā quādā à cerebro sentiendi facultatem in reliquis partes defluere, tātoq; minorem, quāto somnus fuerit grauior. Ita quoq; asseueramus, in somno minorē quātitatē exhalationis, quā in uigilia, posse ad cerebrum pertransire, tātoq; minorē, quanto grauior fuerit somnus, quum obstructio tūc maior sit. quod nimirum ueritatē habet, ubi exhalationis quantitas in somno multo maior, quā in uigilia, non existat, tū enim ob immodicā uaporū quantitatē, tametsi meatus non ita pateant, maiorē capitis repletionem in somno fieri, consentaneū esse uidetur. Insuper quod in superioribus de uaporum generatione scripsimus, hic quoq; repetēdū est. Ex optima scilicet ciborū cōcoctio ne moderatā suauīū uaporū quantitatē generari, aliorum autē paucā. ubi uerò calor ita fuerit imbecillior, ut cibos quidē quodā modo dissoluere, nō aut penitus conficere ualeat, paucos bonos, plures autē malos exoriri. His aut addendū est, q̄ ubi calor fuerit ualidior, nec cibos habuerit, quos conficiat, superfluitates, siue humores in corpore cōtentos aggredietur, ex quibus, si bonā cōfectionē nō admiserint, prauos producet uapores

pores, tãtoq; plures, quanto calor fuerit fortior, & lō
giori tēpore in illos aget humores. Ex his modo sic de
claratis facile est ostēdere, prædictas authoritates ue
ræ opinioni minime refragari. Nam in plethoricis di
sp̄ositionibus dixit Gal. somnos caput replere, quoniã
calor ad interiora coacti⁹ in humores agit ex quibus
plethorica fit dispoſitio, quos quū nō possit probe cō
coquere, ueluti agit, concutitque, quare ex eis mul
tos uapores eleuat, qui multitudine possunt caput op
plere, quod in uigilia nō cōtinget, tametsi meatus ma
gis sint reſerati. neq; enim calor tūc ad extimas partes
motus humores illos tã ualide poterit ueluti agitare,
atq; concutere, ut ex eis tãta uaporū multitudo, quãta
in somno, procreari possit. Eodē pariter modo ex pra
uis humoribus in ore uētriculi collectis, calor in somno
ad interiora se colligēs multos, & malos generat uapo
res, quos in uigilia propter rationē iam dictā genera
re nō potest, quos etiã in somnis nō generaret, si eos hu
mores calor naturalis posset probe cōcoquere. Et hoc
sensisse Galenū ex uerbis in expositione adductis, faci
le constat, inquit enim, quare & in somnis magis eua
porant, quū incocti permaneāt, quasi dicere uoluerit,
quod si incocti nō permanerēt, nō magis euaporarent,
quare subdit, coctiones, utiles somnos inducere. Eadē
ratione, si quis ieiunus dormierit, aut diutius quàm de
cet, multos malos uapores in eo gigni necesse est. Quip
pe ubi calor cibos conficiēdos nō inuenerit, in super
fluitates aget, quas quum non poterit recte concoque
re, in uapores mutabit, ubi uerò cibos conficiēdos in

uenerit, eis confectis si adhuc dormierit homo, tunc calor, aut in alios humores, uel superfluitates aget, aut cibos iam probe confectos superflue concoquet, quare multi, & prauis uapores ad implendum cerebrum apti utroque modo procul dubio gignentur. Quod uero dicit Galenus, à cibo ad somnum conuersis impletur caput, utique ueritatem habet: quum enim somnus ex obstructione proueniat, de qua supra facta est mentio, quæ quidem obstructio ex uaporibus cerebri frigidityate crassioribus redditis, & retrocedentibus efficitur, ut ex Aristotele colligitur in libello de som. & uigilia, igitur prius quam dormiat animal, caput uaporibus oppleri necesse est. quare dixit Galenus, à cibo ad somnum conuersis impletur caput. neque enim dixit, dum animal dormit, impletur caput, sed quum à cibo se ad somnum conuertit. Quod si etiam concederetur, Galenum uoluisse, caput tunc per quietem uaporibus repleri, Vtique id ei adstipularetur, de quo in his, quæ contra conciliatorem scripsimus, facta est mentio. ibi enim dictum est, non congruere ingesto cibo statim somno indulgere, quando cibus in parte suprema uentriculi contentus probe concoqui non possit, ut in quinto de affectorum loco. notum. capite quinto Galenus ait. neque enim uenter tunc potest cibos arte complecti, quod ad bonam coctionem esse maxime necessarium, scripsit Galenus, in tertio de potentijs naturalibus, capite quarto, quare multos uapores gigni necesse est, qui sua multitudine caput replere possunt. Et propterea dixit Galenus à cibo ad somnum conuersis, id est qui sumpto cibo statim dormiunt, impletur caput

put. Vt igitur huiusmodi noxa euitetur, lenta deambulatione, aut aliqua huiusmodi leui exercitatione, corpus dimoueri opus est, ut cibus in uentriculi petere possit, prius quàm homo somno indulgeat. Et hac de causa dixit Auer. loco superius adducto, somnos, ac uigilias ciborũ coctioni congruere, quando in somno melior fiat concoctio, uigilijs autẽ uapores ad caput efferi ea ratione prohibeantur. Quare Haliab. primo prac. capite. xiiij. consulit, ut ante solis occasum cibus in cœna sumatur, ut quo tẽpore dormire oportebit, ad imũ uentris descenderit, his uerò, qui statim assumpto cibo somno se tradũt, Auer. præcipit loco citato, ut erecto capite dormiant, donec cibus ad uentriculi inferiora descenderit, sic enim maiorem noxam euitabunt. Licet enim sufficienter declaratum esse censcam, minus in somno, quàm in uigilia, caput impleri uaporibus, ubi somnus moderatus sit, & uentriculo cibum arcte complectente probe fiat ciborum concoctio. Attamen illud silentio non præteribo, quod, & si illis daremus, plus in somno, quàm in uigilia, caput oppleri uaporibus, quoniam uapores illi, quum alimentum mature concoquatur, suaues sunt, ideo plus utilitatis, quàm nocuenti afferrent, in his etiam, qui aliqua capitis ægritudine premerentur. Quippe, ut in tertio de causis pul. ex Galeno colligitur, in uigilia spiritus siccitatẽ acquirunt. Idcirco natura disposuit, illos in somno ad interiora secedere, ibiq; uaporibus illis suauibus ex cibo recte cõfecto genitis humectari, ac deniq; propriũ tẽperamẽtũ resumere. Quapropter ut natura (sicut in sua

perioribus scripsimus) malos uapores secernendi, ita
 hos bonos retinēdi prouidentia habet, quādo hi uapo-
 res à spiritibus paruo discrimine seiuncti sunt, ex his
 enim parua in ipsis transmutatione facta spiritus gene-
 rantur, cuius indiciū est, quoniā hi uapores easdē effi-
 ciūt operationes, quas efficit calor naturalis, ut ex Ga-
 leno colligitur in quinto de simplicium medicamentorum
 facultatibus, dis. secūda, cap. v. Proinde ut spiritus, ita
 uapores hi noxam effatu dignā asferre nō possunt his,
 quibus caput egrotat, quibus liberalius pransis, tamen
 si nō tanta uaporū copia caput impleretur, quoniā ta-
 men cibos nō ita probe cōficerēt, ut satis superq; decla-
 ratū est, uapores ex illis cibis geniti, quia mali essent,
 maius nocumētū afferrēt. Quare tale quid nos dicere
 liceret, quod in quarta particula Aphorismorum expo-
 sitione citata scripsit Galenus in hūc modū, Et somni
 uidelicet semper nocerēt, quatenus ad profundum, &
 uiscera materia fluit, nisi coctionis ratione plus asfer-
 rent utilitatis, quā sit dānū, quod ex motu ad interio-
 ra cōsequitur, & cetera. His itaq; censeo satis manife-
 stum esse, authoritates proxime adductas non efficere,
 melius esse plus in prandio quā in coena sumere.
 Quod quū optime declaratū sit, constare iam arbitra-
 mur, nullis rationibus obstantibus, necnon & autho-
 ritatibus, tum sanos, tum egros (his tātum exceptis, de
 quibus in priori libro meminimus) satius esse plus in
 coena, quā in prandio esitare. Verum puto id non esse
 prætereūdum, quod qui oculos habent aliqua affectio-
 ne laborantes, & imbecilles, in coena non paruā debēt
 ratio

rationem habere, quandoquidem error in his, quātū-
cunque paruus, noxam inferret, qui forte alijs capitis
affectibus non officeret. sunt enim meatus, qui à nari-
bus ad oculos protendunt, qui quum in somno non ob-
turentur, per eos sine impedimento uapores ad oculos
effferri possunt. Sed quoniam, ut paulo ante dicebatur,
maior est utilitas, quam coctionis ratione somni effi-
ciunt, quā sit detrimētum, quod ex paucis uaporibus
ad oculos in somno forte fortuna elatis consequi po-
test, hos quoque melius esse liberalius cœnare, quā
prandere (quicquid alij senserint) non dubitamus. Nō
me latet, quā plurimos non defuisse, qui hanc ueram
opinionem quibusdam leuibus rationibus reijcere co-
nati sunt, sed quoniam nostrum non est impræsentia,
eorum ineptias penitus refellere, eas rationes omitte-
re, satius esse arbitror, præsertim quum ex his, quæ ha-
ctenus scripta sunt, facilis sit eorū solutio. Hæc itaq;
sufficiant ad ueram opinionem tuēdam. Quam quidē,
tametsi à plerisq; noua esse existimetur, tamen nemo,
uel mediocribus literis imbutus, inter antiquorum pla-
cita ex superioribus enumerandam esse dubitabit. Ve-
rum, quum per multa secula ob temporum iniuriā ue-
luti sepulta iacuisset, Primus Matthæus ille Curtius
hac ætate medicorū omnium facile princeps, cui me-
dicam facultatem nō minus debere, quā Galeno per-
spicuum est, tanquā ab inferis ad uitā reuocauit.

PARASTASIS

DE PRANDII ET COENÆ

RATIONE,

Autore magistro PETRO TOLETO
medico doctore, quæ vice prælectionis erit
eorum quæ ab Odo dicuntur, vnà cum re-
futatione rationum, quas adduxit Turinus
vir sane de re medica bene meritus in Mat-
thæum Curtium.



VICQ VIDE construit ma-
nus mortalium scriptorum,
hoc dictante intellectu, qui so-
lius rationis est capax, id unū
assequitur, ut patres anti-
quos, ueteresque autores &
gesta eorum, & libros intelli-

gentia cōsequamur, quod Græci à Latinis mutuati &
Latini à Græcis fecere, linguarum usu, & interpreta-
tione, quæ nunc incrementum non mediocre assumpsit,
ab multorū, uel omnium scriptis. Quoniam igitur non
solum non impigre prætermissum, sed & occultatum,
quod maiores nostri scriptum reliquerant, à multis ui-
deo, qui repurgatione egent, quiq; Galenum, quid di-
co Galenum? imo se ipsos ementiuntur, quos mala &
ficta hypocrisis perdat, restituimus nobis, quibus ma-

gis quàm nobis studemus, uestrorum ciborum, hoc est prandij & coenæ rationem, & præscriptionem, quæ si coacta non fuerit, iusta esse potest, ijs, qui se ipsos uincendo, uincunt & ceteros. Neq; ijs scribimus, qui rationem uitæ non habent, sed uentri, desidiæ, somno, & Veneri studēt, abūde & belluāter quicquid in manus cadit, hauriūt, quos his uerbis Satyric. apte describit:

Quanta est gula, quæ sibi totos

Ponit apros, animal propter conuiuia natum?

Pœna tamen præsens, cum tu deponis amictus

Turgidus, & crudum pauonem in balnea portas.

Hinc subitæ mortes, atq; intestata senectus.

Sed ad rē propius pergere uocamur magis quàm satyricū agere, nā id negotij furiosis destino uniuersale documentū accipiētes, ut abūdantiā, & superfluā ciborū cōgeriē super omnia uitemus, quæ teste Gal. morborū frigidorū causa existit, quā etiā redūdantiā appellat. A qua, aut succi uitio omne qd' corpus affligit oritur. Quare obseruāda est mensura ciborū, & ita ut ab his nō superetur & uincatur naturalis facultas, quæ cōcoctrix est. Porro uehemens enim saturitas, & crapula innatū calorē suffocat & extinguit. Igitur proposita, & interdicta crapula, ad rei exordiū accedamus, initium sumētes ab Hippocrate, aphorism. libro primo 17. aphor. Et quibus, inquit, semel, aut bis, & quibus plura ne, an pauciora particulatim oporteat adferre considerandum. Aliquid autem tempori, ætati, & consuetudini condonandū. Hæc ille. Quibus præcipit aliquos semel tātum debere refici, aliquos uero bis. Alios
in cœna

in cœna parcius, & reliquos largius, quod idem non omisit, ubi de consuetudine aut immutanda, aut obseruanda in libris de regimine acutorum morborum disputat. Sed horum omnium rationes in utranq; partem structas adferamus, ne Arabas omnino neglexisse uideamur, quamuis Galenum non plane intellexerint, aut intellectum neglexerint barbarorum more. Quæstionem profecto non dubiam, sed certissimā dabimus, si principio Galeni rationes adferantur, quas pro oculis ego habeo, quæq; præcepta salubria dicuntur ad eos scripta, qui sibi uiuunt, extra omnē seruitutē, quos ἰδιώτας Græci appellant. Etenim hoc omnibus in confesso est eos qui militant, aut iter faciūt, aut etiam pugnat, ciborū delectū, quibus scilicet cibus uesci aut nō oporteat, non habere, quando his uti cogitur quisque, quorum datur facultas. Set incipiat rem Gal. stabilire & firmare, cuius hæ sunt sententiæ, Experientia, inquit, uice normæ semper habenda est, neq; aliquid pro utili scribendum cuius experientiam non habueris, nisi id testeris, tibi adhuc non esse expertum. Ergo, quod ego sum præfatus, magnæ esse utilitatis accipe. Nempe postquàm boni succi cibus in cœna modice se impleuerit, ad somnum conuertatur, die uerò postero cum satis dormierit, linteo fricetur, mox exiguo interposito tempore, aliquid panis bene fermentati, & furno cocti, ac puri ex uino mixto gustet, atq; ita ad opus consuetum redeat. hæc ipse dixit. Idem etiam adstruit, therau. septimo, & libro de epilepsia, à qua opinione nō discedit Auicenna, qui se Galeni interpretem appella-

lat, si locus restituatur, qui nō sine nēuo legitur, quod est probabile. nam Rasis qui per omnia Auicēnam est sequutus, magis quā Galenum, identidē affirmet nōno sui continentis, capite de epilepsia. In eo etiam Galeni uolumine de cibis boni maliq; succi, idem docetur. Et ut rationes Galeni minime sileam, huc adferendum & adiiciendum esse duxi, quod ab Hippocrate omnium bonorum autore (ut dicit) in eam sententiam scriptum est. Affirmat Hippocrates secundo aphorismorum, labores cibos anteuertere: hinc colligit Gale-
 nus, qui solius Hippocratis est cōmētator, parcius prā-
 dendum, liberalius uerō coenādum esse. Nam cibus prae-
 multitudine ingestus, quiete, & somno cōcoquitur &
 elaboratur, uigilia uerō digeritur & distribuitur. Por-
 rō totam corporis salubritatem tribus constare nemo
 est qui ambigat, exercitio, restauratione, & quiete.
 Exercitio multa consumuntur, aut per occultam tran-
 spirationem uel perspirationē, aut manifestō, & hoc
 excrementorum rationem habet. Restauratione mul-
 ta etiam perficiuntur. Nam replentur manita, & quae
 sensus sunt capacia, restituimurq; quicquid siccioris
 substantiae effluxerit cibo, quicquid uerō humidioris
 potione, quod quotidie, imo uerō cōtinuō, propter in-
 situm calorē defluit. Quiete uerō paratur cibi & po-
 tus uera elixatio, quae est digestionis species. At
 digestio facta perfectio est à naturali calido uim obti-
 nente in passiuis oppositis, quare indigestio imperfe-
 ctio erit, ob propriae caliditatis indigentiam. Quod si
 exercitio meliorem, & celeriozem concoctionem di-

Tota coena
 liberalioris
 ratio.

cas: tunc facile te uinces. Nam calor qui auctus labore datur, non propria dicitur caliditas, set potius extraria, ab illo primo & irrefragabili pronunciato, quod omnis motus est calefactiuus, & tunc concoctio calidi sustinebit excessum, fietq; adustio magis, quam digestio. Ex quibus omnibus elicio alimenti digestionem elixationi similem esse. Quare hoc ordine seruato, inculcata erit sanitas nostra, quæ, quò breuior, eò magis debet prorogari: quod fieri minime potest, nisi artem attingamus, quæ, quantum potest, naturã imitatur. Nec te moueat uinitorum, & agricolarum uita, quam uulgus imperitum in nostræ artis refutationem (quæ tota diuina est) toties mihi obiecit, cui ego in summa respondeo, eos somno profundissimo iuuari, quem si negligant, statim morbo corripì necesse est. Et etiam illa edulia (quæ sola relatione praua dicuntur) ipsorum naturis conuenire, cognitionemq; habere cum ipsis, ea quæ concoquuntur, dicimus, quod Galenus apertissime docet libro quarto tuendæ sanitatis, his uerbis, Nec, inquit, omnis cibus in cuiusuis animalis uentre concoquitur, sed cognatio quedam ei quod concoquit cum eo quod cõcoquitur esse debet. Ex quibus colligito duo esse, quæ & bona, & mala edulia in rustico digerunt, somnum profundum, & cognitionem, sicuti uidemus cicutam ab animalibus (quæ uolantilia sunt) propter cognitionem naturæ digeri. Quare, ne ab instituto recedam, post iacta fundamenta à Galeno & Hippocrate cœnæ largioris, ad Arabas se conuertat oratio, qui haud refellentur, & reprobæ

Vide de agricolarũ uita rationem,

Duo sunt, quæ concoctionẽ vario rû cibariorũ in rusticis perficiunt, cibi cognatio, & somnus profundus,

buntur ubi bene dixerint, ubi uerò minus bene, defen-
 sioni non erit locus. Nam quæ perperam constituta
 sunt, ad rectitudinem deducenda ueniunt. neq; est (ut
 etiam Græcos comprehendam) in rebus mortalium ali-
 quid quod ex omni parte sit absolutū, quodq; per sin-
 gula temporum monumenta mutationem nō recipiat,
 & emēdationem non mereatur. Set primum Auicennā
 proponamus, qui tertia sectione (sen enim dicunt) pri-
 mi canonis, prandium coena liberalius esse cupit anti-
 quorū (hoc est athletarū) more, qui mane carnibus ue-
 scebātur, sero uerò pane erāt cōtēti. Verū Auicēna re-
 licto, ad Turinū strenuū Arabū ducē accedamus. Argu-
 mēto esse potest apologia conuiciosa, qua Curtio uiro
 cōsummato flagitiose cōuiciatur, cuius doctrina ubiq;
 sobolescit, post tot labores, post toties saxū ab eo re-
 uolutū, quæ plus minus uel annos quinquaginta in arca-
 nis rei medicæ enarrandis impedit & distribuit. Neq;
 quietem uelut senex emeritus suis studijs, & labo-
 ribus publicis impetrauit, donec à morte, quæ nemini
 parcit, uadimonium significatū sit, & tūc uox illa inde-
 fessa, & ferrea, nō sine reipu. literariæ iactura periijt,
 set eū sic impetit & repellit, ut homicidij insimulet, fū-
 ctioe nō cōtētus, quasi uita, aut mors ab hominibus pē-
 deat, morti q; potius, quàm uitæ hominum studeremus,
 bona interim pace impetrata illū audiamus Turinū, q
 cursum Curtij haud impedit, cuius hæc sunt uerba:
 Magis accurate scripsit Odus discipulus, qui plus
 prandere solitos quàm cœnare excipit. Quicquid de
 coena & prandio pronunciauit Curtius hoc descri-
 psit

Hoc de athle-
 tis intelligas.

95 97 98 99
 100 101 102 103
 104 105 106 107

Rationes Tu-
 rini in Cur-
 tium.

psit uerius quàm transcripsit Odus quod in lucē edidit. Nos Galeni æmuli sumus. Nos opiniones Curtij uolumus iugulare qui nouarum opinionum est autor. Quinq; sunt cibariorū genera. Cœna nomen est antiqū quod pro prandio sumebatur: sumebāt nāq; anti qui tribus horis ante solis occasum, quæ hora nona dicebatur. Auicēna alteras partes in prandio, tertiā uero in cœna dabat, ne uapores caput ascenderent. Hæc sunt Turini monumenta non prorsus ociosa, quæ magis ad coruos, quàm ad Christianos medicos sunt releganda, quibus nos facit dignos, ut illi nihil nō debeat tota medicorum schola, quibus sic respondeo, & exinde finem mihi constituo. Ad primum deuenio, cui ego secundum adiungo. Vult Turinus Odum doctissimum Curtij discipulum omnia (quæ Curtius præceptor affirmauit & docuit) descripsisse potius, quàm conscripsisse, eūdemq; melius, quod citra controuersiam minime fieri potest. Porro demus discipulū præceptore doctiorem, quid inde sequetur ne erit hoc totum præceptoris, gratia restitutionis non referetur reuerentiāq; tolletur? absit. Nihil enim habemus, quod non acceperimus à dijs, parentibus, atque magistris, quibus religionem ac fidem debemus. Neque Alexander Macedo Ethnicus quondam summus monarcha sui præceptoris Aristotelis usquam immemor fuit. Cuius extat iamiam Latino sermone à Viuantio Galterotio donata epistola ad Aristotelem de rebus Indiæ mirabilibus, qui sic exorditur: Semper memor, inquit, tui fui etiam inter dubia bellorum nostrorum pericu-

la charissime præceptor ac secundum matrem meam
sororesq; meas, acceptissime quando te philosophiæ
deditum noueram, scribendum tibi de regionibus, In-
diæ ac de cœli statu innumerisq; serpentum, homi-
num, ferarumq; generibus existimaui. hæc ille. Sed ad
reliqua progredior. Nos, inquit, æmuli Galeni sumus,
quod ego facile crediderim, quod imitari non posset.
nam ijs inuidemus, operaq; eorum multis linguæ macu-
lis aspergimus, quos aut superare, aut imitari nō pos-
sumus. Quinq; sunt (ut uult) ciborum genera, quasi nō
contenti, ij ad quos Galenus scribit duobus, & quo-
rum sanitatē uult seruari, quod iam admonuimus ubi
de plebe alioqui fæce populi sermonem fecimus.

Nos uolumus opiniones Curtij iugulare. medici nō
est officium, sed potius carnificis iugulare, neq; absq;
iugulo (hoc est absque ratione) iugulare potes. Cœ-
na ambiguum esse antiquis uocabulū, hoc ego fateor,
quod cœnam cum prandio sumerent unica mensa utē-
tes, nam hora nona quæ est tertia ante solis inclinatio-
nem accipiebatur cœna, quod uero post illam aliam
sumpsissent, hoc tolerabile non est nisi noctē insomnē
duxissent. Quare, amice lector, cœnæ & prandiij ra-
tionem uultu non ingrato accipe, neque nasum strin-
gas, si quid est quod aures tuas offendat, set boni po-
tius consule humanæ imbecillitatis non immemor: plu-
ribus enim quàm necesse fuerit egimus, set urgebat
nos ueritas, quæ filia est temporis, quæq; in disciplinis
maxime candicat, alioquin futurum diluuium necessa-
rio eueniret, omniaq; in peius corruerent, non enim
debet

debet ueritas in controuersiam trahi, set sic nobis male placemus, ut iam sit hoc tritū & lippis ac tonsoribus notum turbam medicorum perturbationē & sermonum inconstantiam adferre. Quod Hippocrates in libris de regimine acutorum detestatur. sanè insit huiusmodi quæstiones, medici neque proponere, neq; propositas explicare consueuerunt. Quamobrem populares graui admodum calumnia uniuersam artem damnant, perinde ac si nulla uideatur esse medicinæ professio. Tanta enim est artificū pugna, ut quod unus saluberrimum id alter protinus perniciosum esse contendant. Quare post tot sectas & hæreses propter quas Cicero dolens Deum nō cognoscere dicebat, uni rei adhæreamus, & eam mordicus teneamus, sic fiet, ut tota illustretur ars, radiosq; effundet per totum orbē. Et ubi silentio opus erit, sileamus, ubi uero instructione, instruamus, neque ego uererer à puero abire doctior. Quare alter alteri non simus carnifices, quod his uerbis solet fieri, Quum occidit, prior nō fui uocatus, Iuuenis est medicus, ego iam habeo canos à quibus repuerasco, & cætera id genus, quasi ab ipsis potius, quàm à CHRISTO (propter quem immortaliter gaudemus) uita pendeat. Valete, & melius sapite, ac uiuite.

Vatiz multorum scripta
ignotā red-
dunt artem.

F I N I S.

Solī Deo honor.

Vniuersalis mor

BI ARTICVLARIS PRÆ
CAVTIO ET CVRATIO

(quem Podagram dicunt)

Autore magistro Petro Toletō doctore medico.



VM TOT, & tales uiros
eo morbo (quem podagrā di-
cunt) grauiter, ac permoleste
conflictari intelligerem, &
ita ut à ualetudine impatibili
odium uitæ sumpfissent, Chri-
stianum esse duxi illorum desi-
derijs morem gerere, hoc est auxilium adferre, & po-
dagram bestiam profecto truculentissimam, ita obtrū-
care & euellere, ut nullum inde renascatur caput. Nā
hydræ multicipiti non dissimilis, cui multa renascun-
tur capita uno obtruncato, set timeo, ne multis rarum
& nouum quoddam animal uidear, tanquam coruus
albus inter nigros, quod profecto difficillimam ducāt
podagricos, & eos, qui ea affectione laborant, resti-
tui posse, quasi ab Hippocrate, Galeno, & à cæteris
morbum deploratum & extinctū didicerimus. Qui-
bus ego in summa respondeo, nam nolim ego tempus
conterere, in maledicorum (quibus hoc ea in re infæ-
licissimum seculum abundat) resutatione, quæ tādē
contumeliam potius, quàm auxilium expectaret. Itaq;

cedendum potenti inuidiæ esse cenſeo. Nullum ergo eſſe morbum quantumuis intolerabilem dicimus, qui (ubi uirtus uicta non fuerit, alioqui omnem operam perdis) minimo non reſtituatur pharmaco, ſi modo apte applicetur, neque panem pro uino, frigidū pro calido, ſiccum pro humido exhibeas. Neque perierunt qui hæc promptiſſima remedia ſunt experti, ipſi me iudicent aut exhibilēt, ſet rē aggrediamur, in qua tria ſum facturus per ordinem, primum eius cauſas inquiram, exinde aliquot differentias reſeram, demum medicamentis & defendemus & reſtituemus, ciborum delectu & ordine nō poſthabito, generant autē hanc affectionem, quæ communis coxendici, podagræ, & articulari morbis exiſtit, quare uaria ægritudo dicitur. Aſidue cruditates, immodicus rei ueneræ uſus, ciborum copia & uarietas à quibus uentres rectiſſime dicuntur aliquando deambulationes concitatiores, & hæmorrhoides ſuppreſſæ, & uomendi conſuetudo intermiſſa, & menſtræ purgationes, aut etiam aliæ familiares excretiones impeditæ, & exercitiorum contemptus, aut alicuius humoris ualida ubertas, necnon parentum uitium, quo foetus corrumpitur in podagram, à quibus morbi (teſte Plinio) ſuccedentes dicuntur.

At poſt cauſarum adnumerationem, differentias colligamus, ut inde omnis amphibologia uitetur, & ut intelligatur quid ſit id, de quo ſermonem ſumus facturi. Differentiæ podagræ, & arthridæ, his colliguntur. Nam affectio podagrica, & arthritica in eadem ſpecie morbi exiſtunt, differunt tamen ipſis locis affe-

Atis

Podagræ generatio & ſpecies.

Nunc differentia ſequuntur.

Etis, non autem ipso genere. In omnibus enim est debilitas articulorum diuturna cum fluxione, quæ quidem si in pedibus perficitur, podagra nominatur, si uero in aliquo coxarum uertebro, Ischias, hoc est, coxendicum morbus, si uero in multis articulis corporis immittitur, arthritidis, siue morbus articularis uocatur. Et hæc de differentiis sint satis. Quare ad tertium omnium difficillimum deuenio. Quid amabò prodest curuitatem, aut gracilitatem, aut calores non immodicos nouisse, & in melius restituere, aut meliora facere nescias? Initium igitur curationis ab euacuatione sumito humoris affligentis, & siquidem humoribus ex æquo redundarit corpus, præ omnibus uenæ sectio sumatur, quæ in principio omnium inflammationum reuulsoria esse debet, paulatimq; fiat, ut pluries repetatur, deinde etiam purgatio, postea uero ea quæ dicuntur pharmaca opportune, & ordinate adhibeantur, ita ut in manibus quidem, & pedibus pharmacis fluxum repellentibus utamur. Circa coxendicum uero iuncturam, id facere uitemus, quum enim hic cōnexus in alto sit situs, quare lenitiuis à principio opus est pharmacis, atque ea neque omnino refrigerent, neque fortiter calfaciant. Nam pharmaca quæ aut acria sunt quæ bullas excitant, aut repulsoria uel repellentia, mala proculdubio sunt, & quibus uti non liceat, & qui his utitur magni mali autor est, mortemq; pro uita inducit. set gratia exempli hæc Ischiadica irrigatio adferatur. Primum ex oleo rutaceo, postea uero efficacior irrigatio adhibenda est, qualis est quæ ex cy-

Initium curationis,

Phlebotomia principio fiat reuulsoria.

Morbi anti-
qui & validi
curatio.

prino oleo, & aceto cōstat, post quæ utitor clystere acriori (ut bene nouisti) in quo sit terebinthina. Et hæc de morbo non adhuc ualido, cuius radices nō sunt profundæ. Superest nunc antiqui & ualidi morbi curatio, quod opus, labor est profecto non mediocris. Quæ tribus instrumētis, uelut bellicis machinis ad hostes oppugnādos radicitus euellemus, potionē, scilicet irrigationibus uel emplastris, & uictus regimine. potionē dico, quæ multiplex & uaria existit, pro temporis constitutione & humoris influentis multitudine: nam nō omnibus æqualis existit. Etenim alij ex caliditate, alij ex frigidityte ægrotant, atq; exinde etiā refrigerando, aut calefaciēdo, aut resiccādo opem sentiūt.

Interdicitur
balneum cū
venæ aper-
tione ubi mor-
bus iam anti-
quus & va-
lidus factus
est.

Neq; hic balneum locum accipiet, aut uenæ apertio, cuius rei rationem require ex oraculis antiquorum scriptorum, quando huc rationes artis adferri non debeant, quæ in scholis petendæ erant, set tātum medicamentorum ratio, & quibus sanitas aut restitui, aut conseruari possit, quæ certe prouidentia & consilio eget, etiam si sint, quæ ab ipso ortu, adeo improspere sunt corporis statu, ut ne si Aesculapiū quidem ipsum ijs præfeceris, uel sexagesimum annum uiuant. Primum igitur uiuendi modus paretur, quāuis aut uesci, aut bibere, aut respirare usquam à quoquā non didicerimus, set statim ab initio, & infantia, à primisq; uagitibus facultates in nobis habeamus, quæ hæc omnia, citra omnem docentem, perficiunt, optimum tamen uiuendi modum, quo ad symmetriam pristinam reducimur, haud præstant, quem sumus exhibituri

bituri. Quod si corpus nostrum impatibile, & affectionis omnis expertus esset, uelut lapis, & ea quæ solū esse habet, omnis uitæ expertia, arte ulla profecto opus non esset, quæ alicui tuendo præesset. Sed quum multa sunt (quæ ad duo reducimus) quibus & foris, & intus cōtinuo ab ipsa natiuitate offendimur & corrūpimur, opus certe fuit præsidio aliquo, quo uigoris tenorem quàm lōgissime seruaremus, & præpropere senesceremus. Ea uerò quæ nobis occurrant, & intus & extrinsecus incidunt, à quibus & utilitatem, & noxam accipimus, sex sunt numero. Et dicuntur res nō naturales, quæ corpus humanum incolume (si recte adhibeātur) conseruant, si uerò haud recte, tunc idē destruūt, sub quibus, sanitatis tuitio comprehenditur. uidendum itaq; ut quisq; rebus his non naturalibus commode, iuxta sui corporis temperiem & constitutionem, utatur, si modo plurimi faciat sanitatem suam. Et sunt hæc aer. 1. cibus & potus. 2. motus & quies. 3. somnus & uigilia. 4. inanitio & repletio. 5. animi adfectus. 6. de quibus omnibus suo ordine differatur, ad aerem primo accedentes, qui minime negligendus est, eo enim natiuus calor conseruatur, & eget, quādo eo nusquā nō utatur, neq; ulla est eius euitandi ratio, quādo, inuitis etiam nobis, eum recipimus. Aere igitur puro, non nubilo, non crasso, qui auram pestilentem non spiret, nec halitu stagni, aut paludis inficiatur, ut apud Segusiam nos fit, quare in summa pessimū cælum fuge, nam morbum facit, set potius saluberrimo utere, in quo non sit qualitas aliqua exuperans, qualem adferunt horæ ali-

quot dici, & dies anni & mensium selecti. Set acere utcunq; præscripto cibos cum potu paremus & exhibeamus, quorum usum quasi per transfennam describimus, quibusq; inanitionem & repletionem (quæ bisariam, ut paulo inferius dicetur, à medico considerantur) addemus. Circa igitur cibi & potus rationem, habenda est bonitatis, mensuræ, qualitatis, ordinis, tem-
 ptio. poris, & horarum consyderatio, quod pulchre docet Gal. omnium haud dubie (post unicum Hippocratē) præstantissimus. Cum igitur, inquit, esse, bibereq; animalibus necessaria sint, has autē res subsequitur excrementorum generatio, quibus mora cōtingit, aut ipsius cibi, potusq; culpa, aut ipsius uentriculi unā cum intestinis, aut propter ordinē utendiq; modū, aut propter eorū qualitates, siquidem acerbæ, austera, aut sicca naturæ fuerint. hæc ipse. Et ne uideamur negotium effugere aut potius rē aggressam sub uelamine breuitatis (à qua obscuriores simus) ignotā & ambiguā proponere. Dicamus itaq; (post toties ab Hippo. Gal. uires alimentorum repetitas, à quibus plenus horum catalogus petendus) qui cibi sunt eligendi, & qui euitandi, ut exemplo aliquo proposito reliqua eiusdem generis notissimā fiant. Quare hunc seruato ordinem & utendi modum, assarū potius quàm elixarū carniū usum retine, leuia primum locum retineant, & quæ pinguiæ, aut humida, aut dulcia sunt, citra tamen insignem qualitatem & uigorem, quæ sicca astringentiū ue sunt, secundo loco sumantur. sit etiam æqua ciborum partitio, ut si bis sit edendum, totum una uice non sumatur, mo-

re Rromanorū, qui totum una mensa deu orant, quod
tribus mensis sufficere poterat, quos arguit & monet
diuus Hieronymus, inquiring melius esse, sepe parum,
quā raro satis. Set ad mensam redeo, quam quedam
bellaria (quæ neq; stomachum, neq; cibos corrumpāt)
claudent, ut sunt cotonea sub cineribus cocta, aut sac-
caro condita, aut pira non petrosa, etiam igne pro-
bata, aut saccarato puluere utere, ex coriandro, ani-
so, cinamomo, & saccaro confecto. Quantū attinet ad
eiborū delicias, & condimenta, summopere ab acido
uino abhorreas, uice cuius erit tibi ius ex acetosa, ex
malis punicis aut Indicis, synapium etiam cum sacca-
ro inutile non erit, cuius usus hyeme tantū fiat, & in
prandio magis q̄ in cœna. Sit potus ex uino sanguinei
coloris (uulgo chastain dicunt) q̄ color proprius sit
castanearum. Nunc post usum hunc, breuis quedam
fiat admonitio eorum quæ ab alimentis reiiciēda sunt,
ualetudinarijs enim loquor, & ischiacis, qui lon-
go dolore nec facile solubili, per temporis interualla
repetente etiam usq; ad imos pedes affliguntur, cuius
generis sunt carnes suillæ, & porcine, inter quas que-
dam existit differētia à sola etate, & bouillæ, quæ ue-
rò nemora colunt retineātur, anates & quotquot sunt
aues quæ in paludibus & fluuijs degunt, holera etiam
omnia cruda (quæ ijs qui non admodum ab optima cō-
stitutione deficiunt relinquimus) mensas uestras mini-
me attingant. Lac omni studio cibis nostris nō miscea-
tur. Neq; huc pertinet ratio quæ ab scholis est mutuā-
da. Sitis etiā parcissimi Ichthiophagi, & hæc de cibo

De ciborum
delicijs.

De synapio.

Vini sangui-
neum.

Ex hippocra-
te collegi car-
nē porcina à
suilla differre
in libris mor-
borū acuto-
rum.

et potu inter quos cuitabitur inanitio et repletio.

Neque est omittendum inanitionis varios esse modos, nam

Modi varij
inanitionis.

inanimus inedia, frictione, purgante pharmaco, uomitu, cucurbitula, uenae sectione, balneo, coitu, haemorrhoidibus, insensibili euaporatione, lotio, somno supra famem, et reliquis quae calamo scribi non possent. Neque unum est omittendum, quod proderit meminisse, inedia

De inedia
quae multis
mortem ad-
fert.

diam (quae plures excarnificat) ab ijs non tolerari, qui amara abundant et infestantur, quae extreme laedit, acriorque fit longa inedia, a qua laeditur quoque uirtus, imbecillaque fit, quae multos morbos curat absque medico ministro, ea namque uicta operam omnem perdimus. Set

somnum et uigiliam cum motu et quiete accipiamus. Tempus autem somno accommodatissimum est post cibos cum modica intercapedine, post quos exercitatio inutilis est, ut satis superius ex Galeno de prandij et coenae ratione insinuauimus. interdiu uero somnus factus, non omnibus est idoneus, quare somno nocturno haud est alius melior, siquidem suapte natura, tum humore, tum tranquillitate coctionem perfectam efficit. Ceterum quantum dormire liceat, hoc ex perfecta alimentorum concoctione, tum ex uentris contractione deprehendere licebit. Multi septem horarum spatium praescribunt. Set longius multo conuenit ijs, qui tarde digerunt. obseruandum quoque somni decubitus idoneus, qui supinus aut resupinus non sit, quem in uniuersum damus. itaque supra dextrum latus primum, deinde sinistrum decens fiat decubitus. Porro quod ad uigilias attinet, conuenit has moderate adhibere, quae si modum excefferint, cerebri temperiem corrumpunt, sensus debilitant

somnus non
surnus alijs
praestat.

tant, uirtutes deiiciūt, cruditatē incoctionēq; efficiūt. Neq; ualent exercitationes quæ ad summū fiūt. Quare modū nō excēdat somnus et uigilia. De motu autē q̄te quo cuiusuis generis exercitia intelligimus, hæc accipe, ut tēporis rationē nō parua habeas in tuis exercitijs. Nā quoniā alimēti digestionem in corpus, et eius mēbra adiuuāt, nō debēt exercitia fieri quando crudi incoctiq; cibi, aut humoris multitudo, uel in uētre, uel in uasis cōtinētur, ne in omnes partes rapiātur, priusquam utiles sint per cōcoctionē. Porro quēadmodum exercitiū cōmode corpori administratū cōmoda adfert nō pauca, ita quies, si fiat ubi corpus ex multa motione fuerit defatigatū. Iā reliquū est, ut ad animi adfectus pergamus, proinde ad sanationis scopū, qui est euacuatio humoris redūdātis unā cū corroboratione partiū debilitata. Animi igitur affectus (quos Græci πᾶσι dicūt) negligendi non sunt, neq; est modica uis in animi affectibus. Nā cogitatio per se, et sola absq; instrumentis tristatur, letatur, timet, confidit, sperat, et cōtrā. Quidā enim præ gaudio mortui sunt, quidā etiā præ dolore et mœstitia, deniq; per irā articularū, morbos et paralyses oriri cōperimus. Quare rebus nō naturalibus utut expositis, pharmacorū purgantium et reliquorū remediōrū cāpū aggrediamur, omni exitioso pharmaco seposito, ne cōscius mortis medicus censeatur, quale est repulsiuū, aut stupefactiuū, aut bulas excitans. Igitur cōsyderet medicus, nūquid idonee se habeat eger ad purgationē. Nā tempore inflāmationis, et doloribus instātibus, haud apta erit purgatio,

Medicus nō
fit mortis au
tor, quod fit
ab exitioso
medicamēto,

neq; quoduis refrigeriū. Quare his utitor, quæ & remittunt, & sanāt. Nā teste Cornelio, pollicetur medicina sanitatē, sicuti agricultura fructū, & frumētī abundantia. Set quid sit medicamētū dicamus, quādo finitione quid sit, rei q; essentiā & naturā significamus, medicamentū id est, quod parū, aut nihil alit, set quod, aut immutare aut alterare possit corpus humanū, quod est scopus noster, uulgo subiectū dicitur. Distinguuntur autem ipsa medicamēta pro modo & uarietate tēporis. nam alia sunt corpori hyeme, alia æstate, alia autūno & alia uere idonea. Porrò mouētur hi dolores frequentius uere & autūno, æstate etiā multū arida & calida, quod Cornelius Celsus de articulorū doloribus libro 4. eleganter docet. Maiorē uerò, inquit, curā adhibere debēt hi, quibus id reuertitur. Quod fere uere, autūno ue fieri solet, set frequentius his tēporibus prius recurrit, quibus ad frigidum aut ad calidū inclinamus. Quare uere sic defendito.

Corpus humanū scopus medicorum est, subiectū uulgo dicitur.

Corne. cel. libro. 4.

Veris defensio.

Rz. syrupi de cichorio cū Rhabarbaro, de fumo terræ, de buglossō, & malorū punicorū ana. ℥. iij. aquarum acetosæ hoc est oxilapathi uel hortēsis rumices (quæ à Dioscoride oxalida appellatur) graminis, rosarū, & fœniculi ana. ℥. vj. misce ad quinq; portionis (doses enim dicunt) & cum istis placentulis utere mane solum, tribus horis ante cibos.

Rz. electuarij diarodon abbatis Rhabarbaro duplicato. ℥. j. utere cum syrupis.

Rz. yuæ arteticæ (quā chamæpityn dicūt) fumarie quæ terræ capnos dicitur & lupulorū ana. M. j. florū borraginis, uio

ginis, uiolarū, et nimpheæ ana par. ꝑ. florū thymi ꝑ. ꝑ.
 senæ mūdātæ 3. j. ꝑ. myrabolānorū citrinorū (chryssos-
 balanōs dicūt) ꝑ. kebūlorū ana. 3. ij. seminis anisi, fœ-
 niculi, ꝑ. cuscūtæ ana. 3. ꝑ. uuarū passarū mūdātārū,
 ꝑ. prunorū damascenorū enucleatorū ana, paria. xij.
 seminis melonū, ꝑ. cucurbitæ ana. 3. ij. misce, ꝑ. oīm
 fiat decoctio, cuius colaturæ adde diacatholiconis, ꝑ.
 conseruæ prunorū sine scāmōnio (officinæ diaprunon
 simplex dicūt) ana ꝑ. ꝑ. cōfectionis hamech ꝑ. iiij. ra-
 dicis barbaræ cū cinamomo, ut est artis infusi, ꝑ. post
 decē horas expressi 3. j. agarici trociscati in oxymeli
 te preparati, ꝑ. mane per pāniculū excolati 3. ꝑ. fiat
 potio exhibeatur die idonea, ꝑ. electa, post usum syru
 porū. Die uerò sequēti ante aurorā, sūme theriacēs 3.
 j. cū rosis ꝑ. floribus buglossi cōditis ꝑ. eā mixturā de-
 uoret, cibos à mixtura nō sumat spatio sex horarū. ut a-
 tur per aliquot dies his placētulis, (electuaria uocāt)
 Rx. pulueris diarodi abbatis, ꝑ. trium sandalorū ana
 3. j. rhabarbari optimi puluerisati 3. j. saccari candi-
 di ꝑ. quā purissimi ꝑ. iiij. cū capni terræ aqua ꝑ. en-
 diuie ꝑ. cichorij, ad ignē formētur placētulæ pōderā-
 tes 3. ij. utatur omni die unā cum uno cochleario uini
 aromatici, ꝑ. hic cibus prādiū præcedat tribus horis.
 Et si per æstatē aluū fluidā non habeat, utere rore sy-
 riaco, aut siliqua egyptia, aut tamarādis, aut atramēto
 radicis barbaræ, aut syrupo rosaceo purgatorio: his
 omnibus aluus exoneratur, quorū usum accipe diebus
 idoneis. Præcautio quæ fiet in autūno unā cū hyme.
 Horū omniū quæ sequuntur in itiū sūme mēse octobri,

Electio die-
 rū nō super-
 flitiosa quæ
 sumitur à lu-
 na.

De æstate,

aut sub eius finē R̄. mellis rosacei excolati, syrupi de
 absynthio, sticados & de buglossō ana. ℥.ij. aquarū be
 thonica maiorana capillorū & yuae artetica (quæ cha
 mapitys dicitur) ana. ℥.iiij. misce ad. 4. doses, adde nu
 cis moschata (quā odoratā dicūt) ℥.j. & cinamomi ℥.
 j. R̄. electuarij diaron abba. ℥.j. pro potione humore
 digesto, catapotijs repurgetur, quorum datur descri
 ptio R̄. pilularū imperialium absq; tripolio (offici
 na turbith dicūt) de iera simplici, & hermodactilis
 minoribus ana. ℥.j. rha. optimi. ℥.℥. cū melle rosato
 colato fiant catapotia quinque aut sex, quæ deuoret ho
 ra decubitus, & eo die nihil cœnet, die postero acci
 piat confectum mitridaticū cum theriaca & puluere
 diamoschi dulcis non neglecta sex horarū abstinentia,
 sequētib; autem diebus sexto quoq; die mane utatur
 theriaca antiqua, descriptione Andromachi ad drach
 me unius pondus. Et ut ceterorū dierū rationem ha
 beam, pro uoto tuo utere mastiche, cuius usus fit bis
 riam. aut enim deuoratur, aut manditur & in ore reti
 netur, uomitorijs etiam aut ante cibos aut post pro uē
 tris saburra. Et si per hyemē uenter liberaliter nō
 fluat, hac purgatoria mixtura moueas. R̄. cassia ad ua
 porē aquæ feruētis (in qua aliquid sit sceniculi & ani
 si) extracta ℥.ij. dyaphiniconis ℥.℥. cōfectiōis hamech
 ℥.℥. rhabarb. optimi ℥.ij. senæ mundatæ ℥.j. ℥.℥. misce,
 & cū syrupo bisantino tepido reduc in eā formā quā
 opiata dicūt, utere ad quātitatē ℥.ij. bis in mēse idonea
 die, & ea die domi te contine. Quod si sic spissum nō
 placeret, dissolue cū iure cicerū rubeorum & hordei.

Duplex vsus
 mastiches.

Nec dubito quin multos & innumeros sit reperire, noctu diuq; pergracātes, qui hæc quæ ad languētes potius, quàm ad medicos (quibus solus Hippo. cum Gale no relinquitur) scribimus, negligent & execrentur, caryocostinum præferentes, medicamentū certe promptissimum, quod ego non eo inficias, nā omni podagræ, uelut unus calceus omni pedi, apte exhibetur, cuius autor est medicus insigniter senex purpuratus (quem propter suos canos, & doctrinam antiquā uolo reuereri) set proponatur cōpositio, iudicetis exinde exitialis ne an salutifera fuerit, neque de his uiris inique & inepte iudicandum est, descriptio hæc est. *℞. hermodactylorum alborum à cortice mundatorū, & diagrediū añ. ʒ. ij. gingiberis, costi, cimini, caryophyllorum añ. ʒ. j. trita, & cribrata, cum syrupo ex melle & uino albo facto conficiantur & cætera. Vi-* dete per gratiam an huius cathartici ratio nihil molesti, nihil uenenati habeat. nam ego (ne limites propósitos egrediar) plura non dico. Quare ad podagrā redeo, ad quam castigandam, aut sedandā, parum aut nihil profuisse uiderer, si post omnes tuitiones, & omnem prouidentiam, partibus actu dolentibus & passis non mederer. Quare his leuibus malagmatis, & refrigerijs utere, quæ noxā nō adferēt, usu uini si ætas, regio, tempus, & uires patiantur, posthabito per aliquot dies, loco cuius accipe aquam saccharatam cōctam cum cinamomo, aut simplicem cum iulepo rosaceo, aut uiolaceo, extrinsecus uero apponātur hæc locis dolentibus. *℞. oleorū rosacei, & camomillæ añ.*

Caryocostini descriptio.

Remedia qui
bus præsen-
tes dolores
tolluntur.

℞. iij. uermium terrestrium libram ꝑ. terebinthinæ uen-
netæ lotæ ℞. j. R. linimentum emplastri modo. ad idē
emplastrum diachylonis Iræti, loco dolenti appositū
sanat. Aliud. farina fœnogræci cum melle, & aceto ad
ignem in formam emplastri reducta, & applicata sa-
nat. Singularissimū, quod sæpe sum expertus, stercus
recens egestum, & appositum, omnem dolorem tollit.
Poteris etiā uulpino oleo, & camemelino uti. Ceterū
interim dum nullo exercitio utimur, propter dolores
immodicos: neq; tunc excrementa probe expellūtur,
utilis erit ante omnem comestionem, aut glandis, aut
clysteris familiaris (quem communem dicunt) usus,
potius quàm pharmaci solutiui, à quo fluxiones tunc
maiores fiunt, & uirtus quæ dolores & morbos est su-
peratura, imbecilla fit. Deniq; post mentionē reme-
diorum, & totius prouidentie, quæ necessaria huic lo-
co uisa est, quam ob causam membra fluore infestē-
tur dicamus, quæ sit etiam curuatorum articulorum
causa. Quibus omnibus rite expositis, finē faciemus.
Prior igitur causa explicetūr, de fluidarum scilicet

Causa fluxio-
num.

affectionum generatione, quæ quidem una est & præ-
cipua, membris uidelicet fortioribus superfluum de-
mittentibus, imbecillioribus autem suscipientibus. Cæ-
terum articuli ipsi ex assiduo motu debiliores red-
duntur, quòd si humores plures fuerint, maior contin-
git affectio, si uero pauciores minor. Set incuruato-

Causa incur-
uatorum.

rum causa iam dicatur. Incuruatorum enim causa, to-
ta, & à medicis, & à medicamentis pendet. nam aliij
immodice refrigerant, aliij autem uehementer discu-

tiunt

tiunt, ex quo sanè partes nervosas inspissari contingit, incuruari & distorqueri. Quare his optime observatis & intellectis, quæ large à nobis denuntiata, & à secretioribus medicine in usum communem producta sunt Dei immortalis nutu, à quo omnis datur sanitas, quique solus læguores sanat & animi, & corporis, Fiet ut podagra nunquam langueas, & maturè vires recipias. Vale, & gratiam habe.

D. Petro Toletio

MEDICO CLARISSIMO

HERMANNVS BEXIVS

S. D.



PRAETER spem tertio idus Octob. mihi tuæ de ratione operis tui traditæ sunt literæ, quibus eodem ferè temporis puncto uarie affectus sum. Etenim ubi perlegissem, partim ingenij tui elegantia, suauitate, ac in omnem partem rara quadam & felici uolubilitate, partim noui operis grata dispositione, atq; seriorum amabili condimento, ab ipsis poculis, & comitum (in quos forte incideram) meorum colloquio, non sine magna animi exultatione in profundam cogitationē distractus sum. Quid tamē euenerit breuiter accipe. Vt me amœnæ infixum meditationi, animumq; repentino gaudio persusum conspexissent, importunius omnes totius cætus nomine interpellarunt, rogantes ut eius gaudij non grauarer eos facere participes, quod facile concessi, sperans solidius hac communicatione & uberius mei incrementum gaudij. Verum longe aliter euenit, Nam quo nomine mihi (dulciū nempe & illecebrarum cum grauibus condimento) persuasum

suasum est, omnibus, qui sani sunt iudicij libellū tuum commendatissimum, & ut dici solet, ambabus ulnis amplexandum fore, hoc illi imperite & acerbe satis detrahebant, tragice exclamantes, ἐν τῷ φαρμῇ μύρον, Medicinæ sepes medicum transgredi iniquum, falcem in alienam mittere messem sceleratum: Atra albis cōiungere imperitum & ineptum esse, Atq; pro piaculo habentes, si quis sacrosanctæ (ut certe est) medicinæ uel tantillum salis & recreationis (quod hic factum est per epistolas prodigiosas, succo tamen neque medulla carētes) in animi defatigationē inspergeret. Quibus quid respōderim latere te nolo, aliud nihil impræsentiarum in uotis habens quàm ut ijsdem his uerbis responsum sit omnibus quotquot in posterum eadem seu impudentia, seu imperitia obstrepuerint. Vtrum cogetis medicum δεινὸν πάντοτε, καὶ τῷ ἀνθρώπῳ βίον, & qualem clarissimus poëta multis alijs præponit ac digniorem facit hoc præconio, ἰατρὸς ἀνὴρ πωλλῶν ἀντ' ἑξέως ἄλλων, Illum inquam, medicum phar-
maco, podagræ, diætæ, prandij & cænæ rationi, aëris infectioni, & huiusmodi tetricis cogitationibus ἀποδομοῖς καὶ δυσοῖσις, sine ulla intermissione inherere, neque ueluti suturem ultra crepidam ad liberaliora & magis ingenua unquam progredi? Non ad ea (ut ta-
ceam quod recreent, reficiant, animiq; uires acuant) sine quorum saltem mediocri cognitione mihi nullus absolutus est medicus? Non arbitror. Ad hæc scitis quantum momenti apud ægrotum uel fidelis & amica consolatio, uel amœna & rerum uarietate, prodigiosis

giosis, sacris, prophanis condita, atque grauibus intertexta, narratio habeat? Vsq; adeo ut egrotus præter omnem expectationem suam, medici, amicorum repente nonnunquam pristinae sanitati, beneficio factiarum & animi recreationis restituatur, nedum à laboribus subleuetur atque temporis molestia ei diminuat. Et quemadmodum hoc fit in uiua praxi, ita quoque ij qui in politioribus, & sacris Musarum aditis ultra alios progressi sunt, in longi operis continuatione conari debent, ut & in exordio, ubi rhetores lectorum & auditorum animos attentos ac beneuolos reddunt, & sparsim per omnem orationem ablectamenta & ueluti illecebræ quædam seminentur, quibus instaurari & refici animus longo cursu & fatione iam serè exanimatus poterit. In qua sententia & Horatius est, inquit;

Omne tulit punctum qui miscuit utile dulci.
Id tamen locopletius faciendū (quod tu clariss. D. Petre obseruasti) in calce libri, ubi quodammodo Alcinoi hortus omni florum uarietate & fragrantia amoenissimus adornandus & construendus est: In quem lector cum se receperit, & refocillari possit, & uires, atq; animū colligere, ad reliquū itineris spatium, discusso omni tædio, cū maiori fructu & auiditate perueniendum. His & alijs, quas longū esset recēdere nō iniquis rationibus in cōuiuio habitis uicti, qui prius obtrabant obmutuerūt. Cæterū te hortor, ut si res exegerit, nō graueris hac eadē defensione uti, nisi probabiliorem & efficaciorē domi habeas, ἡ δὲ ἀντὶ τοῦτο καὶ
μακάρε, ἐν τυυχῶν διατίλει. Lugduni Cal. Nouemb.

Mar. Antonius

BAVCIVS PETRO

Toleto Physico doctiss.

S. P. D.



TSI tibi pollicitus fueram
Physice percelebris, me sta-
tim ad te literas daturū à meo
isthinc discessu, id tamen in
hanc usque horam facere di-
stuli pluribus de causis, quas
si recēdere uoluero, scio pro-
culdubio te cachinnos effusurum, cū humanam fidem
superent, & prodigij potius, ac ostenti, quā ueræ
narrationis loco haberi possint. Adeo sunt inusitata
hæc, & penè inaudita, & (ita me Dii adiuent) quā-
quam ea omnia uiderim, liquidoq; perspexerim, so-
mniasse potius mihi uideor, quā mirandis his rebus
interfuisse. Quinimò hærebam sæpius, ac mecū animo
reuelebam Asinum ne in Apuleianum uersus essem
magicis incantationibus, an uero ille is M. Antonius
qui pridem fueram essem denuo, tantum mihi uideor
ob hæc insolita mutatus ab illo Hectore. Nec ea (cre-
de obsecro) præterquam tibi homini amicissimo cō-
mittere auderem. Proinde sint hæc apud te sepulta,
rogo, donec dies lucem his (sic dixerim) præstigijs

Aliud oftentum.

afferat. Equa trimestri tantum prægnans leporem perit, lepus editus, continuo humana uoce locutus est, & matrem dentibus suffocauit. Adhæc dum sanguinem maternum pro lacte sugeret, uisæ sunt propalam eius tergo plumæ longiusculæ innasce in alarum morem, quibus innatis, altiori, quàm soleant homines, uoce hæc protulit, Fundite iam lachrymas, & suspiria miseri mortales, ego hinc abeo. His dictis statim euolauit. O rem nulli credendam, sed uero ipso ueriores. Tabelliones publici septem numero huic ostēto affuerunt, qui documenta sumpsere, testibus idoneis euocatis. Iam uero & illud mirandum, Nouembri hoc mense cerasus aurora prodeunte effloruit. Mox cerasa uisæ sunt, magnitudinem Duracini persici exuperantia, saporis plus quàm sapidi, ex his ego quàmplurima degustauit, & quatuor adhuc seruo, quò possim naturæ miraculum pluribus commonstrare. Sed hoc posterius non adeo mirandum, quàm quod nūc audies. Memini nanque me legisse multis in locis hoc factū, ut aliquibus annis arbores fructus suos serius parerēt, & quod Maio mense producebāt, id in Septembrem distulisse. At hoc non ne monstrum est horrendū, & nulla prorsus fide dignū? Cui spectaculo nisi ego ipse interfuissem, mentiri quoscunque referentes dicerem. Reducebat oues pastas in caulam opilio, & forte accidit, ut pecus quædam macilentissima, ac penè scabie cōfecta, longo interuallo (pastor inconsulto ne an data opera eam à reliquis segregasset mihi incertum) reliquas sequeretur, eam lupus prægrandis, & cui cilia iam canescebant

nescabant conspiciatus, uelocissime insequi coepit. Ego illac trāsīens, ouiculam miseratus, quāmaximo poteram clamore, & cursu, lupi uim ab innoxia arcere conabar. Sed antequam appropinquarem pecudi (Dij boni quale prodigium) ouis macie ipsa macilentior hostili & rabido animo lupum aggressa, eum strangu lauit. Pecus in forū adducta, & lupus interemptus, de lectabile spectaculū prātereūtibz dedere. Quid omnis hęc portēdāt ignoro. Tu uelim ad me opinionē tuā rescribas, Oedipum enim te iampridē mihi constitui. uale, & me ama. Ex Diuo Marcellino VII. Kal. Decemb. M. D. XXXVII. raptiss.

TVVS, SI SVVS EST M. ANA

TONIVS BAVCIVS.

Salutabis meo nomine nunquā sātis laudatam Matronam Franciscam Arfagam, Ioachini Iureconsulti Sororem.

M. ANTONIO BAVCIO REVE-

rendissimī Nicēsis episcopi à secretis

Petrus Toletus ex professo me-

dicus S. P. D.

EXcusationem tuā accipio uir erūdite, quod tardius ad me dederis literas, quā hinc discedēs sis pollicitus: sed certe cū stylū tuū, quē fluens & innata eloquētia absq; illecebra fallaci tractat, tua etiā prodigia inspicio & obseruo, felicēq; corū progressum, meae felicitati sātis nō gratulor, quōd dignum me tuis istis literis reddidisti, quae usui, obseruationi, deletioni, imō hystoriae loco esse possunt. Quare quoties hēc le

go, te absentē cogitatione & animo (quo mecū uiuis) cōplector, & epistolā tuā deosculor, quæ me unā cum amore in difficilē nodū duxit. Nam non fidē meam, sed ingenij mei uires excedunt & superant quæ rogas, & si coram adesses, cum hæc tua (quæ enigmatisten te faciunt) sedulo euoluo, diceres profecto me in magnis & quasi perpetuis tenebris esse collocatū. Quare uehementissime admiror, imo uerò doleo quod hæc non tantum scribas, sed Oedipū me requiras, putans me hominē tāti iudicij qui possum ea, quæ nec Oedipus coniector solueret, explicare, à quo nulla uel elimatiōra, uel doctiora queas expectare, dicam tamen postquam placet, cum obtestatione me in culpa non esse si ad rē aut non accedam, aut potius ad mentē tuā non faciāt, neque ea sic exprimant, quæ narras tanquā testis oculatus, aut melius præfagiāt. Primū ad cerasum hieme fructiferā accedētes. Vniuersi natura semper prouida, quæ interitū non patitur, neque in necessarijs deficit, sed auget, uegetat, & tuetur, ne in culpa defensionis, & alimentorū esset, expectationēq; hominū spe dubia fraudaret & falleret, fructuosissima in tāta hominum solitudine, & tā perturbato omniū statu sese hoc tēpore (quo recluditur & subtrahitur, fugiēte sole) præbuit, & culpā, quā iniuria tēporis est cōmissura, nunc redimit. Neque uult illa tāquam omniū dea, quæ corporibus omnibus uel ad generationē, uel ad internitiōnē natis subiecta est, nō certe uult in suis mēbris quicquā sentire, quod stella illa martia, malo nostro præuisa, iam minatur & territāt. Natura igitur nos destitutos inquires? & deo semper optimo, & natura nos destitutos

Narratio.

stitutos & lapsos existima, tantū armis belloq; pesti-
fero oppressos expecto, nā nihil intra nostros parietes
tutū, nihil uacū insidijs, solā hominū facem nunc re-
gnare dicas, à qua præter sordidū & peruersum nihil.
sed huius portēti & tremoris sit finis: opus est adhuc
nobis aliquantū tēporis in equæ scetura uel genitura,
quæ nisi pricidiū cōmisset scripsissem de capra quæ
lupos peperit, & nihil aliud sequutū præter mortuū
prodigiū. At ubi uox humana in bruto & alogo audi-
ta est, & mors quāprimū à partu emissio est perpetra-
ta, admonemur etiā aliquid prænouisse. nepe teste Pli-
nio præmonent animalia & pericula & ruinas im-
minentes, & ut ad rem faciā, uenient profecto dies (ni-
si dei æterni benignitate defendamur) in quibus nati se
parētibus obsequium præstare putent, si ad necem eos
perducāt, imo egresferent, quod tūc nati ut talia senti-
rent, & se adulterinos perinde ac fuit lepus ab equa
illo tēpore decocto, & male adulto dicēt. Nunc restat
minus admirabile, magis tamē iocūdū uisu & auditu,
sed periculosum est præmature denūtiare, etiā si pro-
pe sit maturū. Occisus est lupus iam canus & senex ab
oue neglecta & scabie infecta. Occidetur certe, occi-
detur lupus, & hostis humani generis, prò dolor iādiu
in ouē Christi, & terra & mari grassans, nihil nisi fe-
rociā, irā & persecutionē dans. Quare deprehēde-
tur, pœnāsque celeriter dabit miser ille, quisquis est,
cuius ego nomini parco: nā bestia est multorū capitū,
moreq; foricis peribit, qui dū rostat, seipsum prodit,
& si ouis plagis onerata sit, uictura tamen est illū, qui
delictum haud inultū feret, maleq; illū multabit per

Christū, q̄ omnis uitæ perfectissimū exēplar est. Quare te, ò uir rarissime, amoris nostri causa rogo, ingenij nostri in dubijs & uero periclitantis causa hortor, ut me istis scrupis & uitæ incōstantis insomnijs, si denuo scribere, ut perbelle, & perq̄ docte nouisti contingat, animū & calamū in rescribendo tandiu ne remoreris. Et scito ingenia maxime solertia in his portentis fidē humanā superātibus plerūq; capi & ad perniciē elabi. Sed hæc hæctenus, pluribus etiā uerbis, quā necesse fuit, hæc scripta sunt, nūc ea quæ à me male solerti, de præstigijs minime uanis, & admirabilibus, quod affirmatissime ea scripseris, instituta & quodāmodo reuelata cognosce, & in bonā partē accipe, quorū te cēsorē propediē audiemus: ignoscas etiā iracundiæ nostræ, quæ iusta est, in eiusmodi nō solis, aut lunæ, sed hominū eclipses, in quibus & occasione & licētiā audacius scribēdi nacti sumus. Vale, meq; mutuo dilige, & tibi persuade quancūq; foeturā hoc ingeniolū edere unquā queat, tuā esse futurā, libēterq; quicquid efficere omnino ualeam, aut studio aut exercitatione artis meæ aliquid consequi, id sine ulla exceptione ad tuam amplitudinem uniuersum conferam. Iterum uale.

Te resalutat Francisca Arsaga pudicitia & casto amore plena & insignita.

OPTIMO PHYSICO DOMINO
Petro Toletto suo amantissimo M. Antonius Baucius s. p. d.

EXPECTABā omnino Petre doctissime epistolā à te aliquā usurariam, quæ tali me scēnore locupletaret, quo

Hominū ecli
pses.

ret, quo & tui ingenij argutiem, & eloquētiæ cando-
rem admirari possem, ac publicis gratulari studijs. Ne
que opinione falsus sum mea. Adeo enim scite, adeo ele-
ganter quæ tibi à me proposita erāt enigmata dissol-
uisti, ut nō Oedipū te iā arbitrer, sed delphicū Apolli-
nē. Et cū nemini magis ī prōptu sit obscuros sermones
dilucidare, quā ei ipsi, qui eos est cōmētus, tu adeo
luculēter de illis differuisti, ut nō sine stupore ea lege-
rim, imo ingenij uiuacitatē quā maxime admiratus fue-
rim, tanta sermonis puritate polles, & rationū uarie-
tate iucūdißima. Proinde uniuerse Galliæ summope-
re gratulor, quòd tali fruatur alumno. Maeste igitur
esto tua hac melliflua eloquētia, & te studijs humanio-
ribus (quod iā facis) dede, futurū nāq; est propediē, ut
summo cū dolore fateantur Itali eloquentiæ laudē ab
eis in Galliā per te auferri, quod apud Græcos de Cice-
rone ab Apollonio Milone scriptum legimus. Sed de
his haftenus. Salutē dices plurimā meo nomine præstā-
tißimo D. Gulielmo Arfago proprætori nostro do-
ctrinarū luci, & eius Penelopeæ uxori, cui addes &
Franciscā Arfagā, castitatis specimē. De me hoc tibi
spondeas uelim, te mihi esse charißimum. uale. Ex diuo
Marcellino pridie nonas decembres.

Uniuerse gal-
liæ gratulatur.

A discessu Tardiuonæ sum redditus stolidiore
omni stupidior. Itaq; nō miraberis incōstantiā sermo-
nis & epistolæ. Verū obsecro ut Reuerēdo D. Opera-
rio commendes quamplurimum. M. Anto-
nius Baucius.

M. ANTONIO BAVCIO AB

epistolis Reuerendis. Nicensis episco-
pi Petrus Toletus S. P. D.

DEo optimo maximo, in quo mihi tantum liceat
gloriarī, quod nihil habeam, à quo non acceperim,
gratias ago uir nō minus uitæ ornamētis, quàm ser-
monis puritate & candore clarissime, quod optatas
& foenerarias (ut dicis) literas à me receperis, quibus
& prodigia, & terræ portenta eius pondera inutilia
sedē naturæ occupatura ostēdi, & quā plenissime po-
tui enucleauī. Neq; me leuiter profecisse agnoscerē, si
facilis, & nimium obuius ille tuus amor, modium salis mini
me expectās, quo infirmum, & (quod cū bona pace dixe-
rim) incautum te etiā cuius umbræ, & pulueri præbes,
de me ea nō pronūtiaret & affirmaret, nec tale iudi-
cium, quale dii boni nō agnosco, nō proferet, quādoqui-
dē, nō me meis uirtutibus, sed tuis plane ornasti, à qui-
bus nolo prouocare, & appellare, etiā si tyrociniū &
rudimentū nō posuerim eorū, quæ ad plenum dicis me
attigisse & nouisse. Utinā tibi, nō in amore solū, sed in
eloquētia responderē, & me ex æquo tanti posses face-
re, quanti te faciūt, qui tua legūt & admirantur. Et si
te uirū ferme bonū constet, & ad meliora studia pro-
mouēda natū, notæ & expertæ fidei, & uitæ inculpa-
tissime, multaq; & illustria probitatis, sincerita-
tisq; exempla expromas, attamen longè aliter rescio,
quā ea admiratione, ea eloquētia ea argumentorū
minime exiliū (ut dicis) structura digna sit. Verū hæc
omnia

omnia (ut puto) magis ab amore, modestia, & benignitate, quam à iudicio emanant, quod merito in additione, & uera tuæ epistolæ retractatione adferis, te scilicet nō tibi cōstare, nec ratione quadā duci, quod facit mortiferū cupidinis telū. Quare erratū reuocasse uideris, ne te incōsulti iudicij & stolidi arguerē, sequutusq; es Mimi Publani cōsiliū, cuius hæc est sentētia, Ad pœnitendū properat qui cito iudicat. Literas igitur tuas prorsus negligā: periit ne opera, & impensa, sic beneficiorū ego immemor, præter meum morē, sic quid de me scribis, parui curabo, qui tuis literis uideris me restituisse, cuiusq; opera, & beneficio mihi sum redditus, & omni molesti liberatus, nullū etiā officiū prætermisisti. hæc igitur omnia sepeliētur? non certe, non hæc peribūt. neque est quod succenseas, aut sis mihi insensus, etiā si pro tuis in me beneficijs satis nō sum factururus. Sed cur hæc dicta sint à me, paucis intellige, & cur has laudes contumaciter recusem, aut libenter nō tulerim. Non debeo ego suauissime Antoni ita mihi Suffenus esse, ita placere, ut nō putē multis mea displicere, quamuis laudes nō debeā aspernari, præcipue si à laudatissimo uiro, & optimarū artium perquā studio so proficiſcantur. Quare gratus sit tibi meus iste pudor, plane subrusticus, quo uisus sum uelle hos colores, quibus me quasi pictor ornas, subterfugere: nec (ut uerum fatear) ullius uocē libēter magis audire debeo, quam illius, quæ me laudat, & ad uirtutē quibusdā stimulis gloriæ incitat. Quare, ò uirorū clarissime, antequam calamus me deficiat, sententiam meā tibi ignotā

Delicię secundarię deum offendunt.

esse nolo, cuius hæc est summa, ut me, fortunas meas, & omnes delicias secundarias, quæ deum aliquando offendunt, nos uerò semper oblectant, tua omnia esse perpetuum patiar, meq; laborem indefessum & ferreum in perpetuitate tui nominis & laudis positurum, tuiq; studiosissimum scito. Neque scis quam alte ascendisti, & quod nescias, est tibi ignoscendum, sciunt ij, penes quos mortalium sunt iura, in culpa, quod multis de causis reipublicæ puto te cōducere. Verum tuorum operum orbitatem apud populum in funera cadentem negligere, uidet omnia deus sabaoth, hoc est militiæ cœlestis, qui omnia ob oculos habet. Et à te hoc unum peto ut meas iniurias perinde doleas, ut me exstimas & dolere, & tuas ulcisci uelle. uince igitur, & uale, qui mecum es etiam usq; ad cineres uicturus. Deū etiam precemur, ut discordias, quas ferrum & uis uindictat, sine nostro periculo uidere liceat. Iterum uale, & cum gaudio omnium uictoriam expecta, neq; spe dubia te fraudabis. E' Burgo apud Segusianos.

FRAN

FRANCISCVS PIDOVXIVS

Petro Toletio Medico doctissimo

S. P. D.

Quoniam scribit Aristoteles multorum amicitias
 silentio dirimi, nolui committere, ut idem no-
 bis eueniret, praesertim in tanto amico:
 soleo enim eiusmodi officiorum genere cum amicis
 perlibenter uti, ne consuetudinis intermissio de pri-
 stina mea in eos beneuolentia quicquā minuisse uidea-
 tur. Sed cū ueterem illū tuum in me animum prompta
 propensaq; uoluntate, in praesentia cōfirmatum altius
 expendo, nunc certe cōtimeri me diutius nequaquā po-
 tui, quin te mei studiosissimū faciam de rebus meis, &
 praesenti statu per literas certiolem, praesertim cū nu-
 per (cum nos incredibili humanitate tua, & gratia
 nullo omnino meo in te extante officio, unā cū M. Ni-
 colao inuississet) petieras à nobis ut disiuncti mutuis
 epistolis colloqueremur, mutuamq; quandā cōsuetudi-
 nē imaginemur. Prior itaq; laceffo, tametsi in praesen-
 tia nec admodū uacabat scribere, nec erat argumentū
 aliquod scribū. Quid rerū faciam rogas, amicis operā-
 do, horū gratissima cōsuetudine memet oblecto, arca-
 na ipsi sua celant nunquā, cōmissa summa cū fide reti-
 nēt, nihil foris quæ liberius inter familiares effundere
 solemus renuntiant: Vocati praesto sunt, inuocati non
 ingerunt sese, iussi loquuntur, iniussi tacent: loquuntur
 quæ uoles, quantū uoles, quoad uoles: nihil assentatur,
 fingunt nihil, nihil dissimulāt. Verū ne nostra te fallat

metaphora, quicquid de amiculis loquutus sum, de libris dictū intelligas, quorū familiaritas me plane beatum efficit, sed longe beatiorē, si tecū mihi hæc felicitas, uel tātillo tempore cōtingeret. Itaq; si te ad hāc urbē Matiscum proximo die festo diui Ioannis, ut pollicitus es, conferre uolueris M. Antonij Rhodij discipuli tui & medici urbis Tornacensis uisendi causa me (si libuerit) fidum habebis comitem, & liberius de familiaribus negotijs, prædictisq; amicis differemus. Salutant te plurimū omnes huius urbis medici. Cæterum bene ualebis uir nescio humanior'ne, an eruditior omnino ornatissime, & huius amiculū uel potius clientulum, tibi toto pectore deditissimum, ita ut soles amabis. Ex Matisco xviii. Cal. Iulias.

FRANCISCO PIDOVXIO

vigilantissimo medico Petrus

Toletus s. d. p.

Saluu sis disertissime Francisce, scripseram ad te. Snuper satis uulgariter, amice tamen, quippe qui te in oculis fero, propter doctrinam tuā, propter tuos mores, & ingenij tui felicitatē ad quiduis sequacis, tu uero cū scēnore, ut bene nouisti, docte, amice & liberaliter respōdisti. Dico liberaliter, cum nō minus sit liberalis is, qui sua negotia amico, qui suspicione uacat, aut per literas, aut corā credit, quā qui omnia sua, quæ possidet, alteri clargitur. Neq; timēdum erat tibi

tibi amicitiam nostrā dirimi posse aut silentio, quod ab spatio loci fit, aut nullis epistolis, quæ nūc cū quādam uiciſſitudine tuto dari nō possunt, etiā si negotia principum minime tractemus. Nempe cū mortalibus in hac ætate ferrea & martia peſſime uiuitur. Quam ob rem te sic docta & ingeniosa metaphora felicem depinxiſti, ut parū, aut nihil te cum hominibus uersari intelligam, par est proſecto ut mea studia, & adſectus uiciſſim reſcribam, ne te aliquid celem. Duo certe amores duas faciunt ciuitates: duplex eſt noſtra cōuerſatio: ducimus uitam partim ſedentariam & tranquillam, partim motoriam & inquietā: uiuimus cum præceptoribus mutis, loquimur & uerſamur cum hominibus: perficimus opus noſtrum cum mutis, cum cæteris uero detrahimus nobis. Gaudemus cum mutis, triſtamur cum loquentibus: ornant nos muti, denigrant nos loquentes: nemini detrahunt muti, unumquemq; lacerant, dilaniant, & ſæpius uulnerant loquētes. Nō inuident muti, inuident qui ſuperare non poſſunt: ornatur mutis, perficimur mutis, quæ cœleſtia ſunt docent muti, ab his autem (quorum linguas effugere nō poſſumus) nihil, niſi quod terrenum ſapiat, quodq; ſceleſtum ſit accipimus, & hæc iſta uita noſtra, omnium medicorum eſt uita, eorum ſaltem qui negotiantur, quiq; crebris peregrinationibus triſtem hominum uitæ curſum percurrunt. Vide nunc per gratiā, mi Franciſce, quantum terremus à cœleſti, priuatus à publico, negotioſus ab ocioſo diſtet, & quā uaria ſit eorum felicitas, quāq; uariuſ ſit utriuſque finis, quem

ego, ne sim prolixior impendio, & pro epistola historiam quādam mortalium scribam, minime persequar. Quare, ut aliquando finem faciam, plura his non scribo, præterquam, quod te hic uidere plurimum cupio, hinc uero, & istuc, & quoquò unā ibimus. Neq; hoc perficietur sine iocis, sine risu, & fabulis. Vale, & scito me tui amantissimum. Resalutabis quotquot in tuis literis salutarunt, præcipue Ioannem Focaudum. Iterum uale.

REVERENDISSIMO DOMINO

Petro Bertali Christianissimæ Reginæ
 elemosynario domino suo ob-
 seruando M. Antonius
 Baucius

S. D. P.

Discessura Grationopolim Tardiuna domina, mihi iniunxit ut has suas, sua manu obsignatas, suo ore mellifluo editas, suis roseis labellis, priusquam eas mihi traderet deosculatas ad te darem. Eas igitur eadem fide, qua mihi creditæ fuerūt, ad te mitto. O te felicem, qui tantopere ab ea ameris, qua reges potentissimi si talem patronam, & heram nacti essent felicissimi iudicari possent. Leges igitur, & fausto omine uerbula illa è pectusculo nitidulo in amicū prodeuntia, & Dijs ages gratias ingēteis pro tali munere. Ego hic aduentum tuum morabor, qui quāto tardior erit, tanto erit insuauior. Nihil enim posthac mihi dulce est fu

est futurum Tardiūona absente. Salutē dices spectato Iurecōsulto Ioachimo Arfago, cui Asturconē meū summopere commendabis, illud addens, si ei per negotia uenire non liceat, quā primum equū mihi remittat. Oculus nanq; domini equum (ut probe nosti) impingat. Vale. Ex diuo Marcellino VI. Cal. Decembres, M. D. XXXVII. Raptim. Reuerendæ dominationis tuæ seruulus M. Antonius Baucius.

M. ANTONIO BAUCIO

Petrus Toletus S. D. P.

Rogauit me dominus Bertalis uir religiosissimus & à beneficijs Reginæ quæ charitatem & humanitatē uerā sonant (uulgo eleemosynariū dicūt) cum primum literas tuas quodam sale eloquentiæ & gratia innata conditas perlegerit, curarem ad te suis partibus scribere, ne neglexisse uideretur, & quæ scribis, & quæ rogas, fieresq; certior eorum, quæ hic cū summo labore & usu nummorum agit, neque existimes cum hic uitam sedentariam & ociosam uiuere, sed rei potissimum seruit, qua totus officiosus aliquādo (quod CHRISTO placeat) fiat & amicis & quibuscunque egentibus, quod iam in animo instituit, & ita, ut magnis præmijs sollicitet, & animum confirmet. Quare, amico hæc rogante, non te tædeat eius moræ, quam castigare citra honorem, & sumptū non potest. Habes tecum Musas, quibus reliquas su-

catas, laruatas, quæ terriculamentum mortalibus, imò uerò & terrorem adferunt, quasq; non nouisse felicissimum & plusquam cœleste esse dico. Cum tuis igitur Musis rideas aut seriò loquaris : nam quicquid uoles, hoc præstabunt, & uitæ tædium negliges, terrores superabis, tenebras omneis claritate, luce & fulgore præfulgente uinces: solæ hæ sunt (ut melius nosti) quæ humanitatem (quam ego uitæ humane inconstantis & dubiæ patientiam interpretor) concilient & tractent. Habes porrò animi fortitudinem, qua molliitiæ & lasciuiâ, quæ continuo insidiatur nobis, & maxime his qui post mortem uiuere student, fistidias & contemnas, neque tecum feras, illa ipsa est hæc mala molliities, quæ brutis & alogis nos æquat. Quare ne ultra te detineam loquacissima hac epistola, tu etiam atque etiam quid sustineas fac cogites, neque quandiu hæc tecum uixit, sed quandiu regnare tecum possit perpende. Tarditas est scio quæ te iam possidebat, eam ea diligentia, qua soles in rebus omnibus uti, superabis. Vale, & amicum monitorē ab ea uitæ nequitia, & conditione perditissima iam liberatum patere, neque in eadem naui cupias nauigare, ubi procellæ, uis uentorum, & persecutio. Iterum uale.

F I N I S.

ERRATA QVAE VITIO PRIMI
scriptoris Typographus commisit.

In epistola ad lectorem,

Lege seplasiarijs

Lege chelidonium Folio 8.

Lege lithosparmon Folio 86

Legemomie Folio 100

Lege seu macie Folio 106

Lege zeбетum Folio 114

L V G D V N I

Excudebat Ioannes Barbous,

AN. M. D. XXXVIII.